

近代中國史料叢刊續編第三十一輯
沈雲龍主編

吳州四程詩文集

程嵩齡編

文藻出版社
有限公司
印行

吳州四程詩文集目錄

春暉草堂詩文稿

程紹昌 文伯

叙

袁錦先生撰象贊

文

鳩隱室記

書前明墨蹟冊頁後

高君麓庵李君某生周君琴生畫冊跋

劉蔚伯古今印存序

致吳蓮芬觀察書

跋某菊池詩

臘鼓賦

主忠信賦

震為蒼筤竹賦

卓犖觀群書賦

詩

儀徵鄭五婦殉難錄書後

吟五兄屬題仲山畫菊仲山曾以畫菊冊頁貽我今已失去

見此幅覺一時樽酒之樂如目前也

子文小庵昆玉雪後招飲余適有武陵之行席間有贈恐余
雨雪載塗也醉中書感走筆效涪翁七言謝之

守研歌

書某寺壁

題某秋江嘯月圖

再題秋江嘯月圖

題許賓四琴鶴

欲雪

移居東村

表第宮小園分宅而居移家後感而賦此

十一月初五日懷董篋亭

寄六弟韜庵

菊枕

耳鳴秋夜不寐擬采菊花作枕得詩二首重陽日過鳩隱園
看鞠佩齋先生見拙作許以菊贈園中故多菊也奉呈致謝
奉和元旦即事詩聞惠佳釀詩以謝之

閑客冬至蘇州購書帖甚夥次前韻

僕藏完白山人寄鶴書冊麓樵驟欲索觀少翁欲先出此冊
然後致酒戲疊前韻

麓樵欲兼惠食品疊韻却謝

再疊前韻東南卿

丙辰五月陪真州吳讓之飲張君石琴西齋見壁上小石尊
元詠梅四律依韻答之詩中多涉禪門語是日喜聞讓之論
書勉以參悟知一切法作如是觀也

就陳繡堂先生

題鄭雋生藏鄉先哲墨蹟成冊

擬顏延年五君詠

和東坡自金山放船至焦山原韻

青桐館茗譚

題康伯山圍爐聽雪圖

題秋窗校碑圖

題尤銜雲寒江獨釣圖

遊城西草堂

城西草堂十二景

戊午八月同人燕集城西草堂即席次袁後山韻贈鼎華

戊午七月聞鶴衫第病歿壽州旅次詩以哭之

亡妻歿後十日乘小車至南鄉中途遇雨作詩誌痛得七絕

六首

軌堂嫂氏朱六十韻

大兒祥禾幕遊南台今七年矣甲寅歲暮旋里即事得詩五

首

甲寅中秋蓬之先生招同湯君印卿張君左泉吾園看桂口

占索和前後八章即次元韻

九月十二夜對月

秋蝶

小園執菊三十種借兒輩灌植累月重陽後剪燭賞之

病中口占

邈方外懷馨登隣友徐氏昆弟菊酒小叙戲成一絕

射陽

沙溝

輓陳叔度先生

題真州榮園峯石

秋山訪隱圖為趙仲穆題

奉和禮堂司馬茗飲城北茶亭原韻

題三峯園圖即次蓮芬觀察韻

平山訪僧

失題

題桐陰抱琴圖

題汪子所示壁窠書

再題壁窠書

賀某壽七十

祈雪得雪呈泰州某令五十韻

己未元旦迎春書此志喜並索古愚相庵和之

晨起晤家小香談及國朝己未科人文之盛叠次前韻

詞

摘得新

浪淘沙 獲樹庵道者為金雪舫題

一萼紅 真州吳讓之先生屬為樂平黃琴川題

菩薩蠻

近借吳先生讓之姚君仲海汪君研山學填詞錄呈柳村親家四閱

淒涼犯 寒雅和姚仲海

蘭陵王 落葉和汪仲山

祝英臺近 注引

解連環 時歸來燈下填此呈教 先生格同北郭若飲清話移

一枝春 題錢子奇燕山踏雪圖

尉遲杯 綠陰

定風波 十四夜月

減字木蘭花

買陂塘

沁園春

龍吟曲 自題焦巖春月卷子

水龍吟登大觀亭

菩薩蠻

水調歌頭題康瑞伯小海山房圖

因是齋詩文稿

程宇先齋庵

叙

文

晉軌室詩存叙

夏邊庵墓誌銘

致吳據之書

致張荅浦函 六通

寄川中書 二通

梅花嶺賦

詩

甲辰春初入都城西草堂留別

城西草堂十二景 ●

送許遂庵先生入蜀

禱詩廿首之一

籠禽

題鄭煦亭賞月延桂圖 集文選

古意

夜坐有作

鄒篤生集鄉前輩百三十人法書裝潢成冊屬題

詞 一名栢影軒詞

水龍吟 錢春

菩薩蠻 二闕

木蘭花慢

霜葉飛

定風波

奪錦標 秋暈

疏影 秋暈

長亭怨慢 秋暈

水龍吟 秋角

轆轤金井 秋寗

霜葉飛 秋暈

霓裳中序第一 秋暈

一枝花 秋暈

燭影搖紅 秋暮

湘春夜月 蒔菊不作花

虞美人

憶舊遊 題康伯山小燕

霜葉飛 關河早霜愴神搖落填此帛之以誌同茲感者

延暉書屋詩文稿

程祥芝 小鄭

叙

文

致小松堂第書

以文會友賦

詩

遊城西草堂即事題贈

鄒雋生收藏鄉先達手蹟裝冊屬題

壬寅二月三日同人恭祀梓潼帝君以我能拔爾抑塞磊落
之奇才分韻得爾字

癸卯仲春陳硯香將試京兆留別同人自小香以下悵飲者
凡十三人以春風得意馬蹄疾一日看遍長安花分韻得花
字

題許賓四琴鶴圖

春社

春曉

和陳少方六十生朝

風入松

松承堂詩文稿

叙

晏端書先生續纂揚州府志人物

章士旂先生題程小松詩集後

節錄王先裕先生東湖因樹園圖記

夏翼朝先生跋楹帖

孔繼鏞先生跋楹帖

王廣業先生撰墓誌銘

文

舍碧草堂記

鄭照亭先生賓月延桂圖序

哭紀內弟鐵甫哀文

王琴軒孝廉綠陰山館詩鈔序

松籟閣詩鈔序

燼餘錄跋

東湖草堂賦鈔序

洗冤錄外編序

重刻朱子小學序

重建先農壇記

家書二通

亡姬劉氏擴記

大理石屏記

三顧草廬賦

菊花仙賦

畫菊賦

東坡笠屐圖賦

摺疊扇賦

杏花春雨江南賦

虹橋秋柳賦

茶聲賦 二篇

賦詩臺賦

東坡仇池石賦

返魂梅賦

螢苑賦

楓落吳江冷賦

詩

秦淮雜詩十六首和王二波韻

寄懷莊蝶園

呈天長令傅少崖父子

贈昆陵余瑞卿

大儀鎮旅壁題句

贈王二波騎尉

歲暮

酒痕分詠得十四鹽

呈儲漁溪先生

八月二日偕友梅泛舟湖上

次日復與金讓水諸子良遊湖上

贈金讓水

友梅屢約游山雨阻未果作此柬子述讓水子良

同友梅遊吳山作

諫水子述同至大洞經閣

題諫水閒秋草堂詞後

瑞石洞

大觀臺

半間堂

借姚賓門李子鶴吳子林鄭少怡寶城看菊

宿鄧溥泉書齋

借宮小山鄧溥泉飲香榭軒

湖上芙蓉

將之皖江留別同學

東銅陵同學

呈胡敬溪夫子

偶然

夜泊辰洲

無題

龍潭拜史松垞先生廬即寄小松吳中

棲霞

石城橋

江行雜詠

東劉穀生

謁外祖皖城山館

東坡生日寄康端伯

二十九初度呈外祖并寄仁山舅氏粵東

迎江寺

歲暮懷人

請外祖復安詩稿

一指巖

陪永山藹山兩夢氏夜話

登大龍山

皖江即事

和外祖舊作井陘道中原韻

題江上酒樓

舟中夜坐

登樅陽白鶴峯

曉過大通

荻港觀燈

魯港江上喜晤章愚谷即送之北上

蕪湖感事

贈毘陵吳步蟾邂逅蕪陰

歸舟阻滯游滁不果却寄高麓庵刺史

金陵感舊

夜泊燕子磯懷史小松龍潭

真州謁文信國祠

五更行真州道上

高南卿過訪寓齋話舊

題家書後

喜晤田少泉康瑞伯揚州

迎曙軒呈主人趙漢南含章昆季

真州訪常繼香不值

嘗慧日泉

翠竹庵晤家麓山

聽雨分韻得曙字

清凌山院分詠得山字

身大...
清凌山和車竹君

疊竹君聽雨韻得八律贈之

寄內

梅格分韻得五微

東唐大尉伯

題傅少崖師小照

和張述夫出都口占四首

贈邱海琴

送傅松如歸泉州

偶作

張述夫招集二峯草堂為持螯之會即送葉酒生歸邗上
臘月小集守真堂遲崇海門不至

題全椒章雨人印譜

擬行行重行行

擬青青河畔草

擬今日良宴會

擬西北有高楼

擬迢迢牽女星

擬明月何皎皎

訪梅

問梅

折梅

畫梅

寒山

寒雲

寒鴛

寒菜

謝文節魏鐘琴

趙忠毅鐵如意

餞臘詞

呈家島山孝廉

唐宮水筋歌

和東坡讀孟郊詩二首即用其韻

歲暮書懷和杜工部十二月一日三首韻並擬其體

題康端伯小海山房圖

贈崇海門句

題許樁村移情海上圖

讀史八首之二

題畫

題陸次山鐵園集後

題黃母左太淑人李略

和幕中余新吾先生九秋即景原韻

敵樓落成

和陳少方六十生朝原韻

題湯秋史西遊吟草

題大理石屏

詞

沁園春 含碧草堂詠古分得陶學士掃雪烹茶

玲瓏玉 雪後東竹君

高陽臺 寒夜書懷寄少泉

齊天樂 秋樵叔之壽壽道出真州送至西郭門外馬山賦此

一萼紅 泊舟燕子磯風雨竟夕書寄所懷

前調 夕陽

湘江靜 真州西郊外有愛人石本汪氏榮園故物阮芸臺宮保題湘靈峯三字其上近謝笑仙繪榮園片石圖屬

題詞此應之

南樓令 東時雲樓主人

前調 秦淮感舊

聲聲慢 寒夜不寐百感悵觸枕上得此漏下三刻矣

淒涼犯 秋冬集分詠得寒字

南樓令 贈王二波騎尉

永遇樂 留別全振章雨人

雨霖鈴 看雨窗岑寂謝笑之仙書未索去近作兼訂北山之遊往

念奴嬌 憶吾鄉望海樓梅花却寄湯梅庵文康瑞伯常繼香

念奴嬌 東波生日雖集予不得歸復用前韻寄諸同人

八聲甘州 秦津雨夜聽琵琶從柳耆卿體

木蘭花慢 和二波見贈原韻

高陽臺 中秋夜留別

憶舊遊 題劉牧翁詞本

梅子黃時雨 題夏子俊香蓀館詞牘

賀新郎 吳子述以錄莊嚴室填詞圖屬題製此以贈

高陽臺 四篔簹南閣紀夢用余高陽臺韻茲余歸舟即事復疊前韻成之

買陂塘 題熊裕堂浣花閣詞牘鈔

皇太子御成婚御紀

印後記

四ノ一

春暉草堂詩文稿叙

叔曾祖文伯公著作。多不存稿。子文表州府志。載公著有春暉草堂詩文集。洪年兵革。走還鄉。手持遺編。脫生死。此外烟霧亦足見散失多矣。此冊係抄自故晚年在秦避兵亂時作。公跋高麓庵等故里。所存書卷。斷壁零絲。又詩云。家鄉回秦時。作可想。聞有購得數稿。或抄自有關山月詩三首。今已不獲檢到。若不

兵荒。稍一怠惰。如何保存。况毓弟歿已十年矣。故篋舊藏。可危之至。今幸由十月二十一日至二十九日。會錄竣事。次日正邀伯龍。識生。勁齋。公權。叔梅。博九諸弟。瞻樓間聚。固樂獲睹先人手澤。且樂參校之人多也。公嫡玄孫大年。客遊雅安。他日歸來。獲觀是集。勉力付梓。是更蒿所馨香。禱祝者。時民國三十二年大雪後。蒿齡叙於因樹園之獲室。

袁錦先生撰象贊

先生諱紹昌。字文伯。雙橋京兆之曾孫。吾鄉耆舊也。先世休寧人。自京兆以來。已占籍泰州。故世為秦人。先生幼岐嶷。落筆已驚其長。老父嵇亭解元。命從李南阿明經。及堂兄香巖孝廉游。工制藝。直入黃岡鍾陵之室。與堂弟韜庵解元齊名。又與從子小菴小松同研至契。號吳州四程。邑名宿湯悔庵康伯山。唐蔚伯常高庵高文子。田少泉諸老。先後與先生文字相切磋。每學使蒞臨。試輒冠軍。最為周石芳、朱虹舫、白小衫三先生所稱賞。暇作詩古文辭。俱考覽經史。出入漢魏。顧不甚愛惜。甫脫藁。輒棄去。才不偶命。有試

書十上。廬膺房薦。幾獲魁選。而蹟者再。卒不遇。而先生不少懈。性嗜古。與通州馮集軒進士同癖。最稱莫逆。尤工行草。未下筆時。先縱飲大醉。醉輒伸紙疾書。有天馬行空之概。先生於書法無所不窺。而於李北海為近。晚乃用安吳色先生一派。斷縑續幅。世幸寶之。家故不豐。以授徒自給。中年後卜宅郡城。與范膏庵羅茗香吳謙之為友。掌教徐松泉先生見所作安梅兩書院課藝。每感稱之。館於寶應朱恕齋方伯家。方伯雅重先生。命從孫桂生聘先生女孫焉。先生以實學勵後進。所成就皆知名士。如江都桂子香儀徵何述庭。吾鄉陳蕉生。尤稱通雅。歲癸丑。揚州之亂。先生始回故里。

長君祥禾。客於徐清惠公幕中。清惠寓書先生。招遊西湖。贖疾未
果。年七十一。歿於邑之馮家邨。咸豐九年十一月也。留葬所。卒以
明經終。士林惜之。孺人宮氏。紫玄太史裔孫女。夙嫻詩禮。亦能潛
隱衡門。相敬罔懈。先先生卒。生子三。長祥禾。福建典史。次早。卒。三
子駿。邑諸生。均嗣其家學。余年二十。就江甯有試。始識先生。先生
見所製雜作及古賦。絕賞之。為先君書團扇而別。自遭亂。回里。過
從始密。同治乙巳。嗣君以先生畫像囑題。追感生平。展卷興歎。雖
德音已遠。而淵英靡絕。每憶高譚茂製。音韻天然。敷衽論心。時與
商榷。重以伯喈忘年之契。愧無孝若贊像之文。謹述所知。畧陳梗

概非敢測高深於萬一。亦以誌景仰於無窮云爾。贊曰。伊洛之英。海陽之靈。於休先生。柔順文明。繼軌先哲。束身典型。述詠何極。言象莫名。落落風騷。脩脩詞翰。著述川流。篇章雲散。含英咀華。扶質立幹。悵念清芬。迹竊衡館。邈矣先生。淑配南宮。康媿黜婁。先事梁鴻。懿乎其範。淵乎其躬。夫尊妻責。匪爵而陸。夙仰程門。親其光耀。眇厥丹青。示茲神妙。德音孔昭。厥形惟肖。用告後賢。是則是倣。

春暉草堂詩文稿

泰州程紹昌著

文

鳩隱室記

佩齋先生博雅好古。性耽山水。曩縱遊武林。歸乃搆別墅於廳事西偏。築室數楹。廣植花木。為暇時遊息地。意灑如也。乃自署其室曰鳩隱。夫先生何隱乎。而昨過先生之居。得縱觀所藏金石。清談娓娓不倦。先生之才與學。俱無稍隱。使得展其志。豈不可和鳴。鸞鷲顧乃退然自守。若樸拙以自安者。誠有慨乎競巧者之拙。不如自適其適。以遊息於斯也。是夕偕同人集先生齋。出橫箋屬書此。

吳十九日身言二二二
額時則腕圓初熟。夏扈喚久。不圖樽前有此閒逸。易曰。磐桓利居貞。知巧拙之名。又可以相忘矣。先生乃笑而頷之。

書前明墨蹟冊頁後

鏡笑世大兄。交誼則後賢。文章則畏友也。戊午首夏。招飲西齋。出所藏金石圖書。名書法帖。借白門章君雅堂博雅士也。屬與校讐。昌東海鄙人。不足與於鑒賞家。而觸目琳瑯。有不能自己者。家珍可數。屬為前明墨蹟署籤。其人皆吳人也。剛經柔史。水軟山溫。其地多產名隄。墨蹟之妙。前無古人。或真或贗。或雙鉤。或撫摹。昌不能辨。然氣韻可臆測也。翰墨雙美。其文詞之工。非贗作也。且贗作。

萬。不。可。及。也。吾。鄉。田。君。少。泉。以。為。真。蹟。真。州。吳。君。讓。之。以。為。參。有。贗。本。冊。中。人。居。近。吳。中。吳。歌。吳。飲。想。當。日。亦。德。星。聚。也。贗。作。者。但。知。名。人。未。必。考。其。生。年。月。日。鄉。黨。里。居。而。冊。中。所。蒐。羅。者。所。讐。校。者。皆。不。外。此。是。為。真。本。甚。夥。或。附。以。贗。作。亦。贗。作。者。之。苦。心。魚。目。混。珠。時。所。不。免。是。田。君。或。涉。於。濫。吳。君。或。失。之。苛。昌。不。敢。為。調。停。中。立。酒。後。屬。書。仍。質。之。吳。君。田。君。並。求。白。門。章。君。雅。堂。不。獨。求。之。字。而。質。之。文。冊。中。如。王。元。美。董。華。亭。詞。翰。雙。工。當。非。贗。本。吉。先。片。羽。直。可。百。金。酒。後。書。此。不。敢。紫。鳳。天。吳。信。手。顛。倒。也。元。美。詩。華。亭。書。札。乞。賜。一。稿。同。觀。者。儀。徵。汪。君。研。山。秦。州。陳。君。翰。清。也。

高君麓庵李君某生周君琴生畫冊跋

竹垞先生家藏書畫。精鑒賞。頃承枉過。出所藏畫冊見示。囑署書首。兼題冊頁空紙。冊蓋胡蝶裝也。啟函讀之。畫者凡三人。皆三十年前舊交忘年友也。三人均長於余。高君麓庵。吾州巨族。美丰姿。精書畫。琴。碁。善騎射。作州牧。有政聲。畫學三王。余舊館三峯園。所見甚夥。李君某生。名育。江都人。嘉慶中。余居郡城。於族叔可亭家。數共譚讌。性豪邁。工吟詠。書法。畫有天授。所作禽鳥花卉。出入宋元。曩曾乞畫扇。今尚存也。周君琴生。家東台。曾館高氏三峯園。善畫。工篆隸。性簡默。寡言笑。似低眉佛。視某生。兼飲啖。氣概如高冠。

長劍揮霍生風。意境有仙佛之殊。皆高君麓庵座上賓也。畫冊今存十一頁。自郡城避亂。余回故里。所存書卷。斷壁零縑。回憶故人。晨星落落。竹垞博雅好古。似君工文藝。兼精六法。酒後書此。擔懷舊之蓄念。亮有同情也。畫冊當不止此。吾州儲君曉嵐鍾君竹椽。皆精繪事。與高君友善。必有畫冊。今不知歸何所已。

劉蔚伯古今印存序

余曩以年家子館寶應。朱恕齋先生家。與儀徵陳樸生。孝廉聚處。凡一載。觀所藏古歛。巴君蔚祖印藪。多載漢印。孝廉工篆刻。深許氏學。間得聞其叙論。今歲余友劉君蔚伯。招飲雁翅墩別業。得觀

浮雲柳絮山房所輯古今印存與向所聞於陳君者相辨證竊謂印章之有古今亦說各不同以宋元為近今是漢印為古以同輩為近今是國朝諸老宿已為古矣攷漢印二名者可回文寫姓下著印字在右單名古姓某之印却不用回文寫三字非複姓及無印字者皆古人以字表德印下有空懸處繁簡相安布置不紊李陽冰謂之巧者以此蓋古今遞相祖述才力益開踵事而增理所必至漢人官印或私印以字行只載爵里後乃有朱文及押角有從經史諸子鑄刻一二句者有摘古人記叙小篇刻至數十字百數字者字數益多門巧競奇才力益日出其刻至多字者印章方

可。二。寸。許。楷。畫。斜。正。可。按。以。大。九。宮。編。揖。拱。向。映。帶。左。右。玩。之。如。古。碑。銘。其。旁。或。記。年。月。鐫。款。識。又。如。古。人。之。刻。碑。陰。及。題。名。余。所。見。漢。碑。字。正。書。碑。頭。必。用。篆。隸。方。二。寸。許。爵。里。名。姓。不。過。十。餘。字。如。臨。以。縮。本。可。方。寸。許。亦。今。之。印。章。所。師。承。是。變。通。古。人。之。迹。實。各。得。古。人。之。法。也。蔚。伯。劉。君。博。雅。好。古。蒐。藏。金。石。行。且。日。富。因。述。曩。所。聞。於。陳。君。樸。生。者。書。以。質。之。時。咸。豐。六。年。柔。兆。執。徐。花。朝。前。日。序。

致吳蓮芬觀察書

蓮芬先生觀察大人閣下。中春。既。我。饌。飲。庖。人。大。夏。荷。君。珍。頒。飲。

子昨承賜藥金丹換骨竹素懷人。可以滌煩襟。除夙垢。鑄佩無已。

對使拜嘉昌也。乍經溽暑落苔點於衫中。未到杭州。沈酒痕於襟。

上。鮫綃織錦書匣。猶存蟬翼籠紗。搨本難購。蓄番餅少許擬裝萬

韻漢景君遂令豪吟荷芰有愧。詩人身似芭蕉空慙佛國。謂君子

必稱其服。維士也。不恥惡衣而乞巧。無靈金鍼難穿藕孔。縫裳有

俗。銀河徒悵匏瓜。閣下穆如清風。情殷雋雨。詩云。一日不見如三

月兮。請以采葛之篇。為君子誦也。久違光采。曷任汗顏。盛夏調攝

自宜。起居萬福。

跋某菊花詩

某某以十年之舊雨愛三徑之秋風斫地悲歌眼空燕趙仰天一
笑魄落江湖飯顆相逢怪我別來太瘦柴桑有約為君頃刻開花
幾回騷客詞人香中素筆一具冰心鐵骨月下吟秋知否司勳已
生白髮可憐彭澤揮盡黃金交以淡而逾長花以寒而更健用披
短幅畧罄微忱

臘鼓賦

臘鼓兮春聲祝東皇兮太平敲冰箸飛璫冥揚枹兮拊鼓送司寒
兮迎貓虎兒童兮角兮蹈且舞鼓欣欣奏平康饜醉飽起羸尪鼓
咽咽振賸聾嘉雪澤去螟蟲奏鼓坎坎其則不遠危危鳩鳩兮獻

圖版奏鼓。鑿鑿景福。來崇星迴。斗轉分旨。酒千鍾。戲鳩車。騎竹馬。不如臘鼓。今淳聲。攻羲瑟。說媧簧。不如臘鼓。乘今時。今樂康。

音節通麗樂府之遺原評

主忠信賦以學者必以是為主焉為韻

翳古之君子。修辭立誠。守身必愆。既攝以威儀。益昭其貞確。歷丹青而不渝。貫金石而不利。忠信以進德。於緝熙。單厥心得。主而有常。念始終典於學。夫是以虞詐悉捐。尤悔則寡。忠為身之寶。人其鑒諸。信乃德之興。言可復也。四教列文。行忠信。兼本末。始終三省。以忠信習傳。無間斷。虛假旦明。屋漏其如示。諸斯乎。格物致知所。

謂誠其意者。若乃拳拳服膺。孜孜惟日。推諸己而施諸人。禮以行而孫以出。儒行以為佩。惟斯愛而斯傳。子張書諸紳。因載言而載筆。繹中心為忠之訓。取義則兼。取形聲觀人言為信之文。會意必。要諸誠實。不可須臾離也。當知有物有恆。庶幾終身行之。敢企毋。意毋必。蓋忠信主於心也。則心為身之官。忠信主於志也。則志為氣之帥。如家有家主也。父子兄弟夫婦。忠信誰曰不然。如田有田主也。畛域界限。堤防守忠信。云故不喜崇德。修慮辨惑。豈有他哉。治國齊家修身。視其所以。由是行仁。則勿二勿三。徙義則於彼於此。歌之里巷者。忠言傳至千秋者。信史。朝有忠信則賢。其賢而

親其親野有忠信豈我為我而爾為爾舊令尹告新令尹忠則誠然彼一時非此一時信乃如是奉為主宰凜若主持主於中不憂不懼主於外有守有為似忠信者鄉原不過我門比之惡紫惡黃小忠信者曹劌尚能請戰儼然有鼓有旗能忠故奉醴奉牲惟誠可鑒也不信則無軌無輒其何以行之心賢聖之心誠能動物學古人之學主善為師是以忠信之學行之於人傳之於古選善必與人無欺去惡乃於世無侮可以主五事之貌言可以平七情之喜怒以忠信為甲冑乃武乃文以忠信涉波濤宜賓宜主是則操之有要莫之或先學者其於時惕惕君子猶終日乾乾是誠何心

哉。人。知。改。過。果。能。此。道。矣。學。永。無。愆。子。路。有。聞。片。言。可。以。折。獄。曾
子。曰。唯。一。貫。於。是。傳。賢。讀。孝。弟。忠。信。之。書。至。矣。盡。矣。守。仁。義。忠。信
之。訓。藏。焉。修。焉。

用成語如己出。文章本天成。妙手偶得之。趙漁亭

震為蒼筤竹賦以題為韻

方。讀。易。於。芸。窗。證。同。心。於。蘭。詠。驗。物。卉。之。潛。通。識。先。風。之。漸。近。竹
筤。筤。萌。蒼。攢。蒼。印。苞。初。坼。甲。文。有。斐。而。箭。有。筠。个。似。添。丁。日。以。暄
而。雨。以。潤。數。三。十。六。宮。春。色。青。帝。乘。乾。歷。二。十。四。度。花。風。蒼。筤。象
震。原。夫。震。之。為。卦。也。體。乾。陽。之。正。位。值。春。氣。之。良。時。其。色。則。青。分

配夫雄黃坎白。其德屬木。兼象夫甲幹子土。膏之動。有聲虩虩。驚雷聞雨澤之施。莫不隨而無為。而是竹也。淇園抱質。嶰谷生姿。拂湘參差。籟聲滴露。篠粉含滋。何葉乍添。夫篔簹。似嬰孩。宸宮之長男。卜爾竹封。君子宸方之之色也。烟含嫩篠。影綴新篁。藍光染翠。黛色渭水。匪黃竹之咏。自穆王。聯蒼宮。青士之班。白虎蒼龍之色。東西則宸列。東方對攤日。而吹箕風。而夏玉竹聲。律叶青陽。倘教拂上。生。

來。坎。月。月。影。蒼。蒼。至。若。雷。水。為。解。竹。之。解。也。以。順。而。應。水。澤。為。節。竹。之。節。也。以。堅。而。剛。乾。為。玉。也。而。竹。之。琅。玕。如。玉。之。潤。異。為。蘭。也。而。竹。之。清。潔。如。蘭。之。香。比。泰。之。拔。茅。而。竹。之。根。為。貞。勁。擬。姑。之。包。杞。而。竹。之。色。可。含。章。凡。旁。通。以。取。義。皆。震。卦。所。能。詳。又。况。震。為。專。而。既。專。則。書。稱。條。蕩。震。善。鳴。而。和。鳴。乃。樂。叶。鸞。凰。惟。輝。光。夫。草。木。故。取。象。於。蒼。筤。蓋。震。以。一。陽。之。乘。處。二。陰。之。伏。發。響。應。夫。春。運。旋。轉。運。乎。地。軸。而。竹。也。感。機。之。奮。迅。應。氣。而。生。象。德。之。發。揚。與。時。為。育。所。以。天。心。見。復。驗。數。點。之。梅。花。地。氣。初。升。報。一。竿。之。修。竹。士。有。搜。易。象。以。鑽。研。仰。羲。圖。之。布。護。卦。氣。值。日。學。衍。京。房。爻。畫。占。時。理。

參管輅。崔葦。何以預蠶功。稼穡。何以占農務。術不問火珠。林象兼
取乾鑿度。名標竹箭。曾搜爾雅之訓。言美並瑤琨。載攷揚州之田。
賦。

取鎔經義。自鑄偉辭。門人何幾注

卓犖觀群書賦 以題為韻

左太冲詠史才高。耽書志慤。上觀千古。眼界堂堂。刊落群言。胸懷
嶽嶽。擅相如賈誼之詞章。比劉向揚雄之博學。弱冠弄柔翰。把卷
情深。長嘯激清風。臨文筆卓。寓目縱橫。寄情超超。將馳騁乎藝林。
愈研觀於講幄。繅紉古錦。萬軸琳瑯。玳瑁新裝。陸雉斑駁。臧增三

篋。充棟。可以。汗牛。目下。十行。殊編。何須。挂角。定許。置身。百尺。健風。
骨之。嶙峋。當時。放眼。千秋。想天才。之卓犖。迺其。書之。為夫。而為。權。
也。則洞若。觀火。書之。或源。而或委。也。則澄若。觀瀾。書之。經緯。天地。
也。如觀。泰山。之日。出。書之。昭回。雲漢。也。如觀。列宿。之星。寒如。遊瑯。
瑤。洞天。搜羅。有丹。經玉。笈。如入。波斯。寶藏。照耀。皆珊瑚。木難。顧盼。
自喜。胸襟。益寬。青年。綠鬢。長劍。高冠。方之。甲冠。鴻都。教六。丁。而守。
護。若比。卯金。天祿。倘太。乙。之下。觀麟。麟炳。炳。雉。雉。焚。焚。十華。八會。
五典。三墳。滄。董子。之玉。杯。先生。驚露。兔。夏王。之金。簡。采煥。鄉。雲。以。
至。董狐。舊史。蘭臺。秘文。諸子。百家。之騰。權。箋。疏。表。奏。之。紛。紜。恍。觀。

犀。玉。山。頭。峯。巖。嶺。峻。而。突。兀。下。觀。羣。芳。卉。譜。萬。花。飛。舞。而。續。紛。手。
握。瑤。函。真。覺。自。他。有。權。眼。高。銅。柱。斯。為。卓。爾。不。群。莫。不。高。文。擷。取。
細。字。爬。梳。百。珠。明。珠。胸。中。雪。亮。千。行。文。綺。筆。底。霞。舒。有。綠。字。丹。文。
之。秘。有。金。匱。石。室。之。儲。頁。頁。自。展。香。芸。不。少。辛。羊。帝。虎。紛。紛。如。掃。
落。葉。校。讐。亥。豕。魯。魚。小。儒。焉。足。為。漫。詡。一。丁。之。識。大。雅。如。可。作。須。
窺。二。酉。之。書。方。今。聖。天。子。壽。寓。同。文。寰。瀛。遵。度。朗。璣。鏡。於。萬。年。光。
琅。函。於。四。庫。石。渠。金。馬。輝。東。壁。之。圖。書。舜。日。堯。聰。救。西。清。之。掌。故。
士。也。學。植。球。琳。音。傾。韶。護。莫。不。羨。多。文。為。富。臨。虎。觀。而。蜚。聲。觀。國。
之光。仰。螭。吻。而。學。步。黜。華。崇。實。漫。說。班。香。宋。艷。之。才。攜。藻。揚。芬。還。

追。三。都。兩。京。之。賦。

小。月。日。呈。寺。集。春。輝。草。堂。文。

二五

皇
朝
文
獻
通
考

卷
一

春暉草堂詩文稿

泰州程紹昌著

詩

儀徵鄭烈婦殉難錄書後

烈婦氏鄭字懷蘇。殉難能使綱常扶。大節凜凜必傳後。我詩先從
瑣屑書。幼隨京宦秉姆教。儀徵巨族家江都。祖擢甲科居臺諫。父
賜貢舉掌密樞。七歲侍疾忽火發。婢床在側憂焚如。急喚家人扶
母出。以己壓被當水滯。人言幼慧胸有珠。十九于歸程氏夫。程氏
業釀資巨萬。登堂再拜紅瓊瑜。莫誇錦帶繡羅襦。不羨寶玦青珊
瑚。但願嚴奉翁與姑。夫病急剗股肉進。厥疾得愈甘勝茶。無何家

業嗟中落。夫遊晉豫。連楚吳。星奔往復。寡姑死。燒燼乃依。兄母居。
兄擅文史。古為徒。筆銳于將。比厲鏗。無乃硯食。八口餬。助兄繪事。
換青蚨。一花一婀娜。一葉不凋疎。羞言沒骨花。無力可識。凌寒雪。
不污。揚州風鶴。突相呼。粵匪猖獗。將及郭。夫還山陽。出門去。母氏
云。歿形影孤。阿兄相勸。避兵刃。家具草草。誰枝梧。日盼夫子還家。
室。一心誓死。甘守株。二月廿二。星見柳。下弦月。魄冷銀蟾。賊來入
城。城倏閉。闕城男婦。嗟何辜。越月賊群。乃大索。排戶搜擄。日未晡。
自刃。不死。賊舍去。血點斑斑。淚點枯。日盼天戈。大殺賊。自春入夏。
日月徂。作詩訴皇天。胡為罹于學。作詩貽夫子。膝下無哺雛。自向

空房完大節。乳媪救之母。乃惡續命不結絲。進縷絕粒還辭水。一
盃手扶刀痕。刀創裂身求九死。命云殂。朔月賊去王師入。滿城積
屍盈溝渠。敗葉當階竄狐兔。舊屋傾倒成荒墟。兄來求屍不可得。
哭聲嗚咽臨交衢。招魂何處尋南澗。薦以寒泉剪新蔬。吾聞天監
常不爽。烈婦之烈光里閭。尸解兵解各一說。烈婦之烈其仙乎。我
昨海濱遇吳猛。屬我題詩同鐫墓。我詩俯述烈婦傳。煩稱複引語
不誣。長歌既畢起敬服。爭先日月良有諸。吁嗟乎。烈婦之烈無時
無。精誠猶待清淮符。指日天戈蕩群寇。風馳電掣民困舒。朝廷恩
大賜旌表。萬古不與蕪城蕪。

吟五兄屬題仲山畫菊仲山嘗以畫菊冊頁貽我今已失去
見此幅覺一時樽酒之樂如目前也

草書之妙明點畫真書之法看使轉汪郎畫菊得此訣筆自蕭疏
氣丸滿頗愛長箋長不厭短幅短一花一葉自揮披一筆兩筆皆
婉。聖。霜。氣。落。紙。使。成。秋。慣。貌。森。服。而。亂。頭。濕。飛。雨。之。三。點。如。點。描
新。月。之。一。鈎。半。鈎。似。此。一。枝。寓。橫。幅。隨。手。轉。環。作。伸。縮。畫。所。不。到
補。以。詩。可。詩。可。話。可。題。詞。屈。子。離。騷。陶。公。贊。滿。紙。芳。香。落。筆。時。我
識。汪。郎。歲。癸。丑。作。客。家。鄉。索。筆。走。披。君。斯。幅。逢。故。人。花。前。一。樽。開
笑。口。我。醉。題。詩。墨。如。醉。高。秋。還。為。先。生。壽。

子文小庵昆玉雪後招飲余適有武陵之行席間有贈恐余
雨雪載塗也醉中書感走筆效涪翁七言謝之

連宵雪澤及下尺禽呼泥滑雨喜鷹我愛農夫學塗足步行脚軟
三里能梅花大笑飛瓊墮敲門驚起衣安卧脱屣贈我出門行頓
覺生平踏步輕嗟乎短後之衣當射虎莫把文章嚇腐鼠丈夫羞
作可憐蟲故人情多乃如許今朝賞雪添杯酒更煮龍團吟清夜
詩成翻覺古人怪何事姓名雙不借

守研歌

我昔帆挂東亭雲見君祖德何温醇飲中仙人稱草聖研磨風宇

書通神。藏帖涉戲鴻。出入未南宮。善學山陰。追玉局。龍尾鳳。味思
仙翁。石塵有情天。人比多情佛。想君被東風。笑漁情。春子。曾有揮手輕
黃金。持躬珍白璧。書生有福面如鈿。研田朝朝照君面。以孫繩祖
父教子。書名爭似傳義獻。守研為研卜行藏。先人手澤生輝光。剛
柔分日課。經史珍重。祖研登玉堂。登玉堂。延書香。子孫世世熾而
昌。我攜破研鑽故紙。眼見流光去如水。前年兵革走還鄉。手持遺
編。曉生死。此外家珍存有數。零珪斷璧隨烟霧。及今何人燕領姿。
墨磨盾鼻草露布。昨宵夢證石三生。棄擲枯管拓金城。小金城龍
賓之墨下如雨。潤露瞿鴛雙眼睛。身世滄桑誰易宅。願守清芬常

勿失。濯筆。銀河。會洗。兵。研山。斲。之。支。機。石。

書某寺壁

我聞佛門不二法。世界肉眼紛如麻。幾人夢見清淨域。恐墮塵世
恒河沙。弟子虔祈上乘法。手藝旃檀躬無瑕。如來歡喜彌勒笑。天
龍說法人無譁。付汝銅鉢紫袈裟。佛衣世上先明畧。幅幅閃出紫
金蛇。佛鉢海中功德水。朵朵養就青蓮花。我衣不垢斯念無遮場
開選佛。佛說汝嘉。手持衣鉢何咨嗟。佛云堅持我願力。廣度衆生
始萌芽。香花栽祇樹。靈鳥喚頻迦。一朝功果滿。虎伏而龍拏。從此
衣鉢我付人。天花亂舞蝶翅橫斜。胡乃石不點頭花不笑。九頭月

手口言言
黑。聞。鬼。車。餗。罷。年。尼。奎。門。關。守。夜。叉。呵。呵。佛。笑。汝。行。無。差。十。年。功。
面。壁。達。摩。胡。為。耶。肯。令。偏。袒。托。鉢。走。天。涯。還。有。布。袋。行。付。汝。佛。國。
團。團。一。大。家。

題某秋江雨月圖

古。之。善。嘯。者。孫。登。其。次。惟。有。阮。籍。能。蘇。門。鸞。鳳。久。不。作。陳。留。蔓。草。
臺。空。曾。君。從。何。處。得。此。意。千。餘。年。乃。續。一。鐙。千。餘。年。中。豈。無。響。我。
思。其。人。一。一。而。神。往。君。不。見。諸。葛。公。嘯。隆。中。越。石。劉。嘯。樓。頭。坐。而。
嘯。者。南。陽。守。登。而。嘯。者。東。郊。叟。或。暑。月。嘯。清。風。生。或。峨。眉。嘯。霹。靂。
鳴。蔚。然。而。嘯。為。寒。氣。劃。然。而。嘯。為。鶴。聲。我。獨。有。口。噤。不。鳴。鳴。亦。不。

得。古。人。聽。安。能。拏。舟。共。君。行。長。江。之。長。明。月。明。君。乎。一。唱。我。再。賡。
猿。鳥。為。之。啞。魚。龍。為。之。醒。星。辰。為。動。搖。山。谷。為。砰。訇。月。茫茫。而。欲。
墜。江。浩浩。而。不。停。或。連。海。上。曲。子。音。絳。山。笙。

再題秋江嘯月圖

秋江渺渺秋波平。秋夜澄澄秋月明。清光萬頃盪空碧。遠樹微茫
烟歛白。蛟窟無聲鼉鼓息。輕舟搖動玻璃色。石破天驚嘯如劃。洞
庭瀟湘極飄忽。

題許賓四琴鶴圖

調鶴如對嘉客。彈琴且賦仙翁。聞君吉事取女。將和汝之絲桐。

欲雪

昨宵凍月暈黃昏。晨起凝烟蝕蘚痕。一鶴低徊閒覓影。萬松儘立
情無言。風淩定為同雲釀。日薄猶嫌積水渾。漸覺垂簾香篆冷。自
呼杯酒抱溫存。

移居東村

人說東村似畫圖。桑榆夾岸柳盈株。蕉心易展青連屋。麥腳全蘇
綠滿區。自翦春蔬閒意趣。待營夏簟睡工夫。夕陽策杖溪橋畔。鄰
叟時邀醉一壺。

表第宮小園分宅而居移家後感而賦此

多君使我燕居息。悔不當時鶯結鄰。林叅村深宜酒客。杏花巷近訪詩人。溪穿春溜魚苗活。雪霽茅簷鳥雀馴。此是南宮舊書屋。與君相對暗沾巾。

十一月初五日懷董築亭

紅樹青山畫裡詩。昨飲董築亭書室相逢薄醉共清卮。我求古隸追程邈。君抱幽情詠左思。瓊屑暗隨冬雨釀。梅花冷見歲寒姿。再遲十日期鸕杓。又是當頭月上時。

寄六弟韜庵

秋宵病起夜臨池。每到臨池使爾思。無以復加惟奮搏。有時暗轉

露風規篇終細驗諸家法自運須忘所習碑畢竟安吳具神解力
齊五指劃如錐

菊枕

枕上今宵合有詩。拈花作枕恰宜之。正當白雁懷人夜。不是黃梁
入夢時。耳比鞠通神易。効身除艾氣俗。能醫細參內景。經中語香
着肌膚。心透脾。

黑甜自覓安閑法。甘谷人誇壽命強。但覺夢中香栩栩。怕聞世上
事茫茫。空階滴斷重陽雨。畫角聽殘昨夜霜。因欲眠時飢喫飯。暫
留一半裏餓糧。

耳鳴秋夜不寐擬采菊花作枕得詩二首重陽日過鳩隱園
看鞠佩齋先生見拙作許以菊贈園中故多菊也奉呈致謝
枕畔詩情尋蛺蝶。耳邊更漏數蠅蟄。乍逢仙客慰膏藥。樵
薪且累山童替掃花。簷到落英分栩栩。香從餘畝乞些些。
只慙投報無瓊玖。空想詩人詠木瓜。

奉和元旦即事詩聞惠佳釀詩以謝之

聞說屠蘇便請鄰。香傳口吻欲生津。渴龍得酒騰身易。乾
鶴催晴送喜頻。滿把瓊漿許乞幾。行珠玉句尤新。不須自
撥牀頭甕。已覺梅花破曉春。

聞客冬至蘇州購書帖甚夥次前韻

安得瑯環地結隣。吳門歸後話前津。字搜北魏同時少。詞憶東坡
看句頻。下酒無如書卷樂。署籤須護印泥新。相看人日題詩早。月
上西齋是好春。

僕藏完白山人寄鶴書冊蔗樵縣欲索觀少翁欲先出此冊
然後致酒戲疊前韻

皖城八法近無隣。纜數家珍使問津。三徑不妨看鶴立。一觀容易
借書頻。讓君船泛珍珠滿。待我箱開翰墨新。畢竟詩情先有托。歲
華須買玉壺春。

麓樵欲兼惠食品疊韻却謝

五侯鯖敢羨東鄰蔬。箇年來慣說津餐。雪心腸聊爾爾。解龜食指
勸頻頻。真仙麟脯觴行酒。大雅蒲魚。毛薦新使論詩。城富遊席畧
分菽。醋韻初春。

再疊前韻東南

南卿也。故南卿姓尤。諱璋。嵩姓文。詩中稱西園。稱草堂。

飲爾醇醪德有鄰。西園梅萼繞烟津。秋江濯魄才何健。好句穿珠
聽已頻。寄鶴請看花閣麗。題詩剛及草堂新。漢川茅屋猶如畫。到

此吟懷兩度春。

丙午樵人日錄贈劉麓樵原詩

丙辰五月陪真州吳讓之飲張君石琴西齋見壁上小石尊

兄詠梅四律依韻答之詩中多涉禪門語是日喜聞讓之論
書勉以參悟知一切法作如是觀也

松格由來同落落石夷從此見粼粼寒侵月窟香凝髓澹看冰綃
喜稱身能使作花存質幹竟如相馬愛嶙峋今朝乞得金丹換蛻
却羅浮萬玉塵梅骨

一花不見花身現此意參從不二門玉遂何來遶縹緲金尊留與
護溫存乍逢彼美春猶寂莫問前生石不言絕少驚沙吹雪片旗
檀此夕淨聞根梅魂

菩提非樹本來無此是梅花第幾株法說龍天初證果寒凝蚌月

也。成。珠。根。攢。蓓。蕾。香。傳。信。竹。比。嬰。孩。雪。作。膚。養。就。瑤。臺。丹。頂。鶴。仙。
禽來降任招呼。梅胎

滿樹霜階猶錯落。數枝水面亦橫斜。四更吐月禽翻竹。正月開冰。
魚。啖。花。淨。垢。都。忘。參。有。相。色。空。不。着。會。無。遮。畫。禪。畫石二若許窺。
三昧吮墨新蒼韻字紗。梅影

輓陳繡堂先生

先生下筆擬班揚。天上修文召帝鄉。著作家傳陳太僕。科名人比
魯靈光。桂宮兩占文昌錄。槐市新添弟子行。苦憶年時風鶴冷。猶
聞杖履說康強。

軒名壽葉愛國亭。先代耆英壽百齡。進爵曾隨萊子服。著書當授
伏生經。公經學精研漢儒。年治兩書。今古文。鳳麟才美人文美。芹藻香流壁水馨。
慟說河東先友記。於今寥落悵晨星。

五載天南未息戈。鄉關饑饉問如何。願聞道誼師儒繫。未展經綸
抱負多。時為流亡籌雁戶。閒吟荷芰伴漁蓑。他年封誥褒金紫。眼
見森森長玉柯。

題鄒雋生藏鄉先哲墨蹟成冊

前人寶笈名詞翰。必變美相觀得冥契。此中有微旨。喜君善搜羅。
斯意重桑梓。明日過君齋。飽看日移晷。

擬顏延年五君詠

阮君精鑒識。屬文多諷諭。長嘯樂其真。沈醉適所遇。窮途避庸人。戰景保吾素。不為禮數拘。詠懷得天趣。阮步兵

中散餐霞客。遊戲逐槃適。入洛有神契。鼓琴奏雲和。養生世所羨。採藥山之阿。馴服羞駑馬。終鷹當空歌。嵇中散

劉靈潛藏士。無心悅軒冕。乘車自翱翔。耽飲起沈湎。頌德辭無多。荷插興不淺。韜晦善閉關。言凜白圭玷。劉參軍

仲容稟靈秀。審音無其匹。攷樂辨金奏。掘地得古尺。山公復薦牘。太原爭賞識。出為始平守。人憶竹林客。阮始平

向秀揚宗風。竹素同游息。平生嵇呂契。如振鳳鸞翼。觀書愛漆園。妙解何昭晰。眷言河內遊。感舊山陽笛。向常侍

和東坡自金山放船至焦山原韻

山樓虎踞雄耽耽。挂帆飽看江東南。金山齋厨焦山宿。烹茶呼艇人兩三。中流擊楫朔風冷。何用瑟縮同眠蠶。吞吸江光看山練。風伯不避無乃慙。衆山相望抱風吼。郭公啼鳥喚江潭。照眼分明雙螺髻。夕陽帆影紅半酣。風馳力飽到山近。禽言百種如清談。登山步步迎松翠。蘭棹荃壁留詩龕。我憶焦先當漢末。結廬來此情殊甘。人言此山山包寺。蠟屐未遍能無貪。青花寒翠摹古鼎。鶴銘搜

別時猶堪。晨鐘飯罷。風浪靜。海嶽還訪。雲中庵。

青桐館茗諱

新茶嫩過春于綠。小叙能教客沁心。君自諱詩吾讀書。參來笙磬
總同音。

仙蝠養成琴室靜。

東園以錦囊置琴中。藏蝠蝠一隻。

腕圓窗外弄初晴。圖書詞翰

青桐館引我山陰道上行。

時余將游浙

題康伯山園爐聽雪圖

誰將俗耳洗箏琶。記取瓊瓏雪點斜。拍遍陽春思和者。角招只合

詠梅花。

熏鑪香篆擁高吟。撥取陰何候已深。我欲晴窗臨快雪。安排青李與來禽。

題秋窗校碑圖

西窗鐙火夜深青。手校殘碑證石經。奇字繇來闕攷訂。開函思訪子雲亭。

金石蒐藏有夙因。零縑斷璧總堪珍。欲窺定武蘭亭本。五字期君

辨偽真。

義偕家器庵至郡城汪君經伯書室得觀家藏定武蘭亭本

題尤銜雲寒江獨釣圖

書畫紛紛載一舟。淮陰風雪恣清游。何當神劍通靈去。癡甚江東

顧虎頭。

琉璃世界放扁舟。大好溪山作冷游。記取一竿春在手。梅花如雪滿船頭。

昔年曾上潞河舟。秋色今看泗上游。如此經綸好才調。光陰愛惜到竿頭。

表江江上木蘭舟。幾度相逢畫裏游。我是吟詩老巢客。何年詠雪

百花頭。

城西草堂茅亭上。曾題百花頭上扁額。

遊城西草堂

秋蔬分綠滿寒畦。一覽郊原翠色齊。剛見蛾眉新月出。夕陽亭子

小橋西。

憶訪杏花風側側。坐看楊柳影絲絲。絲絲爲天氣。茶煙碧。消受春風
噉茗時。

四時竹樹不須猜。重約頻來逐徑開。最好春耕田盡綠。百花香過
女牆來。

難得園林子弟賢。折薪圖畫影翩翩。分明負荷生涯在。花氣書香
壓一肩。

詩卷裝成主客圖。花花葉葉費工夫。寄言破浪乘風者。細柳營前
憶得無。

晨歆翠蓋斟仙液。晚折荷筒貯醪醅。一段詩情清絕處。紅蕖點水
綠蜻蜓。

水上芙蓉冒粉紅。枳籬香綻菊花叢。秋原看獵亭西路。聞說將軍
已掛弓。

無端老鳳苦情癡。時柳村幼子化去痛憶嬌兒放學時。或者探環羊叔子。
重來記誦草堂詩。

城西草堂十二景

小橋環綠水。窺園得幽憇。樹色淡晴烟。春痕有柳意。小橋烟柳

片帆白於雲。出沒白雲裏。女牆夕照紅。淡入魚霞尾。古堞雲帆

蘋蓼與鷓筮。催耕南陌頭。但得攜鉏來。賣劍而買牛。南陌催耕

踏開白水關。船入小西湖。東南衣帶水。莫惜伐菰蒲。西湖放棹

人日宴草堂。梅花照酒卮。吟回芳草綠。八十一胭脂。梅塢春深

秋暑張火織。水來荷葉雨。晚涼菡萏天。秋月如處女。蓮塘雨霽

老圃忽霜黃。寒蛩吟太苦。請畫草蟲詩。收入幽風譜。菊圃吟蛩

何必乘軒去。梳翎竹徑斜。園中有鶴俸。石隙無虺蛇。蕉廊調鶴

新涼親燈火。人影草堂路。幼讀有用書。不徒在章句。草堂課讀

山鐘吼蒲牢。城闌無夜警。年時畫角聲。人當發深省。每早聞鐘

一塔東南峙。朝曦耀金碧。與君瞰軒亭。照見泮池筆。一塔晴曦

晴雪盈滿把。不如化瓊漿。豐年見三白。何以傾萬觴。平時積雪

戊午八月同人讌集成西草堂即席次袁後山韻鼎華

一角城西路。橋南徑轉幽。人隨今雨集。天放晚香稠。坐聽軍書捷。

園因。主客留園亭。自清暇。寺外白雲悠。謂沛泉

戊午七月聞鶴衫弟病歿壽州旅次詩以哭之

鄉關方帶甲。索筆爾南征。昔去難成別。爾餘客。今悲空復情。青山

孤旅。魄江表。有詞名。謂唱詞波垂老憐兄弟。艱危隔死生。

亡妻歿後十日乘小車至南鄉中途遇雨作詩誌痛得七絕

六首

頗解人間憶內詩。平生竟少一言辭。對卿試問揚州夢。未有風情似收之。

貧賤夫妻合有詩。悼亡無語寫哀辭。無端乞得間宮錦。亡妻殮服

有緜花錦緞 或者兒孫一慰之。

解民生痛匪我詩。爾去仙蝶捧莫辭。添得孫曾聊慰籍。八孫添几

筵前月釜湘之。

車箱雨濕自哦詩。掀淖泥塗苦莫辭。生世未教輿脫輻。莫來愁我

路行之。

從此登高怕賦詩。三十年未幼修一女子 持螯難寫合歡辭。明

年多把茱萸佩。自寫兵符辟易之。

何敢希圖偕老詩。告余噩夢復何辭。一聞病知之。不謂失歲寒本步梅。
抱釀濁酒時能一中之。

輓堂嫂氏朱六十韻

束髮初授書。兄長以師事。趨走及庭除。少小毋嬉戲。阿咸遲我生。
長小香肩隨如兄弟。閱今六十年。往事粗能憶。哀哀我父母。勤劬
何弗至。飭我夜共讀。耿耿青燈味。我已解民生。匪我而伊蔚。羨姪
有老親。慈竹森寒翠。詎料萱草頽。秋風冷凋砌。同此負米人。安得
庭闈侍。相見涕沾巾。回頭日月誌。嫂氏本名門。紫陽家世繫。憶我

從兄遊。阮巷咫尺地。聞德想徽柔。謹慎及纖細。敬以事翁姑。禮以
使奴婢。謹以事夫子。謙以待妯娌。吾家舊食貧。所主慎中饋。愉色
而婉容。一生孝德備。南潤繁蘋聲。四時承家祭。上奉迺姑命。婦德
秉純粹。顏色無愠喜。伏臘酒食議。奉行守成法。先事能承意。持此
十五年。庚歲兄登第。一生展眉時。相期樂黻佩。課子舉茂才。旋貢
成均肄。次子繼登科。表表門庭瑞。境遇本蕭條。米鹽問家計。幸子
善養親。鷄豚謀空匱。迄今廿餘年。研田守勿墜。晨昏有餘歡。形影
獲安慰。由來坤德貞。造福當及世。居恒寡言笑。柔順本內慧。有才
不使才。有智不任智。舉此得大端。可以充其類。內以和姻親。外以

處姪婦每每樂道之。亟願還鄉里。明月當幾望。祀事同襄理。依然
一堂聚。行坐隨起止。哀哉三年中。陟岵我無恃。飢驅各分飛。相聚
頻隔歲。一居江之濱。一客淮之涘。匪因秋賦期。或逢學使至。還家
一問安。飲食調營衛。今歲萍蹤合。與姪文謙會。嘆說慈親衰。六年
等風痺。尚冀病延年。九秩華筵介。前年生一孫。宗支有嫡派。去年
生一孫。熾昌卜後代。以此慰高堂。將使門閭大。玉樹映瓊枝。麟角
而虎翅。抱雷卧榻前。餘暉有慈愛。今春三月天。賊氛聞鶴唳。姪奉
母移家。慎旃兵燹避。且圖室家歡。不同旅舍寄。繞郭多魚暇。插秧
有稻穰。歲復遭旱蝗。幾為饕殮累。吾姪精岐黃。難治氣血億。慎終

大賢云。賻贈故人誼。我跪奠椒漿。相視惟涕淚。謹為直質言。藉作

弟子記。

大兒祥未暮。遊南臺。今七年矣。甲寅歲暮。旋里。即事得詩五

首

自爾出門去。吾家寄邵城。豈真輕遠別。耳說賦長征。海上聞傳檄。

江南苦弄兵。年時風鶴警。兩地未歸情。

城北徐公美。葭草托夙姻。八瀛資砥柱。七載得依因。遠訊詢鷗國。

歸舟附雁臣。史隨福州橋。衣恩昔別親。為拂征塵。

兩弟弱。一個同恩。餞別時。杯盤聊爾爾。帆槩故遲遲。昔說常華好。

今看宿草滋。卜安先整側。相對有餘悲。

聞說南臺路。茲游頗足誇。手攀仙嶺竹。眼照佛桑花。鯨吼恬驚浪。鷄籠映曉霞。歸途今未晚。莫說苦思家。

可是卑官易。

史從台南軍務。得議叙從九。

還愁再別難。家貧無上策。世亂重租。

安。秋逢年稔。梅花耐歲寒。我生當返哺。不忍說加餐。

甲寅中秋逢之先生招同湯君印卿張君左泉吾園看桂口

占索和前後八章即次元韻

明蟾圓兩度。上月佳節感秋深。破曉釀微雨。零芳乘未陰。小山通
咫尺。冷客且招尋。開徑苔花漬。閒階蟋蟀吟。

延秋申後約。情景不多殊。對酒酬知己。傳餐到腐儒。印卿有各携

月之。近看芳樹老。莫唱月輪孤。擬問乘槎客。銀河洗甲無。

日夕。酬君句。挑燈讀夜深。詩情本忠孝。去歲金陵城。君百計脫親於難人。以為忠孝所感。

劍膽。識晴陰。夢逐蟾輪轉。書憑雁足尋。團藥知有日。對月且高吟。

紙上談何易。風雲頃刻殊。軍門無下策。戎幕有通儒。劫度紅羊脫。

羣呼白雁孤。瓜期如可踐。一掃宿氛無。

我昨蕪城去。烟荒草亦深。邨迷黃葉路。城缺綠楊陰。破屋全書少。

殘碑亂紙尋。東關橋畔月。蛩語尚悲吟。昌寄居郡城去。春始返故里。

昨共河堤步。知君懷抱殊。遙情寄山水。古誼叙師儒。君與師友之先世有師友之

誼。蹤托鴻泥。幻腰纏鶴夢。孤家鄉我。羈旅何處採。

眷屬神仙侶。家山祖德深。居祖籍齊應沿途少賦。

杜老愁何在。梁鴻廡暫尋。娛親忻此夕。雛鳳抱書。

隱侯一知己。肝膽俗情殊。沈君調之金陵至射陽

漳本宿儒。君偕嘉客。至我不旅。情孤且漫。開帆去。

君將返金陵東鄉

九月十二日夜對月 甲寅

乍過重陽夕。冰蟾掛暮天。霜遲三日後。秋莫十分。

光增上下弦。更闌悵畫角。幾處枕戈眠。

秋蝶

霜寒柴門迥。秋原蝶故飛。時穿衰草過。不似落花依。照影低菱浦。偃烟隱釣磯。鄉園歸夢穩。莫謾惜芳菲。

小園藝菊三十種。借兒輩灌植。累月重陽後。剪燭賞之。

鐙前作字乞黃花。來向黃香舊館家。灌就花花兼葉葉。看成整整與斜斜。

瓶盆位置判低昂。編菊還同繪事商。似有芳香生粉壁。鐙清如月紙如霜。

病中口占

暑寒燥濕本天和。亢激曾無得氣頗。祇為後天偏嗜味。願之小過考無訛。

稜稜瘦骨似秋鷹。吐氣如何薄似雲。性自怯風喜風散。藥鑄偏不服銅芸。

采藥誰呼山鞠窮。堅凝澤腹釀梅風。夜來莫遣紅裳悶。神內經紅云裳子怕聽通眉唱惱公。

邀方外懷馨暨隣友。徐氏昆弟蔣酒小叙戲成一絕。

青菱紫蟹各分嘗。我亦平生蔬筍腸。病後老饕宜肉食。鏡前人比瘦花黃。

射陽

八家九家事耕桑。十銖五銖得蒐臧。漢銅苔蝕今難訪。落日滄波
過射陽。

沙溝

亂後他離民解恥。女郎沿肆唱伊涼。春風十里沙溝路。聞有官錢
足上忙。

輓陳叔度先生

海內烽煙滿。孤城正氣伸。六年貞大節。一死愧庸臣。馬革平生志。
巖疆血戰身。睢陽前路近。毅魄總能神。

躍馬三山外。揮戈百戰雄。陳雲沈夜色。江水流孤忠。聞遂詩猶昨。
量沙志竟窮。乞師留血指。殉難有人同。夏時恭肅定邦從公百戰城
陷時恭戰與公同殉難

題真州茶園峯石

媧后補情天。鍊石石華在。湘江泣竹枝。星精幻奇態。茶園古真州。
一峯邀希代。秋月對蛾眉。春風分向背。風連鼓瑟音。雲重添鬟黛。
苔蘚綠成衫。蘭蕙香為佩。泉飛環珮聲。雲共桃花噴。况說園盛時。
都轉傳勝槩。次第啟華筵。綺羅紛作隊。人世一星霜。亭柳成荒穢。
茲峯媚盈亭。轉盼不可再。望古重徘徊。峯前一長慨。

秋山訪隱圖為趙仲穆題

萬壑寒蕭森。千章樹蒼老。溪錦新織成。雪文初脫藁。茅屋傍幽藜。
鹿麋卧深草。呼童掃綠苔。晏坐聽黃鳥。江山如有情。展卷舒懷抱。
囊琴為尋幽。不辭涉深窅。疎林間紅葉。遠遶出山杪。煙靄互吞吐。
恍若籠輕縞。從來趙王孫。胸次有三島。置之青玉几。雲霧時旋繞。
變幻為虎踞。光怪疑龍矯。只此一洞天。愈探愈不了。山形頗渾成。
石貌實妍巧。宛然山陰遊。萬狀難分曉。骨力故清奇。因之得名早。

奉和禮堂司馬茗飲城北茶亭原韻

午簾乍醒茶算奴。壺中日月况如年。泉分淮水清時夢。扇引松風
靜裏天。獨向淄澠參道味。漫評甘苦叩先賢。關心欲慰民飢渴。太

息。衛。陽。阻。雁。箋。

題三峯園圖即次蓮芬觀察韻

鷗鷺鄉寬樂靜便。買山小築俯流泉。宦游記得青天上。聽說塵清
紫海烟。

三峯矗立傍雕闌。深插雲根倚不難。春到玉蘭香滿樹。檢書時作
玉杯看。

劍南入蜀壯詩才。歸賦園林掃綠苔。願祝一峯晴。更雨袖中猶帶
棧雲來。

翠栢虬松擬鳳擎。龍鱗虎魄總光華。君畫矣。過襄陽。米愛石。休驚。

據鼓蛇

新種魚秧長綠荷。引來碧澗到泉阿。五更看到珠槃耀。仙露從來筆上多。

渭川千畝夢猶香。移得琅玕綠萬行。不減輞川圖畫裏。一竿新著芰荷裳。

金樽照影面相遭。畫出鬚眉酒正豪。劇愛張為圖上客。不忘仲蔚在蓬蒿。

梧鳳還教竹鶴儔。頻年小阮得公偕。以松合候補錦江春色華陽月。更憶成都石筍街。

三年吟館高常侍。三昌於丙午丁未年間。館連日。縱譚康武功。後上飲。

康瑞伯。暇周。曾讀和作。却愛汪倫商繪事。桃潭畫水柳絲風。

論園買夏付長吟。月上藤蘿花滿林。看到脆圓時節近。青梅綠葉

總成陰。

平山訪僧

霽秋昨過沈東陽。言訪招提到上方。好聽天龍來說法。生公前月

下維揚。

招邀湖舫出城闈。烟雨空濛淨洗塵。諸佛定呈歡喜相。今朝來看

百年人。

秋荷九月滿菰蒲。急點新拋大小珠。香裏紅蓮花數朵。雨湖真覺勝晴湖。

頂禮階前識遠公。脩然鶴髮映方瞳。萬松蒼翠支筇立。認取掀髯矍鑠翁。

雲房昔住終南嶽。迹認山中虎踏花。遺核親嘗山果熟。人間何處覓甘瓜。

殿前佛火夜深青。過眼興衰閱百齡。參透華嚴經一卷。何須更讀相人經。

記取生宮認玉羊。陸師生於乾嘉恩過荷龍先。念珠試檢羊脂玉。

冬有奇溫夏自涼。

手揮塵尾當拈花。笑指恒河無數沙。聽到安心真實話。紅蓮白粒勝餐霞。

芒鞋布襪紫袈裟。二雅由來著一家。謂二雅。油今日谷林堂上客。

油雅師授谷林堂方丈。壁間又看晃龍蛇。油雅師多藏阮太傅書札。

勝游同日躡仙梯。詞遊請詔鼻觀清馨證木犀。恰羨少年得同往。

平山今日共留題。

失題

詩仿京華集。征車越歲來。詞添圖畫想。情洗竹絲哀。玉璫思裝冊。

黃金憶築臺。蜜梅香滿壁。入坐少飛埃。東逐西筇往。南船北馬來。
魚旗忻有兆。雁戶幸無哀。望闕看燕樹。懷人問釣臺。推蓬淮月上。
清絕出塵埃。

題桐陰抱琴圖

涼夜風篁吹。月上梧桐陰。清湍滴翠澗。幽響生瑤林。高人抱絲綺。
識曲理素琴。是時擅文譽。聲價揮璆琳。丹山鳴鸞鷲。百舌聲如瘖。
翩翩五色翼。上溯昆侖岑。中涂道云阻。竹實空蕭森。仰看浮雲變。
俯答流水吟。流水杳然去。天末眇鴻音。斯琴同響逸。斯圖閱世深。
孝子思祿養。歲月去駸駸。什襲裁駕錦。償過復南金。會當賦行役。

携此涉江濶。清芬播世德。悠悠千載心。

題汪子所示擘窠書

汪子廣陵俊。振藻敦古嶽。示我擘窠書。玉躡兼銀據。從橫十四字。字字青琅玕。即以八體論。伯仲蘇米間。剔迺手澤存。記惟珍文翰。君勿失乾蔭。風樹推心肝。遺墨百無一。斷楹空研鑽。是帙購諸市。粲然紙墨完。有如合浦珠。一去無端還。又如連城壁。間道歸邯鄲。定有神物守。或者蛟螭蟠。留作君世寶。金石同不刊。願君慎持護。故笏千秋看。

再題擘窠書

墨妙流傳少。誰從覓寶音。擘窠書大字。手澤勝精金。零落當時筆。搜羅孝子心。珍藏須世守。莫使俗塵侵。

賀某壽七十

金風蕩殘暑。隙駟馳朝曦。烽烟遍閭里。踪跡相參差。浮雲黯江海。哀怨難為辭。精心遊八極。曠懷觀四維。大雅久淪謝。風騷誰主持。今茲溯譚論。古誼逾父師。松柏勵晚節。金石饒殊姿。所惜別顏色。各在天一涯。以我憶公日。知公念我時。仁者重先難。此語心識之。朱華流艷姿。殘英鍊寒色。時光等擲梭。迅如鳥飛翼。擬續懷人詩。有辭訴千百。當其下筆時。一字轉難憶。杳杳荒城烟。蕭蕭遠林驛。

莽莽風色寒娟娟。山月白。世亂易乖離。念之悸。魂魄訴愁期。夢中
有夢。或相識。莫道長相思。但云慎。眠食。

巍巍華嶽高。一覽掃群垢。湯湯江漢流。東下赴淵藪。此身抱區區。
勵志常恐後。幸哉寡識徒。得侍先生右。萍蓬日以親。性情日以厚。
榮名非不佳。所貴在操守。有時觀草書。蛟龍孕蝌蚪。有時辨星辰。
剖析識樞紐。良辰屈古稀。敢拜頌黃耆。酒熟正梅花。遙持為公壽。

祈雪得雪呈泰州某令五十韻

清獻焚香告皇天。願不違。靈星三日禱。瑞雪六花飛。先去苗心害。
還為麥實祈。齋壇明黍稷。夙駕莅駟駢。令止饕庖割。寒熏沐浴衣。

巫謳趨雜遝。雲舞等吁唏。城復于隍古。官臨此地希。狔鑪檀一辦。

鳳燭火交輝。章奏排蓉闕。標題兆棘闈。

是日州試詩題
金花雪告豐

絲來資月

旦。今日替神威。澹白雲容釀。昏黃月魄微。結成冰朵朵。肩作玉霏

霏。裸壤蘇民瘠。萊田益地肥。室真虛白亞。鈺笑點金非。鷲嶺剛逢

臘。魚鄉合免饑。侵晨喧粥鼓。徹夜灑柴扉。鳧渚誇瑤島。漁竿濕釣

磯。鰕明潛水母。鮫素捲江妃。方遇珪形合。圓量璧美圍。吟松蒼鬣

舞。騎竹白龍歸。瑞采光逾燦。朱絃聽未稀。風刀蛟蜃避。羽扇鶴鵝

揮。兵洗豐年告。農占寶露辭。福人梅雨卜。秧馬夏畦腓。肝蠻通靈

表。無蠡協化機。為寰儲粉米。入硯燦珠璣。滿把瓊英啖。何人飯顆

譏有宮皆上館。餘畝獲兼圻。夫子今時傑。羣生淨域皈。經師宗後
鄭。史學陋如幾。八埏多才子。三升奏帝畿。鳳毛觀濟濟。鼇禁步巍
巍。御李聞推轂。瞻韓喜賜緋。金張貂七葉。孔翠翟雙暈。潔愛梳翎
鶴。銀描踏雪馳。岳墩堅壁壘。泮水溯雲沂。賤子遲行李。征塗誦采
薇。江梅垂樹樹。岸柳別依依。筆凍尖休褪。燴寒夢易鞿。時晴臨帖
本。流水響琴徽。知白期無忝。垂青願敢晞。虞翻占泰運。董相愛書
幃。太守文章煥。吳陵姦競非。治侔龔渤海。詩賞謝元暉。甘雨隨車
到。同雲布馬馳。著花香片片。脫甲色澁澁。練卒推專閫。從公迓采
旂。兒童齊舞蹈。草木總芳菲。金谷春將暖。瑤膏澤未晞。南山歌小

雅海甸沐光輝

己未元旦迎春書此志喜。茲索古愚桐庵和之。

斗柄七星耀。東風八里郊。也。迎春東郊八里。郊禮說。黃塵聽凱唱。赤鯉餉

官庖。帖子金泥燦。吟鞭玉雪敲。簷端知鶴喜。含笑問梅梢。

晨起晤家小香談及國朝己未科人文之盛。疊次前韻。

制科前己未。貢士國西郊。雅訓師臣頡。康熙己未。舉鴻詞。科擢國出。帝庖

乾隆己未。殿撰姚文。禧公。是科人。文極盛。武進張皋。文太。人文臺

史精研。易學。著有虞氏消息。虞氏易禮儀徵。太傅。亟稱之。有重。詩格玉金敲。今歲蒼龍正。星旗見柳梢。月令。孟春昏參中。值

參旗九星。東方地。平星見柳宿。十一。按是

春暉草堂詩文稿

泰州程紹昌著

詞

摘得新

花滿枝。粉蝶過牆時。抱香雙倦翼。訴春知。春風不解殷勤意。傍簾
飛。

浪淘沙

雙樹庵這景圖
馬金雪艇題

野水正平堤。路轉青溪。雲山閣外畫橋西。無數蟬聲新雨後。萬綠
全低。歸逕欲先迷。自覓松楸。小詩曾記醉中題。雪藕調冰銷得
未。也要招攜。

一萼紅真州吳謙之先生屬

憶江村。說城陰一角。昔是釣遊人。荷影疏紅。柳陰殘綠。幾番涼濕。苔茵問老鳳。舊巢深處。碧桐葉。何日訪高軒。杜老幽居。書囊藥市。夢裡家園。直看浮雲西北。指故鄉天近。小閣江濱。石徑能諳。欄未改。到來添長蘭蓀。三五夕。如來金粟。照團藥。好月證前身。得畫中詩屋。醉裡琴樽。

菩薩蠻近借吳先生讓之姚君仲海汪君研山學填詞錄

紺珠璽。瑤冰漿。梳。熱惱欲乞清涼散。佛却問維那。維那轉問他。晨興喧粥鼓。餘煮年尼釜。火中有蓮花。冰雪濺齒牙。

前調

空山拾得同聲讚。不願打鍾甘執爨。佛授眼光多。等閒給
披香聞發誓。不欲立文字。司命注文昌。開口吐鳳皇。

前調

金屏孔雀張雪扇。芍藥花開菩薩面。佛說定風波。香象駐
巖妝堆玉髻。曾否拈花蟲。男果十三參。鹿女禮和南。

前調

青螺肉髻持清梵。能降千魔除百難。佛指頻婆羅。花開
晨鐘發人省。聲宗無人領。鉢底放梅龍。威光怖殺儂。

悽涼犯寒雅和姚仲海

國翻赭墨。斜陽外。飛雅閃作金碧。空林廢戍。寒鐘古寺。關河極目。
檣帆歷歷。又看徧。征鴻爪跡。繞雲旗。來朝風厲。夜見翕箕舌。烏
鷺門前樹。白草烟迷。孤城月落。私裏天杪。撥鯤絃。絲音愁拍。柳外
行營。恁吹斷。霜天曉角。啄靈包。我替汝祝止楚幕。

蘭陵王落葉和汪仲山至老不衰研齋隨筆云秦州程文伯

王璠孔子廟碑大草尤妙所作詩文隨手散失僅錄和予蘭陵
王落葉詞一闕韻長詞澀具有清真遺意於此可見一斑

楓林赤。誰看亭皋落日。西風冷。霜葉亂飛。伴我斜陽聽蕭瑟。聲聲
咽戍笛。搖落江潭故宅。芙蓉老。漫點清池。攪澄碧。荒階易盈尺。

怕和去入寒砧。都做悽惻。征鴻一夜催頭白。便歸騎乘曉。吟蛩送

夕。閒愁拚掃一屏息。又隨客愁積。猶替原稿作落紅惜。原稿聽

答我空林。休訴狼藉。生前原稿作惜原稿作練多香澤也。蟲齧書冷。鷓鴣斑

蝕。金衣何處記夢裡。喚曉月。按史祖達製此詞共一百三十字此

以家存原稿均少四字俟再攷

祝英臺近 並引

商聽始淒。沖皓流照。川路百織。穆以金波。良夜三五。爰挈桂棹。

於是目洗明瑟。翹鷺嬉晴。夢入水雲。老蟾可語。此癸卯閏秋既

望。張君白華有江上泛月之舉也。以永今夕。善借秋心。若為催

詩。忽來急雨。相與命彼舟子。放手。中流。靈騰既展。勝賞斯標。滄
滄。虛白。海氣沾衣。撲撲奇青。山翠盈掬。此則同舫。媿仙。駕言之
願。愈悵。墊巾慕古。有滄之嗟。遂無。惟時。交甫之佩。衣香暗移。周
郎之傾。耀歌競奏。當夫激揚清怨。掩抑新聲。文鱗沙際。而奮飛。
潛蛟泉底。而出聽。水光似雪。吟肩欲冰。林滴跳珠。蓬首如沐。蒼
葭十頃。寒碧一盃。謳盟可踐。粼粼始波。羽化疑登。陶陶申旦。白
華是以有泛。雨國之作也。嗟乎。中歲之娛。全資陶寫。秉燭之述。
樂此夜遊。而規采未爛。豐澍已臻。圓景倏呈。瞑烟四起。觀化則
晴晦一時。覽候則涼燠俄頃。爾乃手操不律。雷電入其奇懷。客

吹洞簫。風水盪其幽魄。此又晝霽之會。甄雲海之觀。濤瀾之中。
有金石之奏者焉。夫游歷至恒。順應乃適。索風前柯。詎足瑩發。
襟抱哉。然則白華是圖。殆神與天遊。言象匪所滯。心借物化。宇
宙為一陶。攬筆記之。為白華進一解也。

雁聲遲。帆葉冷。秋意迥晴宇。嵐影波光。似欲引人去。載將一舸。兩
情。榜枝搖曳。却無奈。江干風雨。且延伫。憐他歌扇吳儂。低唱斷
腸句。涼入篷牕。遠聽漏初鼓。倘教明月能呼。舉杯相酌。肯今夕清
光付與。

解連環

乙卯立秋前五日慧遠先生括同北郭
若飲清話移時歸來燈下填此呈教

放懷無着。尋茶烟靜處。氣清寥廓。况妙語。思入非非。把看劍學書。
迸歸談話。一點靈犀。便參透個中絃索。說茶徑待補。一霎潤喉。茗
椀重瀹。斜陽漸紅半角。珠霏咳唾。花片吹落。怎駐得當日年華。
付疎雨蕭風。一總拋却。溽暑天涼。趁晚步。江天邨郭。待今宵月上
二更。玉壺共濯。

一枝春

題錢子奇燕
山點雪圖

朔氣橫空。征鞍催起。千山飛絮。客程暗數。減却少年情緒。金臺百
尺。怎無計教人留住。呵凍筆。重來舊地。自和壁間題句。故山白
雲深處。念倚闌人老。夢先歸去。衝寒莫怨。不比秋風前度。艱難一

第抵多少來衣戲舞。且能看金芍籠烟。綠楊着雨。

尉遲杯 綠陰

涼陰互。傍畫檻。欲共啼鶯語。淒迷一碧籠烟。隔卻繡簾朱戶。無端
銷夏。是昨日。嬉春最佳處。賸空階。幾朵殘英。背人飄墮如雨。絲
窗午睡初酣。休還要。重重錦障遮護。為問青驄行樂地。想一樣停
歌罷舞。如今試翠圓薦酒。日方永。渾疑院宇暮。漫等閒。換似原稿了
秋聲。蕭條成甚情緒。

定風波

夜十四

楹外筠簾持地開。煎茶盼得故人來。月逐雲行疑對面。將滿三更。

風露。弱蒼苔。瑞宇高寒。見秋霽。如水清光。合照好樓臺。只當中秋是今夜。無價。明朝晴雨。貴疑猜。

減字木蘭花

雕。隱玉篋。着手蟲絲分復合。自學新粧。特地羅裙。繡鳳皇。瑤琴罷弄。嬌鬟似怯。金釵重。人比花柔。情比花柔。更要愁。

買陂塘

問誰家。紅闌一角。竹梧窠。窳如許。道是當年行樂地。認得燕簾鶯戶。回首處。肯纔到秋來。忘却春風路。幽懷漫訴。自琵琶別抱。死共夢斷。還有情緒。佳期誤。此錯六州難鑄。相逢但話淒楚。傷心不

識東風面。紅萼何人為主。愁無據。已分作孤鸞別鷓。隨煙霧。言情最苦。怎理哀絃。更將新恨。寫入斷腸譜。

沁園春

五嶽難登。生平徧數。無非浪遊。看綠波千疊。都停畫槳。朱樓一角。已歇歌喉。何況西風。作將寒色。送過殘春。又撼秋波。濶濶怕神仙眷屬。不住瀛洲。青山可耐。勾留。有無限。淒清入倦眸。恁臺傾池酒。醒時疑醉。鳥啼花謝。歡裏皆愁。雄劍空鳴。毛錐無用。可有奇兒。是銳頭。來何暮。把夕陽。勸住。掛起簾鉤。

龍吟曲

自題焦巖
春月卷子

空亭送盡斜曛。寒輝一霎生波面。幾分山態。幾層雲影。都添輕積。
遠渚收帆。高樓橫竹。隔江風使。待闌干倚到。三更漏轉。潮初生。魚
龍眩。長與山靈相見。寫牢騷。江花吟徧。春宵無價。清遊難續。者
回庭院。小閣杯深。畫屏燭燼。東風人倦。被林鴉催起。更看初日。把
紅霞。嚙。

水龍吟

登大觀亭

那能池水通潮。奔流洗盡孤臣血。危梯重上。青山吊古。悽然欲絕。
彭蠡西馳。石頭東下。風帆明滅。向闌干高處。還教看到。塔巔雲。松
巔月。試問談忠說孝。寫淋漓。誰攜健筆。長廊空有。壁間題字。龍

蛇鬪律。春水初生。扁舟欲去。浪花如雪。把今日亭邊。蒼涼情緒。付
登臨客。

菩薩蠻

廣寒宮闕紅霞表。露階葉下無人掃。回首夢先迷。卷頭過馬蹏。
翠鬟嬌影墮。脉脉含情思。莫去訴雙星。素娥才解聽。

水調歌頭

題康瑞伯小
海山房圖

無計作歸燕。幾箇聽閒漚。城南舊日燈火。別夢要勾留。君說吾廬
常好。試聽熙春絲羽。得話舊朋儔。不見翠梧葉。新綠上枝頭。琅
嬛遶洞瀾。啟靜簾鉤。仙都夢控胡蝶。尋我貯書樓。圖書雷特移屋。

身州曰才言二ノ下

付與清吟。閑醉不改。故鄉愁。騎鶴竟何事。空說古揚州。

六三一

因是齋詩文稿叙

韜庵公生於銅陵。十歲回里。年二十二。姚歲入州學。二十五。食廩。餼三十九。北闈獲解。其生平著作。宜有專集。奈經見止此。默想原。因。厥有三端。一、公晚年適值洪楊之亂。避居東鄉。一意淨修。對於。著作文字。不無淡視。故叙趙漁亭詩末云。刪去綺語外。存詩五六。百首。亦儼彙鈔云云。亦儼二字。可想尚未成帙。其時蓋感於修鍊。故於文字前途。發生一種障礙。一、叔祖秀皋公。為人渾厚。二十歲。外。以詩古博青衿。屢取一等。小松公回秦後。事務紛繁。一切喪葬。及建宗祠。皆賴秀皋公主持。故時而城。時而鄉。先陰半虛耗矣。余。

猶憶六歲時。公來阮巷。見余即執以手。笑問需何物。余向索扇。果往購。斑竹扇與之。未多時。慘聞公病溫邪。歿於稅務橋家。時年甫四十二。喪中余隨先慈往弔。見廳事西房及方廳。紙堆盈尺。皆綾表軸上下。據聞川中着人來取。公生前不之察。足見公渾厚極矣。後由鄉避城。其家具被人竊去者多。馨顏叔公孫長余三歲。再遷東虹橋。又回稅務橋樓下。焉能將先人手澤保存勿失乎。此原稿所由散失也。一余二十二歲後。曾隨先嚴慈居稅務橋花廳數年。親見周麻業舊貨者。日往來樓下。叔猶故諱之。即有存者。亦被人零星携去。可惜也。記得余受業高表兄子愚先生塾中。曾聞高星

仲姆文說。揚屬詞家。推韜庵公第一名手。故栢影軒詞。早蜚聲於揚州府志。惜全稿未之見。相去僅七十餘年耳。茲謹拾遺彙錄。吉先片羽。足為世珍。並述所知。藉抒感喟。想見公身處兵亂。不是之過。何恬淡乃爾。時民國三十二年十月十八日晨。耄齡誌於稔務莊之穫室。

大日本帝國

大正

因是齋詩文稿

泰州程宇先著

文

晉軌室詩存叙

余年二十三。即識趙君漁亭。時君甫弱冠。已有能文名。余愛且敬之。余時不多作詩。未有唱和也。迨後奔走衣食。蹤跡漸疏。中間契濶者幾二十年。然常常見君詩。氣清韻古。無蕉萃沾漶之音。類君之為人。知詩者皆愛讀君詩也。癸丑。余客授東臺楊家梁。君亦挈家避地而至。至即邀賦詩。詩之多。多於聚談一夕。月下。復詩請君。羣吹隨之。末。余叩門窘急。君出應之。乃大笑呼鐙至。各出詩相質。

坐至漏盡始返。談藝之樂不減少年。如是者凡兩月。旋別去。余亦不復作詩矣。今君編詩斷自癸丑。迄於乙丑。皆軍興後之作也。此數年中。世運之艱屯。民氣之煩冤。物力之靡敝。困乏。尚未之轉也。懷抱不同者。宜具有傷心之作。沈鬱騰奮。一洗其胸臆之不快。而詩格為之一變。故詩之工。亦視時與境為之。君子於此。蓋不勝寄慨之深也。與吾鄉詩人得接見而甚厚者。湯丈懋齋而外。君與田少泉。年皆相伯仲。湯丈詩至工而多。遺稿不可問。少泉詩孤。孫恐亦不知珍惜。而君詩得付梓人。此衰年所樂見者。余何幸而得叙君之詩哉。然非余又孰當叙君之詩哉。余詩不盡留稿。凡涉於

綺語者。昨又盡刪去。可得五六百首。亦儼彙鈔成帙。願君為我叙之。此所以報也。

夏退庵墓志銘

夏君退庵與先兄鶴衫先生交最早。兄嘗出遊。踪跡惟余獨密。相待之厚。無異待吾兄。壬寅夷艇闖入大江。揚州擾動。君解桃源訓導任。歸視其家。遂病卒。前年兄歿於壽州。兵阻。柩不得歸。每悼兄未始不憶及君也。君諱荃。世為泰州人。曾祖諱贊。虞。無子。以紀氏甥為之後。是為君祖。諱引年。父諱震。候選吏目。工詩。君生穎異。髫年操筆為文。老宿無能逾也。旋補學官弟子。二十六食廩餼。屢困

有試。遂不為場屋之文。入貲得訓導。肆力著述。而關於邑之文獻者尤加意焉。先是儀徵太傅屬丹徒王徵君豫讓江蘇詩徵。君仿其例。為海陵文徵詩徵。王氏書但收州縣中知名數人而已。而吾邑自鄧氏慎墨堂集。繆氏餘園集。先京兆公夕陽書屋集。而外。傳稿寥寥。君一意闡幽。人家敗壁。做篋中。有所見。罔不蒐葺。脫損者亦潤飾完好。以留其姓名。積十數寒暑。而後成書三十卷。吁。可謂難矣。文徵已鈔板。實則君之勤。萃在於詩徵。外此所甄錄者。亦好集六卷。梓里舊聞一卷。陋軒詩續二卷。慎墨堂詩拾二卷。宮闈挾藻集六卷。自著之書。有退庵筆記四卷。錢譜八卷。退庵詩鈔文

鈔各一卷。君治家極嚴整。惟朋友是娛。譙集輒談。謔盡歡。措事詳審不苟。充君之才。當無不辦之事。乃年僅得五十。竟以冷官終耶。是可哀已。然余猶得志君之幽。吾兄則葬無期也。余之痛其亦君之憾也夫。配仲孺人。南澳同知仲柘庵先生女。夙稟庭訓。工文詞。子女幼時所讀書。悉其口授。奩贈甚厚。堂上所需。必擇粵產之良者以獻。不敢有私財。君歿後。家中落泊如也。後君二十一年而卒。子嘉謨。有傷才。州學廩生。女七。皆適世族。君曆他所。同治二年十一月某日。卜葬於凌家墳之原。孺人祔焉。銘曰。其才博通。宜達而窮。著書以終。弓冶不墜。利其後嗣。百福俯至。松楸在原。以妥君魂。

言十日才言二二一
一〇二一
悠悠千春。

致吳讓之書

讓之尊兄足下。日昨匆匆旋里。到巽夫處。冀圖一晤。乃復不相值。悵仄至今。頃奉到手翰。並扇紙如數。容寫成奉上。惟拙陋不足當大雅一哂也。第覓佳穎不可得。昨子鴻云。仲海製筆甚多。能否為索對聯筆小楷筆各一枝。感荷不盡。肅此奉復。即請通安。

致張蓉浦書

蓉浦仁兄大人閣下。日昨叨蒙雅愛。感荷殊多。逕懇者。刻下家嫂處需項過節。弟現處窘鄉。不揣冒昧。請挪用四千九百文。即求姜

木翁便交水關橋。至感至托。此項來月小兒上城即奉上。不必會入杜家莊帳可也。統容面謝。即頌近安。不具。

又

蓉浦大兄大人台啟。日惟諸凡迪吉。慮於姜大兄信中奉候。想蒙鑒及。茲託者。弟刻下不能來城。乞代墊西典錢三千四百二十文。與顧家巷五家嫂處。又西錢一千一百四十文。與水關橋四家嫂處。一俟陸家河水通。即上街奉候面還。容謝可也。姜大兄信收到。匆匆未另。均此致候。致託。此頌刻安。不具。

又

卷浦仁兄大人台啟。久違念念。前承代墊西典錢四千九百四十文。今已會與雪翁帳房錢四兄轉交。今仍望墊西典四千九百四十文。並懇令親姜木翁大兄即交二舍姪祥森。賜手囑分給。為感。其錢俟示下即繳還。或寄城。或仍會與錢四兄。悉聽尊便。此懇。即請潭安。不具。

又

卷浦仁兄大人台啟。久不晤。春春何如。弟早擬上城。因循未果。刻下西路兵信如何。閣下處定有確信。務祈詳細示之。為感。茲兌到雪帆處西典錢五千文。明日舍姪持票來取。即望擲交。是禱。弟不

日來城大約與雪翁同行。統容面晤可也。特此順候刻安。不具。

又

蓉翁仁兄台啟。老東河麥租。想令親姜大兄已趕緊催取。無庸贅
託。昨晤雪翁。有蕭太太到姜大兄處借錢。想姜大兄業已付過。為
數若干。今又應送六月月錢。無便船可寄。已將錢送與杜家莊四
太太處。九五克西錢一千六百文。五太太處亦是折色九五克三
千六百文。蕭姓已支過錢。全行扣下。此錢可各付一信。教各人來
取可也。得使順望回示。匆匆即候刻安。

又

卷浦仁兄閣下。入春以後。諸惟納福勝常。為頌。弟本擬送考來城。今又中止。聞得杜小舫尚未回城。此時阜邑一帶。想必撤防。杜公何以未回。弟欲與一晤。惟懇閣下訪明。彼何時可以來泰。到時即賜一信。交雪翁擲下。翹盼之至。容面謝。此請刻安。不具。

寄川中書壬戌重九日

小松老賢姪手啟。久未寄信。每見姪媳。問悉老姪升官得子。種種欣慰。而來信却未之見也。刻下是否在新繁本任。抑在省垣辦公。和尚保想更峽然露頭玉矣。念念萬千。衰年骨肉。團聚何時。曷勝懸憶。愚自癸丑得鄉館。即寓居於鄉。續與王氏結婚。借居王姓屋。

直至今日。愚頭暈時發。杯酒不沾脣者久矣。髮白齒疏。老態日甚。一日。張兒已完姻。前月得一孫女。明年女可出閣。惟清修梵行。以了餘年。外此不知之也。已兩年失館。然即得館。亦精力不足任之矣。惟是兵荒以後。安枕無時。江北烽煙未淨。而隔江江陰常熟。惟望艇師得力耳。適年水旱不時。今年電災蝗蟲外。繼以旱。又繼以水。田收淡薄。適年愚鄉居日用較多。出入不敷。不知姪媳信中作何語。曾否道及苦況也。自改歸籍後。初尚望得一冷官。近茲無此念。只望張兒能進一學。便喜出望外。三叔棺在壽州。無力能運回。五叔之女已長成。尚無求聘者。文伯已作古人。其長子自臺灣回。

仍依人為活。小香之老妻老妾已物故。有三子尚幼。今年七十尚以舌耕餬口。西首大叔倚菜圃為生。四姑娘在彼平安勤謹之極。可以放心。春蘭業已許人。係城外西倉繆姓。非為妻也。刻尚未出門。今因許信臣先生專人到伊公子瀘州署之便。燈下匆匆布達。得暇尚望寄我數行。即交許處轉寄。定可收覽也。此問近祉。臨穎馳想無已。

又

小松老賢姪手啓。頃接來信。并袍料。藉悉一切。甚為感慰。且令文伯小香繩武亦得有接濟。為吾門增光。為之欣快累日。昨三月內

曾詳具一函。託許遂庵中丞由漢口附其竹報投遞。想已收到。遂翁不日來川就養。定當晤面。待我甚厚。近狀亦其所盡悉也。問之便知。檢閱來信云。不願調首縣。所見卓然。姪只小我一歲。首縣事繁。如何支架。不如中簡。稍可節勞。觀來信愛百姓一念。已種福根。嗣後念念事事。刻刻單提一心力。作好官。如此作一日官。勝人作十年官。亦大丈夫稱心之事也。為子孫種德。尤其餘事耳。我春初忽患小腹旁氣核。近日漸大。卧則不見。起立使有形。行即痛。百步外不良於行。幸世間無我事。終日閉門念佛。晨夕禮誦。且持六齋。從三月至今。每日約數千聲。頗覺心地清淨。禪說有味。此事迴光

即是趨諸一切。果在學仙之上。年老者須為將來一著。非戲論也。
竊惟此事與作官居家。兩不相妨。且可繁可簡。多至萬聲。少則千
百聲。事忙不消一茶之頃耳。吾姪前曾倩人作彌陀佛像。想已久
有此念。故詳言及此。明日可質之許遂翁。彼亦善知識也。况居官
各善事。皆可回向為修西助。因數我閉戶無作為者。難易何啻千
萬耶。望之望之。今年我屢麥收稍欠。秋成一例大熟。然我尚有出
入不敷之患。因張兒娶婦以後。人口漸多。老病又不課徒。以是漸
窘。然我近日已置之度外矣。姪所得次子。明春可種牛痘。川中想
亦有局。此法甚便而極效。孫女昨亦行此。妥當不費事。可放心為

之也。我有故人張鐵華。名志在川有差使否。晤時可為致念。下次有使來。可寄川連斤許。為姪作好事。許遂翁處常有信來。未託其轉寄似便。我家平安。我眠食尚未減。此可差慰耳。姪家亦好。可放心。兵警刻下稍紓。九次洲為逆南北往來要隘。經彭宮保克復。江北西路可以無虞。且有都將軍長城可恃。惟江陰賊氛尚多。沿江北岸。終未安枕耳。特此裁復。即問合家安好。

梅花嶺賦

以丞相祠堂
何處尋為韻

客有尋芳邗水。訪勝廣陵。湖濱月冷。嶺上雲蒸。攀寒枝之料峭。想孤骨之峻嶒。古殿人稀。此地煙霞長護。秋墳鬼唱。當年祀笏難憑。

撐鐵石之心腸。賦誇宰相。作江淮之屏翰。力竭中丞。昔史部閣之
鎮揚州也。梁棟名材。鹽梅賢相。倏奪朝權。猶膺碩望。悵河山於半
壁。未許支持。飛烽火於千林。尚存保障。春燈燕子。爭鬧丁簾。鐵馬
金戈。仍開甲帳。紅羊劫慘。山前之草木皆兵。碧血枝凝。天上之精
靈無恙。向使故壘猶留。未沈浩劫。堅圍雖破。尚剩殘碁。南渡續中
興之局。中原迎上將之旗。方思扶桑弓掛。細柳營移。庶從容於東
閣。豈惆悵於南枝。祇言疾雨飄風。不摧勁草。何料殘山剩水。終此
荒祠。爾乃臣躬盡瘁。戎事倉皇。斑竹之園。兵下新亭之淚。愁長空
愴神於天塹。難飛夢於高堂。一坏終古。前代滄桑。因而梅移十月。

樹列千行。招忠魂於寥廓。埋遺恨而蒼涼。從今山後山前。都成香
園。但祝花開。花落長駐仙鄉。則見松岡雪艷。石磴雲多。爭輝江月。
寫照湖波。蝶入寒叢而弔影。鶴依霜砌而辭窠。可堪江北風高。孤
寒如昨。試問淮南春早。零落如何。滿樹胭脂。孤臣之淚。一林
風月。愁添商女之歌。今者恨滿蕪城。名遙香署。嶺雲漠漠。而低飛。
花事匆匆。而莫據。傍古徑而苔荒。夢梨雲而天曙。鶴歸華表。定嗟
墓木全非。春到江城。亦比甘棠難去。遮莫青山埋骨。麥飯年年。空
餘鐵幹。撐風。鶻聲處處。宜乎垂名史冊。播烈江濤。磊落驚其介節。
崢嶸矢以冰心。事類文山。前身堪證。塚修卞壺。異數同欽。潔蘋繁

而遙薦。募碑碣而沈吟。一角荒邱。顯與山靈而不朽。千枝寒色。又
招冷客以重尋。

蒼涼沈鬱。哀艷動人。趙漁亭

因是齋詩文稿

泰州程宇光著

詩

甲辰春初入都城西草堂留別

春到名園事事宜。深杯入手那能辭。闌前花竹新晴後。門外烟波
欲別時。小聚堪招吾輩客。此來為補草堂詩。關心紅藥千枝好看
遍。豐臺定念伊。

城西草堂十二景

縣縣范公堤。煙柳近餘幾。甘棠舊澤空。捍海失遺軌。斥鹵成瘠土。
况復受湖水。感時披斯圖。三歎廢書起。小橋烟柳

荒城大如斗。蔬圃占其半。郭外亦寂寥。葦菽盈對岸。東下近滄海。去去風帆亂。避地有故人。翹首夢魂斷。古堞雲帆

種稻城之中。荒冷略可想。出門謝舟車。咫尺樂空曠。倚城作隄防。歲歲報豐穰。不見北門外。淮水欲論文。南陌催耕

前年濟市河。僅可通車楫。曾偕素心友。刺船得幽愜。西南更清奧。老木雲水接。此地吾已熟。約君踏黃葉。西湖放棹

水鄉不宜松。種竹易結鄰。但有幾樹梅。與君成主賓。春風最繁華。能伴冰雪身。余將來草堂。為君圖喜神。梅塢春深

辛苦栽盆荷。數花以償之。幽賞苦不足。何如鑿我池。舒榮得快意。

陰晴含新姿。此花號君子。本能酬相知。蓮塘雨霽

康山有老鶴。曾識天顏未。雲霄志已歇。許我花間悟。此鶴倘見之。

相視如嬰孩。但願仙騎去。去即到蓬萊。蕉廊調鶴

蛩聲感秋氣。商音亂砧杵。猛知赴敵場。將軍恥不武。壯懷感觸間。

聞者輒起舞。獨來菊籬根。涼颼初過雨。菊圃吟蛩

吾邑卑濕土。百里無一山。岳墩覆萑茂。岡阜聯回環。老僧時假寐。

霜杵殷松關。鼙鼓聲未收。此鐘何其閒。岳墩聞鐘

君有五男子。膝前還有孫。升堂陳古義。雁序和且敦。經史實有用。

無取詞條絲。學成文武才。如識吾道尊。草堂課讀

畫山勢高遠。有塔勢彌聳。平疇資遐曠。雲木助飛拱。林隙返照濃。

仿佛金碧湧。遠景妙能借。此計豈鑿空。一塔晴曠

好雪恒知時。常在早梅後。客來只宜飲。寒氣逼戶牖。我與此園別。日月亦已久。有雪便放舟。就君醉一斗。平時積雪

送許遂廣先生入蜀

肘後方何有。牀前拜獨先。居然如七發。相與證初禪。軒冕全忘分。文章易結緣。同舟前度路。快若已登仙。

開府重持節。籌兵自賦詩。祇今應宮闕。到處盡瘡痍。民命憑諸將。軍情此一時。回頭看舊部。慷慨不勝悲。

公子賢司牧。能迎萬里親。待逢寒漲落。却及早梅春。介壽鄆筒美。
扶衰竹杖新。我眉天半望。好去問前身。先生自云前世為我眉僧
海內高門第。烽烟失故廬。且浮揚子水。飽食武昌魚。鼓角千江外。
鶯花二月餘。成都他日到。先訪子雲居。

禱詩廿首之一

作書愛柔翰。作畫宜勁筆。作書鋒內容。作畫勢側出。根柢非殊途。
運用惡執一。髯蘇每左偃。寫竹恐未必。篆體成卷雲。叔明果何術。
臆說幸勿聽。名士語多溢。

籠禽

手出日才言二二
籠禽何太苦。飲啄失天和。毛翮不自惜。機關誤爾多。驚魂迷夜霧。
倩影對庭柯。舊侶深山在。先時避網羅。

題鄭煦亭賞月延桂圖

集文選

明月皎夜无。安處撫瑤琴。初秋涼氣發。解雲垂薄陰。巖壑屬心月。
上有芳樹林。芳樹發華巔。長秀被高岑。奮臂攀喬木。待此未抽簪。
飄飄戲九垓。孰為勞寸心。放情陵霄外。幽蘭開重襟。相與觀所向。
翰墨久謠吟。

古意

我有良玉。襲以朱黃。匪圓匪方。莫貢明堂。客來千里。嗟賞未已。置

酒謝客。客不飲酒。胡以奉朝夕。將為作歌。哀絃未和。將為舞劍。澀
銅未磨。玩我擔下雀。羽毛一何薄。捕我階下草。蕢菜一何惡。白日
在戶雲在天。客與主人俱不樂。期君東海頭。乘風駕青蚪。蜻蜓從
何來。翩然相嬉遊。掉首不復顧。拂衣還神州。嗚乎。人人懷抱何地
好。鏡裡朱顏已衰老。

夜坐有作

啄腐吞腥可奈何。爭能戕影老岩阿。狂名我厭驚蚊蝶。拙句人呼
疥駱駝。起舞連宵鷄唱早。相思何處月明多。渡江徑欲煩桃葉。無

恨雲山獨放歌。

餽酒大暑
少庵

鄒雋生集鄉前輩百三十人法書裝潢成冊屬題

襄陽耆舊曾編傳。洛社名賢自不群。往日風流都歇絕。鮑家詩合

唱秋墳。

宋碣唐碑過眼烟。海濱文字仗人傳。故友夏退菴藏 藝林更得蒐

羅力翰墨因緣五百年。

因是齋詩文稿

秦州程宇光著

詞(栢影軒詞)

水龍吟(餞春)

小窗挂起疏簾。暹空暝色高樓暮。香巢燕散。梨雲無夢。餘寒猶駐。
屈指春來。幾曾禁着極天風雨。只烟情霧態。冥冥漠漠。便斷送韶
光去。最憶江干倦旅。惜穠華。頓成悵楚。一般花片。一般絮影。覓
春何處。但見天涯。夕陽芳草銷魂如許。要將他芳訊重探。須早共
流鶯語。

菩薩蠻

淚痕滿鏡。鮫綃濕。秋千索上拋芳澤。有恨總纏綿。博山爐裡煙。
打窗蜂蝶亂。午院東風緩。春絮逐斜暉。落花相對飛。

前調

碧梧明月紅蘭露。臨春閣外山無數。小院閉蒼苔。雁聲今夜來。
鏡中人易老。悔種紅心草。江水似君心。怎知江淺深。

木蘭花慢

向殘暉盡處。看寒色弄霏微。正落葉煙沈。吟蛩雨咽。悄掩羅幃。征
衣待將寄與。怕而今似妾瘦腰圍。西北分明雁路。如何不帶書歸。
空閨。漸夜漏音稀。好夢惜參差。歎隴水磨刀。秦樓對鏡。舊願都

非哀絲倚歌。淚落恁蒼涼。抵聽小戎詩。知道木蘭故事。不應悔作蛾眉。

霜葉飛

關河早霜。陰神搖落。填此巾之。以益同感。此稿藏洪逸侯處。逸侯抄贈保存。高注。

疎林如許零星在。紛飛都似輕絮。前番唯怨東風惡。肯怨花無主。算幾日雲縈護住。蕭條一夜成空樹。正雨濕烟低。只點點殘螢照見拾翠庭宇。回頭歲晚江城。沾苔依草。恨蹟旋作塵土。錦屏人

散闌芳菲。記艷游何處。比斷梗飄萍更苦。相看燕雁皆愁侶。待故山南枝放。翦紙招魂。但添酸楚。

錄甲寅舊作贈洪純士純士神交已久。惜詞筆不足。劇我懷也。

定風波

雨雨風風返權遲。江頭杜若寫相思。昨夜燈花紅一寸。無準。寒宵
聽慣五更雞。曾說壽來歡緒。就孤負。待到秋來依舊負佳期。秋
換或冬還更易。知未而今真是寂寥時。

雨中錄稿奉寄竹家老兄清鑒。請轉呈家文翁老兄觀之。詞與
字可有進境否。按竹家係田先生少泉號也。此稿謨叔贈

得。注滿

奪錦標

秋懷
九秋詞
軍中
之一

細柳營開。舉頭高處。大將威儀初識。裊裊龍蛇。千匝舞影飛揚。旌
旗同列。挽西風欲駐。問多少。隔江鋒鏑。儘隨他。澹雨疎烟。掩映鈞

陳南北。西去烽煙未息。楓葉蘆花相對朝朝岑寂。盼得指揮人
到。橫掃欃槍。秋空如拭。任新霜節近。尚舒卷向人歌席。費工夫。
七寶裝成。也是為伊憐惜。

疏影

秋深 軍中
九秋詞之二

蕪城賦後。問井榦舊製。何處重覓。霜落烏啼。畫角聲中。銷魂最是
殘月。秋心只向秋風訴。切莫與守牌人說。數幾番看菊城頭。眺盡
雲山千疊。回首繁華舊地。分明如畫裏。綠楊春色。繞郭寒潮。仿
佛當年。換了般般蕭瑟。東南倚作金湯固。祇此意有人先識。傍女
牆為送斜暉。無語獨捫薜蘿。

長亭怨慢

秋堠詞之三

正山下種槐無數。十里塵沙。迢迢如許。乍候關心。嘉名誰為認。延
鷺。周流二六。都可惜。匆匆去。飛騎一鞭來也。不管秋風秋雨。幸
苦見一燈樹外。便是枕戈眠處。瓜期尚遠。且莫怨者回征戍。但細
看幾片平蕪。已識得他時歸路。任落日荒寒。獨自閒聽笳鼓。

水龍吟

秋角軍中
九秋詞之四

尋常總帶商音。何曾為在西風裏。城頭月落。五更初冷。攬衣先起。
江北江南。幾般嗚咽。壯心遙寄。把今宵是處。蟲聲雁語。都併入征
人耳。戰鼓填然和得。翦長鯨。天戈前指。此聲不惡。分明催取。縱

橫兵氣。無奈清愁。聽未獨夜。夜長難寐。卻無端當作哀笳怨笛。惹
雙雙淚。

轆轤金井秋寇 軍中
九秋詞之五

虎貌無限。纍烟高。兵銜望中千萬。鏃斗曾攜。鎮夜行隨伴。晨炊未
晚。念裏馬加餐飯。汲井泉深。採樵路杳。黃花初見。陰符有誰細
覽。嘆古人難學。纔增還減。試問軍儲。祇蕭何能辦。關中餉。轉怕薪
盡。有人愁嘆。瞥眼冰霜。深冬早。覓枯柴盈擔。

霜葉飛秋權 軍中
九秋詞之六

箭雲逐電。須臾事。雄姿空對窮鬼。沙場汗血。總難辭。暮養恩原厚。

獨是處棲身最久。樺櫛可算。鷄糜否。儘顧影無聲。玉轡却。殘燈廡
下。五更寒漏。老驥句詠曹駒。唾壺敲碎。那不拋淚盈袖。肯教駿
骨值千金。一例聊充廐。正首着西風到後。北風明日重驂首。且漫
將金鞵脫。早晚功成。紫纒應有。

寃衷中序第一

九秋
詞之七

敷名論第一。漢將先教寃文織。帳下男兒奇絕。忙裏傳呼。莫嫌裝
急。布裁幾尺。移燈照。腰圍如昔。只為了朝朝曾縛。緣縫半。養蟲
昨日寒催蟋蟀。早又到披綿時節。裊襦算就寬窄。髀肉潛生。且休
憐惜。名駒猶跨得。問何處。又來羽檄。恁由我從容緩。容隊主夜還

出。

一枝花

秋鐘 軍中
九秋詞 之八

中猶人何巧。翦羽工何妙。強弓開兩石。鏃鴟叫。指淺草平原。螢影
飛林表。百戰將軍老。控馬上雙韉。回首千峰殘照。聽吉語甘泉
先報。越砥還儲料。眼前今已是金風到。憑素鐵焦銅。身畫凌烟早。
狐兔群先掃。釜底游魂禁。受得箭鋒多少。

燭影搖紅

秋幕 軍中
九秋詞 之九

隨地支床。重帷不隔寒蟬語。說兵河朔。燭高燒。下筆驚風雨。戎馬
書生自許。耐更闌鳴笳動處。夜寒未卷。添到征衣。頓教悽楚。製

就蓮花。不逢王儉。誰能住。將歸燕子。怯秋涼。先別空巢去。只算征人最苦。更休提。朱簾繡戶。天涯但有。同入賓僚。肯陪尊俎。

此同學沈愚卿購得原稿抄贈我保存。嵩注

湘春夜月

簫菊不作花

算秋光。抵春一半。繁華怎似前度。春風羞到野人家。接眼寒燈乍上。但疏枝淡影。整整斜斜。笑黃梅時節。移根辛苦。雨脚如麻。短籬繞遍。西風無賴。寂寞天涯。屈指重陽。看禿髻。茱萸重插。還醉流霞。瓦盆休棄。為護持。當作蘭芽。只檻外。怕夫容。伴少。占秋不住。分

與聞花。

虞美人

蟲聲切切悲如許。枕上過殘雨。已無好夢不如醒。又是五更斜月
上疎櫺。木樨一樹餘香在。搖落篝燈外。重帷下後北風涼。才是
秋宵莫便說宵長。

憶舊遊

題康伯
山小照

甚秋聲聽過。昨夜松篁。又弄蕭騷。多謝天公意。恁清涼世界。現出
瑤瑤酒杯到手先。盡寒色上書寮。要耳洗箏琶聲聲了。細更畫芭
蕉。低飄曾聽處。有幾輩江湖。顏色先凋。君愛吾廬好也。星星短
髻。揮禿霜豪。陰何撥取灰裏。都是寫無聊。漫孤負詩情。一清如水。

三才日才

敬洞齋

三才

延暉書屋詩文稿敘

先祖父屢試秋闈。未伸厥志。卒以優貢老於鄉。中年館淮館蘇。晚
迺館於泰興江都間。或就後進不少。館穀所入。不事生產。疊遭吾
高祖考星泉公。曾祖考香巖公。叔祖考瀛仙公。喪痛門庭之衰謝。
嗟後嗣之靈懸。他人處此。難免憤懣不平氣。時流露文字中。獨公
涵養有素。慈愛性成。聞由館携修金回里。途遇難友。每不憚傾囊
周助。邑之人爭推公董清節堂事。時洪楊方熾。堂用支絀。公寧為
堂負債。至歲暮有催索者。公因失信。寧向人在陳家汪邊。服禮道
歎。觀後來之皇皇大董若何。時而堂中什物。損形缺乏。即搬阮巷

物與共。不計也。年六十一。生吾先嚴。繼生吾二三叔父。回憶嵩生之年。距公歿十四週耳。得聞邑人及遠近鄰父。每每稱道公之隱德不衰。並聞趙家莊館主人之子孫說。某年文伯叔曾祖偕包安吳先生。由揚避亂。來館訪舊。終日縱酒譚藝。擘紙作書。書室中棄紙山積。散後悉令館童火之。若不甚愛惜者。其於平日著作之。不存稿。可想見矣。蓋聖門以德行文學分科。公優於德行。不免視文學較次。歿後先嚴輩才十歲上下。烏知公之手澤乎。嘗聆先嚴遺訓。阮巷小書房。昔懸興化李復堂鸚鵡山石一畫幀。被某故家子無端攜去。後向探詢。不承認。以稍長。吾先嚴輩數歲。能知鸚鵡美。

是否知復堂何如人。終未敢信也。一畫如此。遙想其時散失多矣。獨零星遺稿乎哉。此八十年来一大憾事也。茲僅就歷年蒐集已經及見者。會錄成帙。庶幾四程遺墨。得同傳於將來。詎因篇數無多。一任散存故篋乎。嘗見古人對於邑名流之殘篇斷簡。雖片紙隻字。且珍同拱璧。况親為其子孫者。責職所在。其勉焉毋忘。時民國三十二年小雪後。家孫嵩齡謹誌於因樹園之穫室。

延暉書屋詩文稿

泰州程祥芝著

文

致小松堂弟書

小松賢弟大人啟。睽違十載。時切馳思。邇值楊二兄南來。接讀手書。彌徵關注。沐鴻施之下逮。有鶴俸之頻分。引領德輝。感激奚似。伏惟賢第大人。勤勞懋著。政績昭然。指日五馬宣風。一麾出守。曷勝慶幸。兄年逾七袞。健飯如常。餬口依然。舌耕如故。痛自丙辰年。先慈見背。荏苒之間。不覺七年之久。收勞之感。曷其有極。去年三月間。先荆汪氏。長妾林氏。十餘日中。先後棄世。以寒素之家。叠遭

大故難乎為情矣。所幸蔡氏入門。連生三子。長恩官。資質太弱。看來不能讀書。然亦不能聽之。現在上學。次恩洋。出繼二弟。天姿純篤。悟性尤佳。現帶在身邊。朝夕誦貫。十五歲經書可完。託吾弟之庇。十六七可出而應試矣。非凡材也。三恩普亦開蒙讀三字經矣。吾弟連獲雙珠。德門有後。能繼續先祖之書香。亦大美事。義方之訓。刻不可遲。慎勿以年老得子而存愛護之心也。方今賊氛平息。鄉會開科。正士子茅茹之先聲。大家努力要緊。諸老友晨星落落。田少泉前年已歸道山。康瑞伯強健如故。其餘范雨村。金雪舫諸人。皆以都轉之招。聚處海陵。亦一時盛事也。兄近來多讀唐賦。於

六朝人門戶。亦能仰窺萬一。去年重生之取賦者。子駿三第。廷張
大第。皆已同業入泮。程氏有繼起之人。可為誌喜。伏願老第大人。
以恭。敬。忠。虔。已。以清慎勤居官。嚴以教家。勿踵驚凌之習。嚴以課
子。勿貽溺愛之譏。古之人。頌不忘規。吾弟斷不以為迂也。繩武叔
力田勤苦。僅能餬口。無力再捐功名。如有議叙。即與大叔可也。紙
短情長。揮汗作書。藉此恭請升安。伏惟俯照不宣。

以文會友賦會以君子以文
友為韻

儒行以多文為富。學記則故業樂群。誼恒聯乎風雨。功不輟乎夕
昕。匪獨振詞壇而樹幟。騁藝圃而冠軍。郁乎文哉。言在詩書。執禮

嘉之會也。友貴直諒。多聞讀正心誠意之書。依於仁。必游於藝。講
治國齊家之本。第事長先孝事君。當夫君子學於爾室也。未出門
而同人。必齋居而修己。誦湯盤則日新。又新歌文王則敬止得止。
勤學修而萊竹美武公興仁義而天桃詠之子。修身之道無他。繫
矩之云如此。於時離經辨志。視學三年。鼓瑟歌風。懷人千里。朋之
篆文似鳳。可以不如鳥乎。友則小雅鳴鶯。亦曰知伊人矣。迺其會
友也。非鼓篋而橫經。儼左圖而右史。講貫徹表裏。精粗辨論。該本
末。終始文字。有玉書金簡。以典籍為交。閣文律。奏五聲。八音。以笙
簧為條理。如登相禮之地。問主盟者何人。如親校射之堂。能反求。

者。近。似。講。藝。深。探。禮。窟。請。執。牛。耳。以。登。壇。布。席。擬。上。經。筵。非。若。燕。
毛。之。序。齒。意。惟。守。文。行。忠。信。之。訓。豈。有。他。哉。若。其。無。文。理。密。察。之。
心。則。將。何。以。蓋。斯。友。則。蹉。蹉。濟。濟。斯。文。則。馥。馥。芬。芬。斯。會。比。五。章。
六。采。斯。人。讀。五。典。三。墳。奇。文。共。賞。嘉。言。孔。殷。問。言。氏。之。絃。歌。俗。風。
休。美。對。公。西。之。章。甫。禮。樂。續。紛。益。友。不。當。聲。氣。人。文。皆。會。風。雲。作。
席。上。珍。儒。冠。儒。服。飲。泮。宮。酒。采。芣。采。芣。景。仰。魯。國。諸。生。運。際。麟。珠。
吐。瑞。肇。起。漢。廷。博。士。人。來。虎。觀。論。文。誼。比。漆。膠。言。有。區。蓋。論。說。以。
尊。讓。明。謙。朋。友。以。講。習。取。克。詩。書。為。文。章。至。味。虞。舍。咀。之。未。深。章。
句。乃。文。學。附。庸。崇。堂。階。之。必。大。闡。出。微。言。妙。義。如。聞。韶。於。齊。拾。同。

斷簡殘編。恥無譏自。鄒經郭乃。固於金湯。書城更揚。其旗旆。臨文
有。臻。薛。爭。長。宗。大。雅。之。敦。槃。披。文。如。雋。札。歌。詩。贈。名。賢。之。縞。帶。以
格。物。致。知。窮。其。理。折。衝。增。俎。豆。之。光。以。令。聞。廣。譽。施。於。身。文。繡。比
衣。裳。之。會。方。今。聖。天。子。崇。文。選。士。澤。沛。菁。莪。壽。考。作。人。才。多。薪。樵。
士也。器成琢玉。冀日就而月將。朋屢盍簪。思左宜而右有。凜大學
孝經之義。儲盛世之膠庠。遵鵠湖鹿洞之規。萃人文之淵藪。敢不
砥礪以飭廉隅。切磋而佩瓊玖。譬如為山於平地。自省吾身。願尋
學海之津梁。印須我友。

延暉書屋詩文稿

泰州程祥芝著

詩

遊城西草堂即事題贈

落日淡林薄。招我遊城西。城西關草堂。古木與之齊。桑榆三四畝。黍稷前後畦。紅塵飛不到。綠竹徑都迷。人生行樂耳。何為樊籠羈。大笑出門去。鳴鳥枝上啼。

海陵斗大地。園林盡荒地。溯其創造時。始基非不美。心願既太奢。功程又復侈。臺高而池深。易成亦易毀。羨君性恬適。定靜在知止。茅屋結構成。容膝聊爾爾。可以宴友朋。可以長孫子。

二三良友至。稚子為款關。樽俎無多設。籬燈相與燃。攀縱譚及今古。
 新詩時往還。春韭與秋菘。興致何閒閒。隔江有好山。在我襟袖間。
 勞生苦行役。無田可躬耕。偶來閒曠地。輒生欣羨情。倦鳥或安巢。
 游魚亦知更。安得清風至。同看秋月明。示我琴一曲。飲我酒一罍。
 高語義皇上。並坐學長生。

鄒雋生收藏鄉先達手蹟裝冊屬題

雋生能嗜古。採訪有必周。先達著典型。邈焉如可求。駝嶺扇清風。
 吉光片羽留。荆闕遺法在。羲獻筆力遒。展卷一披閱。力可迴萬牛。
 徵詩紀相國。一一登選樓。此甚臺相國輯淮海英靈續選為退庵集收錄吾鄉之詩最多

微顯復闡幽。

吾友夏文徵之刻

得君而鼎足。明珠非闕投。君之

才力富。班超當封侯。君之八法精。弓冶徵箕裘。清和書畫舫。並蓄而兼收。為功在桑梓。貽惠及朋儔。他年遊五岳。足蹟徧九州。收藏既益富。剔辭頻雕搜。此卷相印證。先氣逾吳鉤。讀罷飲一斗。天外風颼颼。

壬寅二月三日同人恭祀梓潼帝君以我能拔爾抑塞磊落之奇才分韻得爾字

束髮事詩書。要在得大指。斲方而乞合。毋乃衆所鄙。海陵風近淳。翩翩會多士。華國富文章。深心託經史。維茲仲春月。敬恭集桑梓。

齋被禮神祇。肝饜伸禮祀。三揖而百拜。高堅唯卓爾。用束爾身心。
毋咎尚奇詭。用端爾行檢。毋庸語近市。異日立朝端。硜硜比君子。
稽首神明前。砥行立名始。作詩告諸君。渝者有如水。

癸卯仲春陳硯香將試京兆留別同人自小香以下帳飲者
凡十三人以春風得意馬蹄疾一日看徧長安花分韻得花
字

送子長安去。春風及第花。同行偕弱弟。小松弟有客望天涯。舟楫
紛如織。文章爛若霞。朝来看澹墨。猶自說橫斜。

百歲掄才會。螭坳殿上誇。今番能奪錦。及早試簪花。舊織千狐腋。

新嘗八餅茶。舟中頭壁白。早已看籠紗。

鄉里如何住。前程事本奢。關心惟客路。著意吐奇葩。羨子才如海。嗟予鬢已花。秣陵秋色好。猶待泛輕舫。

海陵斗大地。雀噪厭喧嘩。感慨自茲起。科名能幾家。所崇惟實學。匪獨競聲華。暗裏朱衣點。同看上苑花。

題許賓四琴鶴圖

昔在趙清獻。一琴與一鶴。先生未出山。而有匡時畧。綠綺聲泠泠。白羽光翯翯。朗吟猶未終。閒雲出幽壑。

春社

乙巳二月三日
同人分賦

記得袂針絲到門。今年社日又開樽。宣防無復洪濤警。力穡依然
古道存。通末闕稼工合四處春聲喧鳥雀。一林落日散雞豚。太平
景象從何見。扶醉人人荷國恩。

春晚

鶯啼燕語入春天。曉日當窗曉霧妍。不為惜春偏欲起。雖當中酒
不思眠。吟詩謝客深情寓。舞劍劉琨逸興傳。獨憶金釭廷試者。嚮
晨身惹御爐烟。

和陳少方六十生朝

道先丙午刻本

杖履追陪憶昔年。近聞高躅更超然。修成清福能離俗。撇却塵緣

即是仙。幾度素頭尋脉望。何時海上遇成連。名山自有千秋業。松栢蒼蒼本性全。

獨有金剛不壞身。耽幽習靜見天真。功名卅載成虛願。智慧三生證夙因。齊物定然能化物。解人原即是傳人。等閒莫應蒲輪召。嘯傲林泉足養神。

年來頗讀活人書。綺語浮夸久懺除。兔穎拈時心自靜。蛟豪是蛟是展處體常舒。山中慣友長生鹿。濠上貪看適性魚。敬慎修容恭則壽。先生真是指南車。

僕僕緇塵道路長。笑余癡願未能償。陳編蠹飽猶堪讀。故紙蠅鑽

豈遽忘炎夏頗能除熱惱。陽春未敢和瑤章。區區敲佩韋絃意。澄火傳薪賴主張。

風入松

劉夏啓
峯集

清風何颯爾。有客正鳴琴。頻末微微起。松間謾謾侵。趣從絃外領。聲向樹間尋。天籟傳三疊。真機動一林。沙平鷺雁落。枝老聽龍吟。流水清初長。高山月乍臨。雲烟成絕調。身世託知音。解賦民情樂。南薰洽舜襟。

松承堂詩文稿叙

先通議公由川回里。生平著作。散失多矣。烏睹所謂家藏詩文十卷乎。蓋公初為科名。專攻詩古文詞。後遊石梁。留心吏治。入川後。一心家國矣。當守宣威州行營。及辦溫江防堵事。方且捐軀不顧。奚文詞為。其欲以文詞傳者。閉門讀書之老書生也。公本書生。出仕川省。古人投筆從戎。不是之過。府志不列公於文苑。而列公於人物。以文僅能載道。未可以一藝盡生平。墓志稱公九歲喪母。食餼後。親往亳州。奉大母及母榇歸葬。其謁外祖及呈外祖諸詩。參合以觀。足證公至孝也。公呈胡敬溪夫子及題傅少崖師小照詩。

足證公尊師也。公於翠竹庵晤家筴山。春草軒呈家禹山詩。足證公敬族也。邑人如湯悔庵。康伯山。常繼香。田少泉輩。在家則朝夕過從。出則寄詩述懷。足證公愛友也。其贈詩吳步蟾。作哀文哭紀內第。陪永山。搗山。兩舅氏夜話。足證公睦姻也。此皆公館於儀。幕於淮時。其心跡堪以傳世者。入川後。讀公九秋即景。及敵樓落成詩。知公羽檄飛馳。手指口畫。為擒賊也。築敵樓。設炮位。為守邑也。濟城濠。辦鄉團。為衛民也。表王左之忠烈。哀李潘之孤守。激軍心也。運米入城。期民食之能濟。寄書過棧。俾民氣之獲舒。此軍事時期之所學畫者。地方稍安。刻東湖草堂賦鈔。以造士。刻洗冤錄外。

編以恤冤。刻朱子小學以固民生根本。刻先農壇碑以勸惰農。工
作。又手錄醫書多種。廣為流傳。以預防災區病疫。此善後時期之
所舉辦者。痛吾先祖去世後。家室蕭條。蒙公寄書垂詢。堅屬吾先
祖母。領吾先嚴兄弟輩。從師讀書。並常川寄俸銀。分給以恤孤寡。
嵩兄弟子孫。綿綿延延。所以得有今日者。公之賜也。公嫡孫居成
都童子街舊宅。嵩子姪輩。近常來往川中。或旅居者四人。較。或得
奉公及紀太淑人像。以歸。想見公思鄉切也。墓志稱公歸秦時。願
竭囊中資。議田議墾。及邑中諸巨功。將次第舉行。奈未及三日而
疾作。一月而歿。此同治十年六月事。距今七十年耳。公堂弟秀舉

公或公道念捨家宅。建宗祠。辦義田。刻書立石。至今春秋祭日。族人環而拜者。食公舊德不少。其足令鄉人觀感者。豈僅恃一藝之長之傳誦後世哉。嵩年近衰頽。目力尚可。謹將數十年心慕神追所搜集之零珪斷璧。不敢亂登毀棄。亟錄成冊。分為三卷。仍其舊曰松承堂詩文。酌加遺稿二字。因原編未及見也。不然。公同時同好。刻集多矣。如何子貞。我眉瓦屋遊草。顧復初樂餘靜康齋集。王琴軒綠陰山館詩鈔。湯秋史聽雲館吟草。皆備載與公倡和詩詞。獨公無專集。行世何歟。蓋公一心家國。區區刻詩文以傳世。不屑也。且亦無暇。聞公宦跡在新繁樂山。江津諸邑。迄今稱道公德澤。

猶在。有為公建祠。將事實登諸邑志。名宦傳者。將來國事平定。訪求清末鄉賢。某也合。先總理三民主義。某也合。舊道德之忠孝節義。信如我公經歷。誠無愧前鄉賢。爰錄府志。與郟縣王光裕東湖因樹園圖記。及夏蠟廬孔宥正冊跋。並同里王子勤先生撰公墓志。冠之卷首。以代序。至錄公遺稿時。容有穿鑿互會。魯魚亥豕。讀者苟詳加考察。尤所極願。是有望於後之君子。時民國三十二年古重陽日。姪孫嵩齡謹誌於因樹園之瞻樓。

晏端書先生續纂揚州府志人物

程祥棟。字小松。泰州人。工文詞賦。筆尤華瞻。以廩貢生從軍黔中。歷著戰功。由知縣同知。游升知府。加道銜。賞戴花翎。歷官四川新繁、樂山、江津知縣。在官廉能多善政。倡舉團練。尤得民心。任新繁時。建復東湖書院。刻有東湖草堂賦鈔。及醫書數種。重輯洗冤錄。流播川中。年逾七十告歸。思以餘俸建宗祠義莊。病亟未果行。遺命屬族人成之。

章士旂先生題程小松詩集後

江左才人。海陵名士。伊川華胄。開府遺音。少陵逸響。接武千秋後。

六朝金粉。南國烟花。總入錦心繡口。任舒卷雲霞萬狀。羅列滿胸。
星斗。如何似我。文章憎命。早向江湖奔走。花樣翻新。熱勝無那。
付與杯中酒。青衫。偃蹇天涯淪落。恨是暫圖良覲。展瑤章。焚香硯
北。薔薇濯手。永遇樂 先生字雨人 桂章士所

節錄王先裕先生東湖因樹園圖記

泰州程君小松先生。六溪逸士。八米雋才。以佼佼之風華。作翩翩
之書記。明月二分之地。筆五色而花生。珠簾十里之鄉。賦千金而
紙貴。東山絲竹。北海琴樽。固已裾屐一時。圖書千載矣。而乃過江
名士。久已推表。入蜀才人。還瀆學杜。開清秋之幕府。冠益部之賓。

僚十載依人。一行作吏。不須叱馭。已能說乎山川。何必夢刀。業盡
請乎風土。始也代庖而發刃。繼焉製錦以操刀。邦雖舊而維新。地
名繁而實簡。綺交脈注。錯煙火之毘連。暮布星羅。互田塍之沃衍。
江名清白。長官指水以盟心。地接岷峨。速食看山而賦色。既以紅
羊之小劫。迭經蒼狗之浮雲。夷王墓前。屢傳夫風鶴。秀才坡上。已
化為沙蟲。先生緩帶輕裘。指揮而定之。飛書羽檄。談笑而麾之。遂
使斗大孤城。安如磐石。彈丸下邑。固若金湯。豈非甲兵之在胸。韞
鈐之運掌乎。

夏翼朝先生跋楹帖

小松仁弟茂才。聞聲相思。五年於茲矣。嘗讀大作駢體詩歌。芬菲
襲人。哀感頑艷。不作齊梁以下語。展讀數周。輒為心醉。今夏薄遊
盱山。辱過小齋。考古證今。清談移晷。翌日即將返旆。喜良會之乍
逢。悵驪駒之戒道。因書二語以贈。或可實諸几案間耳。

孔繼錄先生跋楹帖

乙未識小松於白田朱氏。才俊氣清。心為折下。鬱鬱依人。為小松
增人世升沈之感。丁酉夏。余將入都。過於袁江江氏官廨。剪燭連
宵。悵惘不能為別。適以楹帖屬書。噫。天將大用小松。而故畚其過
乎。抑愁苦挫損以終老乎。恐非蒼蒼者有意也。書至此。為之擲筆長

嘆。

王廣業先生撰墓志銘

君諱祥棟。字小松。江蘇泰州人也。先徽之休寧人。康熙中選。秦因家焉。高祖諱盛修。雍正庚戌進士。由編修歷官順天府尹。有循聲。曾祖諱選青。乾隆癸酉舉人。祖諱應鍾。安徽銅陵縣典史。升亳州州同。父諱紹煥。安徽候補從九品。俱以君貴。贈如其官。母袁太淑人。侍翁姑於亳州丞署。君生而岐嶷。按嘉慶五年庚申。公生於安。徽銅陵縣典史署時。十一月三十日。非亳州丞署也。澄以公祖考聞軒公墓志云。乾隆中。遵例以未入流。投効分發安徽。補銅陵縣典史。後捐升縣丞。在任候選。嘉慶十三年。獻有述。適發任。旋緝獲。開復。遂請告歸。是嘉慶十三年。實無亳州攝篆事。當憑聞軒公墓志為斷。後雖攝亳州州同。

家及管理亳州。融務按呈來公家傳云。公不見足徵。亳州攝篆。特暫

時事。非在銅陵補缺可比。且以年代計。當在銅陵開缺後。復往亳州。

况亳州在安徽西北邊境。與河南接壤。早途迂遠。挈眷維艱。銅陵

學及至胡。滋溪。舟過蕪湖繁昌。即達銅陵。幼即在銅陵上學。九歲失

母。哀毀如成人。稍長。與叔字光同塾。讀書十行俱下。每一藝出。同

輩咸憚之。制藝而外。兼工古文詞。嘉慶二十五年。補博士弟子員。

旋饋於郡。時以母沒為念。遂往亳州。奉大母及母。二楷歸。按公墓

原本載公往銅陵。奉大母及母。二楷歸。向。房有墨筆漫改。亳州。後刻石。即

字。並批云。按上文。侍翁姑於亳州。語則銅陵。當改。亳州。後刻石。即

從之。孰以傳。孰本無。足怪。證以。聞軒公墓志云。後於公母侍翁姑。至

銅陵。扶其祖妣。張孺人。樞云云。足見樞在銅陵。且於公母侍翁姑。至

祖亦有著。時未及公。母樞者。明係公初。君之叔祖。嘉慶丁卯舉

有試第一人。叔紹芸。弟祥。鑿嘉慶庚午。道光戊子。先後領鄉薦。道光丁酉。叔字先以順天籍領解。君獨屢躓不售。慨然歎曰。丈夫當建名異域耳。安能鬱鬱於鄉里間乎。遊淮。大吏爭延焉。久之。益抑鬱不得志。會琦節相治蜀。招之往。遂入蜀。居節幕者十年。以訾為令。歷署新繁。樂山。知縣。時粵西兵警。川省震動。節相知君才。委守宣威州行營。復檄辦溫江縣防堵。軍書旁午。君手指口畫。無倦容。城賴以全。保奏同知直隸州。加知府銜。會雲貴凱撤。彭浩肅清。沔山擒獲渠魁。復上其功。加道銜。以知府用。賞戴花翎。補江津縣知縣。在邑多惠政。建四廢堂。以棲流。建東湖草堂。以教士。採秦漢以

宋詩賦為士式。兵燹後士知學古。自君始也。年七十有相士謂君曰。明年且有厄。因移疾歸。方君之赴亳州也。往返數千里。圃園無人。色足數瘡數月。杖而後起。里人歎其孝。及是歸。閔少時之貧。屢也。竭囊中裝。議田議塾。及邑中諸巨功。將次第舉行。詎未及三日而疾作。一月而沒。沒之夕。猶喃喃以贍族。建祠為念。語未終而長逝矣。嗚呼痛哉。君生於嘉慶五年庚申十一月三十日。沒於同治十年辛未六月二十一日。春秋七十有二。輯有東湖草堂賦鈔十卷。洗冤錄外編二卷。已梓行。著有松承堂詩文十卷。藏於家。配紀淑人。有穆行。君初入蜀。貧無以備裝。淑人粥釵環以濟。乃克行。

君行後。門內雍肅。以此君數十年無內顧憂。後君年餘沒。子二。長
葆慶。紀淑人。出力學早沒。次蓉慶。側室倪孺人出。君沒三年。蓉慶
抱遺狀泣曰。日月逝矣。將合葬先人於城南袁家墳之原。請所以
先窆石者。予與小松世戚也。且同補弟子員。不敢以不文辭。爰述
其行如左。而為之銘曰。皖山蒼蒼。皖水湯湯。中有哲人。長發其祥。
三輔家聲。兩元世胄。篤生我公。明德之後。性推梨棗。慧識風丁。一
鬢之雋。辟易千人。蓬夫桑弧。布衣阜帽。志在四方。出門一笑。平滇
池盜。題劔閣銘。締章績多。孔翠影纓。鳳翔於霄。鴻飛於渚。出也棠
甘。歸也筍。苦堂閒畫錦。以翔以翺。我公不祿。巫陽下招。公名在揚。

公敷在蜀。白馬素車。故人一哭。

松承堂詩文稿

泰州程祥棟著

文

含碧草堂記

曩余薄遊梁宋。道出真州。謁文丞相祠於東郭門外。時見隔岸古槐高柳中。儼然野屋。徘徊日暮者久之。歸里後。偶一夕。侍伯祖星泉公坐。泛論及此。公曰。是其面城背河。帆檣繞其後。而隔江諸山當其前者乎。若然。是吾友王君之含碧草堂矣。汝異日曷一訪焉。道途奔走。忽忽未暇。己丑冬。草堂主人之弟宇采之者。于役海陵。談藝甚洽。因延余課其弟若子。假館斯堂之東。琴歌酒賦。靡間晨

夕。諸生中其長者。采之弟秋懷。今已補博士弟子員。抗心希古。不
屑章句。次采之姪敦義。解毛詩尚書。畧得大意。最小者采之長子
敦禮。甫讀論語。雙眸炯炯如岩下電。春秋佳日。相携童冠。眺水木
之明瑟。覽烟霞之深峻。鷗侶鷺朋。日就親暱。擺脫塵俗。不減古人。
並時與其尊人佩琴先生。縱論古今。或語及先伯祖舊事。歷歷可
聽。大江南北。如此堂者。正復不少。而吾與君家締三世之交。為數
年之聚。不得謂非天假之緣。是誠可紀矣。至堂之經營創始。已見
韓沈兩先生文。可勿論。若夫誦先人之清芬。綿綿延延。以紹厥堂
構。是又在後之君子。秋懷勉乎哉。秋懷每為余言。數年前有白門

項秋竹下榻於此。其人善畫。得唐子畏陳老蓮筆法。貴官大賈贈之金不受。亦終不能得其尺幅。至酒酣發墨。一夕可揮數十幅。雖賊獲輩求無弗與者。倘所謂憤時疾俗。古之嶽奇磊落人與。惜乎余不得而見之矣。因叙草堂并及之。以見向之流連光景者。正不
僅一人也。

叙次明淨。尚無背謬處。公自記

鄭煦亭先生賞月延桂圖序

辛卯孟夏。棟歸自真州。起居吾師於注經書屋。因以賞月延桂之
圖。屬叙於棟。是圖也。鬚眉如畫。衣帶當風。游廣寒之宮。素鸞舞於

手少日夫言二
天上誦赤壁之賦。玄鶴來於夢中。固已玉宇瑤樓。詞填水調。銀璫寶瑟。曲譜霓裳。已况乎分兔輪之艷。采扇鷲嶺之靈。芬花香滿空。秋風不落。樹影在地。明月寓之。玉瀼零柯。而表潔金甌。綴葉以吹。寒鵲聲啞。啞。嗟此靈氣。蟾輝落落。蕩為水光。信世界之清涼。望澄霄而縹緲也。棟自。分青袍久疎。絳帳式通德之里。遠隔經帷。象不其之山。空思書帶。茲歸裝海國。載酒雲亭。花裡尋師。招隱淮南之曲。竹深留客。長吟硯北之詩。所願木天。早步慈榜。高攀瓊林。佳話美都。說之科名。金粟前生。授和凝之衣。赫又何事。三五而盈。嗟流先於閨苑。二分無額。題好句於揚州而已哉。

哭紀內弟鐵甫哀文

僕與鐵甫內弟契本茂親。頻年以來。踪跡尤密。夏日一別。秋風告
哀。玉折蘭摧。良為可嘆。昔潘黃門悼元哀嗣。其於內兄弟情好可
知。僕雖不逮古人。而哀感則一也。道途奔走。未妥厥詞。迫臨發之
前。挑燈削藁。得九百餘字。叙親戚之情話。追平生之隆歡。焚諸靈
帷。藉供冥鑒。其辭曰。粵以建辛之年。用亥之月。槐花忙過。催歸天
際。之舟木葉脫餘。恍聆山陽之笛。維時雁聲在水。魚氣彌城。高臺
多風。窮谷易晦。懷人北渚。之北哭第。西堂之西。瀛仙先後逝庾開府
之生。平鄉闕蕭瑟。阮步兵之身世。親串飄零。悠悠我思。契契寤嘆。

重以昨暮。謁子。殯宮。撫其。斷絃。子。收之。琴。俱。渺。披其。殘。挂。維。摩。之。
像。如。生。頗。聞。屬。續。之。辰。大有。纏。綿。之。話。此。則。杜。鵑。欲。化。猶。振。哀。音。
蝴蝶。翩。飛。竟。成。詩。識。者。矣。中君詩君山庭表秀家術貽庥文度之父
兄。皆。賢。元。方。以。師。友。為。命。伯君為余近復館文伯叔從香巖觀其孝
弟。受。知。於。石。奮。前通判石清華邀賓於王通槐州太史王指顧強臺
身。寡。藝。苑。胡。泮。音。之。未。捷。遽。鬼。錄。之。旋。登。豈。金。榜。無。名。自。憤。羅。橫。
不。過。抑。玉。樓。見。名。預。知。李。賀。將。亡。耶。自。來。造。化。之。小。兒。最。忌。文。壇。
之。飛。將。若。君。則。新。烟。函。蓋。初。日。芙蓉。枝。無。害。於。雕。蟲。宮。何。居。乎。磨。
蝎。謂。曰。馬。疾。疑。消。渴。君。鳳。凰。之。曲。未。求。也。謂。彌。衡。命。短。猖。狂。君。鸚。

鷓。之。才。不。露。也。若。云。啖。芳。鮮。而。加。劇。耽。麪。藥。以。銷。亡。胡。為。景。道。之。
隱。嵩。山。時。殮。樹。果。佳。期。之。遊。蓬。島。日。醉。桃。花。自。古。耆。年。不。餐。烟。火。
論。者。又。曰。君。之。死。也。延。齡。飯。絕。續。命。湯。遶。獨。不。聞。介。甫。却。參。無。紫。
團。而。亦。活。留。侯。辟。穀。追。黃。石。以。從。游。乎。大。都。身。後。之。悲。總。悔。從。前。
之。謀。天。只。人。只。是。耶。非。耶。碧。海。無。垠。靈。也。騎。鯨。於。何。所。蒼。天。可。問。
吾。將。招。鶴。而。下。之。嗚。呼。痛。哉。又。自。傷。矣。一。門。孔。李。之。交。十。載。潘。楊。
之。戚。最。君。先。采。魁。此。羈。孤。女。於。紅。豆。春。肥。青。梅。夏。熟。聽。黃。鸝。之。三。
請。借。紫。燕。之。群。來。松。下。尋。師。謂。叔。文。茶。初。候。客。清。風。入。座。琴。尊。皆。歡。
墨。雲。洒。窗。筆。硯。忽。舞。相。與。留。連。米。舫。跌宕。那。厨。情。話。款。款。於。幽。明。

清談霏霏於夷甫。後至則罰以金谷。先生每頽然玉山。猶且賄謝
豎之。棊說豐城之劍。酒霧塞屋。明河在天。雷斯時自以為花萼之
歡。可永於三薛。謂君家蘭竹林之趣。不減於七賢。曾幾何時。竟成
隔世。衰草如雪。寂寂黃公之壚。垂楊早霜。蕭蕭白傅之宅。斜陽冷
巷。不聞書聲。舊雨到門。猶印履跡。遺編積於蛛網。愁緒紛於繭絲。
依然前度之昏黃。不見少年之慘綠。最是思君之處。病中送我之
時。贈芍藥以傷心。度梅花而刺骨。一別竟同於千古。重逢徒悵夫
九原。乃知銷南浦之魂者。已早喪北邙之魄矣。嗟嗟。龔生竟天。楚
老獨臨元白。垂危巨卿未至。十八年之短算。了却才華三百里之

長江阻茲行李。絮酒災鷄之詭。詎喪斯人。素車白馬而來。還應識我。其尚能踐銷寒之會。馬踏凍之遊哉。况乎來日大雉。早潮初落。又將別矣。傷如之何。乃歎曰。朔風起兮。江水寒。烏桕赤兮。青楓丹。客子愁兮。行路難。羌萬里兮。音悵。唱陽關兮。曲苦。魂如烟兮。淚如雨。總帳飄兮。靈衣舞。悲莫悲兮。終別離。去復去兮。長河湄。待子化鶴兮。歸何時。於是寒烟漸昏。曉漏初滴。道旁驢唱已尊。夫行旌城上。烏啼若續。其哀軫諒相知。於今昔定無間乎。幽明慰我相思。訪沈約夢中之路。照君顏色。添杜陵月下之詩。

哀感頑豔。絳旨淒音。在近人中。突過有正味齋。春仲

王琴軒孝廉綠陰山館詩鈔序

壬戌仲秋。將有新都之役。琴軒司馬枉道過存。冒雨而來。樵風相左。山陰轉棹。興盡剡溪之遊。壁上籠紗。醉題石牕之句。至則行矣。悵然久之。未幾。捧檄繁江。聯舟宦海。佐蕭何而籌餉。舉卜式以輸財。時復觴月李園。尋秋蓮社。茶瓜留客。已公可以賦詩。雪竇僧蔡棗。催人坡仙。因而合集。遂窺全豹。用記飛鳧。君以經世之才。出其匡時之略。名高秋賦。夢眷春明。東方諸侯。聘為記室。北海太守。冠之通門。初小試於錦城。俄告歸於珂里。既而韋臯入蜀。王粲平戎。將軍去而大樹飄零。幕賓賢而蓮花秀發。文學從事。特頒鶴頭之書。

武功拜官不羨虎爪之版重尋劍閣幾處琴堂泉在山而已清雲
出岫而斯潤或謂文饘食祿但乞隣封輔嗣譯經弗嫻吏事而君
則異權雷動秦柄風行七達八窗劉炫五官而並用伍符尺籍張
巡一見而不忘檄楠本於楚材蘭芷習於宋艷雷夫雄鐘嘯月巨
刃摩天夔吼鸚爭鯨吐鰲擲班生去後投筆豈無侯封曹公帳中
捉刀大有人在律吹鐵笛凱唱金鏡此君之從軍詩也黃河遠上
旗亭艷其歌行青山夜游采石傳其韻事莽莽蠓蝓之塞萋萋鸚
鵡之洲大江月明雲臥花影萬壑風動時聞松聲宣城以五言擅
長昌谷則七古尤勝此君之紀遊詩也他若香山樂府少陵思家

伯玉感遇之篇。元瑜應酬之作。靡不原本騷雅。發揮性靈。該麟角之奇珍。鳳毛之上選矣。僕也。瑛冠計拙。授簡思枯。久附蘭交。敢辭尤序。撞鐘春海。鬱為龍吟。捧劍雲津。騰此虎氣。製錦章而贈字。報繡段以攜詞。三月三巴。每誦謫仙之句。一官一集。待刊元禮之文。

松籟閣詩鈔序

朗亭沈文。與家韜庵叔為丁酉北闈同年。余之識朗亭也。在滬二之秋。晤於江南魏舍。諱藝甚洽。時朗翁已主講泰州。予鄉人師也。每一旋里。時相遇從。茗椀香爐。清言竟日。余篤信蓮池之說。君亦淨土薰修。經史之旁。參以梵夾。居常恬靜寡欲。落拓自喜。得力於

持誦者深矣。壬寅夏。余將有袁江之行。適聞君病。流連數日。君卒以不起。為視含殮而去。君之弟夢花。孤子鼎。扶匭歸葬吳中。嗣後不相通問者。幾及三載。今夏晤君之戚王君魯生。出君所著松籟閣詩鈔見示。僅得百數十首。較前自訂稿。十刪其六七。夫可傳之作。不貴多。篇。然有已。經。傳。誦。而。此。反。不。登。有。杜。雜。其。言。而。為。前。葉。乙。去。者。芳。蘭。既。委。梨。棗。無。靈。去。取。之。間。誰。司。其。柄。耶。每。念。魏。文。帝。之。言。後。世。誰。相。知。定。吾。文。者。不。禁。為。君。嘆。息。矣。

燼餘錄跋

余與田子誠太守。訂交廿年。見其為人。孝友睦婣。篤於鄉誼。有以

緩急告者必多方為之籌畫。甚至宛轉稱貸以助之。務滿其意而後快。其與許與皆一時賢士大夫。史記戶牖候門。多長者車轍。於子誠近之矣。一日出爐餘錄見示。蓋手輯先世嘉言懿行。勒成一書。雖寥寥數篇。而於義利公私之界。辨別綦嚴。觀汪瑟菴協揆。李芝齡總憲。楊禮南學使諸序。乃知子誠之淵源有自也。余本貫新安。自兵亂以來。虞代收藏書籍。付之烽火。而子誠往來皖上。猶能於灰土之中。蒐羅庭誥楹書。誦先人之清芬。美明德之有後。子誠洵無愧已。他日者。一麾出守。本家修以垂治譜。凡所敷布。必有可觀。行將濡筆以紀之。

東湖草堂賦鈔序

咸豐庚申仲冬。余試吏繁江。民有訟田而願輸入官者。捐俸成之。得沃產四十八畝。增設書院膏火。時藝而外。月課古學。因為指示程式。選古今賦三百五十餘首。釐分四集。初集起宋玉。暨漢魏六朝唐宋元明。而唐賦居其大半。內黃文江王輔文二家律賦最多。至國朝賦手。則更美不勝收矣。二集清輕麗則。步武唐賢。三集巨製鴻篇。較唐賦而擴充之。四集散體單行。坳擬古諸作之後。且由三唐而上。追六代。總列名家賦論。俾知源流正變。折衷於唐律者。近是。或曰。賦者專陳其事而直言之。吾子獨有取於開合動宕。曲

折頓挫。何耶。余曰。律賦肇自有唐昭代。斯稱極盛。久而必變。風氣使然。乾嘉以來。作者沈博絕麗矣。然自有正味齋。蘭修館兩先生賦出。風行海內。古峭生新。一洗從前平行之習。非得力開合動宕曲折頓挫者乎。詩至少陵。可謂沈鬱頓挫矣。而其言曰。老去漸於詩律細。蓋神明變化於律之中。非徇規錯矩於律之外。賦亦何獨不然。昔曾以之授徒鄉里。今老矣。舊業荒蕪。聊舉所知。用告同學。刊成題曰。東湖草堂賦鈔者。官繁縣時修復唐李衛公東湖。構因樹圍其中。草堂數楹。余與諸生公餘論文處也。同治丙寅初夏序。

沈寬錄外編序

咸豐乙卯。棟需次錦城。唐鄂生太守以吾鄉鍾小亭年文。重刊補注洗冤錄集證見貽。蓋即武林王君又槐。會稽阮司馬其新之原本。而元和張太守錫蕃所自讀丹黃者。攷證精密。朗若眉詮。固已海內風行。奉為圭臬矣。顧其間屍圖骨格。有錄之所載。而今檢驗差異者。有檢驗之骨。而錄所未詳者。間查成案。往往牽就其說。以部位之近上近下。近左近右定讞。緣部頒洗冤錄遵行已久。未敢輕議。然急索解人。不得也。同治壬戌。茅蔭臣大令過訪新繁官廨。贈以德立齋司馬洗冤錄解。於補註集證之外。別有心得。越五年丙寅。棟調篆樂山。於刑席閱西塘先生案頭。見有手錄郎靜谷太

守檢驗合參一冊。剖析疑似。與洗冤錄解互相發明。一以辨檢骨之微芒。而異同自見。要皆折衷於御纂醫宗金鑑。藉以印證洗冤錄之所未備。二公讀書得間。格物致知。閱歷既深。見聞較確。洵檢驗家不可無之書。亟付手民。題曰洗冤錄外編。公同官之採擇。於折獄不無小補云爾。

重刻朱子小學序

大學以修身為本。小學則修身之節目也。故欲明大學。必先從小學。身體力行始。我朝頒聖諭廣訓。責令州縣官朔望講解。其啟發愚民。而必使借之大道德。意良深遠。聽講者類多鄉里老幼。從事

讀書者。或恐廢業。而不以時會。余宰新繁數年。深知其故。既加書院月課。並舉行詩古。而復求輔益聖諭之所未盡及者。因購求朱子小學善本。頒發城鄉書塾。俾弟子朝夕研誦。亦間於會講聖諭之餘。加誦小學一二條。甚望吾民漸有開悟。心知其意而身行其事。副致於修齊治平之實學。誠父母斯民者所不敢緩也。購本不敷。頒發因付梓重刻。以廣其傳。故弁數言以誌之。時同治五年六月三日。

重建先農壇記

嘉郡瞻我門外古先農壇。其地在露濟寺之西。道光八年。知縣奉

吾鄉趙岳南太令。移置於觀斗山之左。去湫隘而更爽塏。即今甫四十年耳。自滇匪入寇。赤眉青犢。蹂躪江城。社火靈祠。鞠為茂草矣。棟於昨歲。權篆樂山。以今年春奉行耕藉禮也。維時葛葉杏花。雨膏四野。太守博白朱曉霞觀察。恭率僚屬。駿奔將事。貂冠玉帶。蟒衣繡裳。趨鎗於瓦礫之場。榛蕪之域。都人老幼。相與聚觀。僉以為翠幕青壇。祈年之鉅典也。紺轅黛耜。國家之上儀也。今其如何。掃地而祭。棟乃首捐。廉俸謀諸富商。醵錢若干。滂鳩匠工。南嚮築堂三楹。左右翼屋各二。門階垣壁。悉循舊址。實啓新規。將以祝大田之有秋。慶泰階之長治。神之福也。民之願也。太守曰。是不可以

無記。因於落成之日。刻石志之。

家書

大嫂夫人粧次。堂前拜別。忽忽廿年。前接大哥祖先殷殷手諭。方謂白頭兄弟相見有期。不料於家報中忽得大哥去世之信。寸腸断裂。哀痛萬分。身後光景蕭條。概可想見。在旁觀猶為感泣。况棟之受恩深重。教訓成全。有不沒齒難忘耶。伏念大哥以忠厚持家。以和平處世。存心周濟後人。必大啟門閭。以慰數十年來未竟之志。務望大嫂以母教而代父職。勉撫諸孤。寓慈於嚴。是所禱切也。

二孀想以二姪為嗣。孀者高太孀人也。當注。定卜苦節能亨。祭姨

娘勤儉匡襄。祖姑身自然得力。諸姪中排行名字。來信不知。是否
了了聰明。即有未能。亦須讀書至十六外。方可改業。棟新繁任內。
夙累未清。昨夏暫署樂山。又增賠項。如明歲調補大缺。一二年中
便可料理。歸來。彼時以大哥之所以教棟者。訓勉諸姪。與吾子同
師受學。決定有成。必不使大哥抱憾於九泉。如負斯言。有如江水。
書到此。老淚滂沱矣。茲寄來紋銀六十金。以四十兩為大嫂薪水
之需。以二十兩為二孀添補零用。均布收納。棟到川連得形男。大
名蓉慶。八歲。已讀完爾雅儀禮。次名聯慶。六歲。今年上學。現讀爾
雅。資質不鈍。棟與大哥。皆係六十以外。得子最遲。或者庶境能甘。

預祝大嫂二孀老福。遲娉也。如有所需。可寫信來。肅東啟。問平安。
玆請懿安不一。諸姪好。愚小叔某謹啓。

家書

某某諱嚴二姪切啟。今夏王升回署。接到手書。知銀信收訖。藉訟
侍祺多福。為慰。惟望姪輩勉力讀書。以上承祖父之心。薪水膏火。
愚自當每年帖補。切勿改易他圖。負愚叔一片苦心也。記之。愚不
過一二年間。即歸鄉里。彼時為姪輩延師授業。不令姪輩拋荒也。
凡事要聽母親教訓。弟兄必要和氣。餘無多囑。勉之望之。此問平
安。不宣。愚叔某書。時年七十一。

身州四才言二二
亡姬劉氏廣記

姬劉氏江蘇之清河縣人。生於嘉慶丙子七月廿六日。以同治庚午八月廿七日。歿於江津官署。隨侍已卅五年矣。淑慎柔嘉。怡馬長逝。姬既無所出。而余又宦遊未歸也。爰仿同州使君殯清娛之例。就葬官所卜壤於城南之小塔灣。勢處高原。寔棺而外。以餘地租息。俾守塚者歲時祭掃之需。而屬其事於禹王廟僧。時加倍護庶幾可以經久云爾。同治九年十月二日。知江津縣事主人程某記。

大理石屏記

友人自滇南來。攜大理石屏見贈。黑白交錯。頗似雪後諸山。位置案頭。晨夕相對。他日扁舟東下。即以此作鬱林歸裝可也。同治元年花朝後一日。程某識於繁江之東湖官舍。

三顧草廬賦

以三顧臣於草廬之中為韻

有卧龍岡者。隸樊城以南。蓋武鄉侯之所寄跡。而昭烈帝之所停驂也。憶昔豹韜霧隱。鳳德雲含。卜茅土之奇遇。傳草廬之偉談。自漢家用武以來。此地兵爭大半。繼羊野求賢。而後當時幣聘維三。方其始也。因崔州平之交游。有徐元直之知遇。冀赤伏兮重興。奉玄纁兮一度。意吾廬小築。祇在此山。問諸葛大名。不知何處。指荆

徑之猶存。張柴扉之枉顧。一顧再顧。山巔水濱。策的廟而躡躅。題
凡鳥以逡巡。漢使何來。芳艸依然。古渡剡郎。重到桃花。曾此迷津。
北道相尋。如先武訪中興之將。東山不出。豈謝安非軍輔之臣。卒
之。彘彘來帛。孑孑干旗。造廬面懇。側席心虛。一見定中原之句。數
言登後載之車。跨荊州而保益州。飛揚契合。從巴峽而穿巫峽。割
據籌紆。三沐三薰。此際情深。鄒不一邱一壑。何年歸老林。於由是
赤壁經營。烏鬢締造。走日馬於函關。運木牛於棧道。三分鼎足。勢
難變。府倘安。五丈原頭。兵向祁山。直搗想當年之不事掃除。至今
日而稍舒懷抱。鞠躬西蜀。僅餘十畝之桑。回首南陽。休問滿階之

草。迄。今。訪。習。池。之。者。舊。話。襄。漢。之。樵。漁。龐。公。去。後。梁。父。吟。餘。驛。名。
籌。筆。烏。護。簡。書。蓋。丈。夫。不。戀。夫。鄉。里。亦。後。世。徒。式。其。門。閣。松。柏。森。
森。剝。有。成。都。古。廟。蔓。菁。處。處。誰。知。鄧。縣。荒。廬。而。當。其。草。茅。伏。處。梁。
棟。支。持。鹿。門。舊。隱。魚。水。新。知。五。百。年。挺。生。名。世。廿。七。歲。幸。遇。昌。期。
錦。纜。牙。樁。火。德。興。王。之。日。綸。巾。羽。扇。水。軍。破。敵。之。時。能。聯。和。而。後。
能。爭。鋒。此。事。非。異。人。任。也。可。就。見。而。不。可。屈。致。將。軍。宜。枉。駕。顧。之。
不。然。者。萬。古。雲。霄。空。借。雛。鳳。一。椽。風。雨。徒。想。夢。熊。辭。樓。桑。之。帝。胄。
老。種。菜。之。英。雄。又。安。能。金。刀。羽。運。銅。鼓。銘。功。揮。蕭。曹。而。若。定。擬。管。
樂。以。相。同。策。定。三。分。獨。許。身。於。陛。下。禮。隆。三。往。起。抱。膝。於。隆。中。也。

哉。

英詞磊落句陣森嚴。絕非浪使才情者可比。廖鈺

菊花仙賦

許以弟頭為仙韻

鑠院芳規錦城舊例。秋老蘋繁風香蘭蕙。攷諸唐志。夷堅出自漢
 宮佳麗。餐來菊蕊。早登天上。仙班忙到。槐花亦管。人間科第。則有
 黃裳者。來自嘉州。學於石室。見傍舍兮馨香。有崇祠兮芳蕊。暫作
 秋風之客。拾芥功名。無煩春夢之婆。生花詞筆。莫是孤猿神化。穿
 畫壁以重重。得非九鯉仙緣。示崇途而一一。瞥眼燈前。明粧儼然。
 今夕何夕。若煙非煙。報黃花之消息。驚綠萼之使。旋藥榜。詹來官

應。犀。浦。芸。窗。語。罷。靈。散。龍。淵。錯。疑。容。擢。春。松。賦。傳。甄。后。欲。薦。寒。泉。
秋。菊。詩。仿。坡。仙。詞。壇。佳。話。香。火。前。因。三。秋。桂。子。九。月。蕭。辰。得。意。錦。
官。之。里。題。名。玉。女。之。津。笑。陶。家。分。酒。熟。開。蔣。徑。分。花。新。明。年。楊。柳。
棗。糕。卜。仙。李。之。成。進。士。此。日。茱。萸。蓮。餌。宛。佩。蘭。之。祀。仙。人。顧。何。以。
花。香。蜀。鏡。甫。記。郵。程。茶。話。郛。筒。竟。忘。前。語。水。難。致。於。煙。村。飲。不。數。
於。山。墅。忍。盥。足。以。淋漓。更。反。唇。而。齟。齬。自。謂。分。符。立。至。此。間。之。芥。
蒂。須。除。那。知。射。策。空。歸。仙。觀。之。桃。花。如。許。既。而。載。見。羅。邊。這。言。道。
上。因。洩。漏。分。仙。機。欠。渾。涵。分。雅。量。數。語。提。撕。百。端。惆。悵。應。悔。蓬。萊。
一。別。何。日。飄。翔。願。同。叢。菊。兩。開。經。霜。醞。釀。躬。修。林。下。還。從。杏。苑。以。

題名心戲花前記向蓮臺而供狀蓋是仙也蕊珠列侍苔玉良儔
蕭荷華志書分採杜蘭癩典籍同搜司織女登科之記兆郎君及
第之遊文思草秀功德林幽寃裳古月雲錦新秋芙蓉如城上之
多人拜靈旗殿脚菊朮本川中之產仙來女几山頭

以本事之節次為製局之波瀾有正味齋之清華兼蘭修館之

精峭蔣中甫

畫菊賦

以菊殘猶有傲霜枝為韻

一望兮淡淡濃濃紛紛郁郁芝露低搖松烟亂撲伊枯管之生花
展畫幃而對菊為高人寫照低懸屈膝圍屏任坐客傳觀笑說亂

頭粗服。墨氣千行。秋容半幅。渺矣竹籬。悠悠茅屋。茅屋分團。團菊
花。分繞。攔僧鞋。踏遍女兒。凭殘笑相逢。之落落。胡太瘦。之珊珊。維
時芙蓉院。小薛荔。牆寬衰草無色。霜華耐看。自是君身得。九秋之
冷艷。可無畫手。圖三徑之荒寒。於是步籬落。對林幽澹。容與行步
猶一番。點綴幾度勾留。有意無意之際。將開未開之秋。花栩栩其
欲活。煙蒼蒼而上浮。記取風神。搦筆三筆。如描月樣。一鈎半鈎。既
而香到十分。採富重九。綠葉林於黃花。鞠有窺來半面。香殘燭燼
之餘。繪出全身。几淨窗明之候。都道畫中詩好。分明紅袖填詞。倚
嬌林下人。稀點染。白衣送酒。或青風歌。或暮霜傲。或暗對於青琴。

或流連於烏帽。或密或疏。或顛或倒。萬朵花。搖一枝筆。掃斜斜。整
整香中之妙。相紛來。瑟瑟蕭蕭。葉底之秋聲。寫到紙闌昏黃。西風
送涼。膽瓶致古。背燈影長。明明昨夜。薄薄新霜。寒蟾寂寞。而無語
瘦蝶伶俜。以嗅香。豈畫工具有化工。一般冷澹。何神似而非形似。
四壁芬芬。是耶非耶。杜子美之吟懷。觸撥醒也。醉也。陶淵明之小
像。微茫。觀其橫空。散蕊。隨意添枝。白雨飛練。墨雲如絲。水氣花光
著而不著。生香活色。奇之又奇。擬畫竹。今文與可。同畫梅。今楊補
之。試看阿堵。傳神指點。晶屏挂處。知否空階。獨立摩挲。班管多時。

局陣縱橫。筆情情峭。蓮

少

東坡笠屐圖賦

以春在先生
杖履中為韻

玉。句。仙。人。逍。遙。海。濱。不。冠。不。履。如。繪。如。真。向。畫。圖。而。有。識。藉。笠。屐。
以。傳。神。蕉。花。荔。子。之。鄉。幾。番。消。夏。桐。帽。椶。鞋。之。致。一。幅。江。春。夫。是。
國。也。題。遍。西。湖。寄。從。南。海。摹。儂。耳。之。萍。踪。育。我。眉。之。芝。彩。接。羅。倒。
著。競。笑。山。公。飛。鳥。長。吟。錯。疑。王。宰。問。幾。處。笠。簑。煙。雨。老。我。何。堪。想。
六。朝。裙。屐。風。流。伊。人。宛。在。笠。仿。吳。天。飄。飄。欲。仙。詩。占。魚。夢。畫。倩。龍。
眠。伴。椰。瓢。而。不。俗。同。荷。蓋。以。俱。圓。點。綴。簑。衣。細。雨。斜。風。之。候。行。吟。
繁。帽。晴。雲。初。日。之。先。既。團。團。兮。笠。影。又。索。索。兮。屐。聲。游。山。不。借。擇。
地。而。行。寫。入。屏。風。謝。虬。髯。之。丰。采。踏。殘。泥。雪。證。鴻。爪。之。前。程。披。七。

尺。圖。目。空。千。古。着。幾。緬。履。足。了。一。生。假。使。笠。盟。楚。客。富。貴。毋。忘。履。
折。謝。公。勳。名。直。上。照。蓮。炬。今。魏。我。步。花。磚。今。個。儻。魁。北。宋。之。高。文。
繡。東。坡。之。小。像。定。入。凌。烟。高。閣。圖。成。而。輝。映。揮。冠。那。知。聽。雨。空。樓。
老。去。而。醉。扶。藤。杖。慨。自。赤。壁。舟。橫。烏。臺。獄。起。行。萬。里。今。塵。纓。棄。一。
官。兮。傲。癡。笑。杜。陵。戴。笠。之。狀。伴。我。吟。身。擬。阮。孚。蠟。履。之。圖。去。其。前。
齒。飄。零。此。日。空。餘。漉。酒。一。巾。歸。隱。何。年。尚。想。渡。江。隻。履。迄。今。流。傳。
粉。本。塗。寫。化。工。憶。扁。舟。於。涪。北。貌。團。扇。於。江。東。玉。帶。之。舊。遊。如。夢。
銅。琶。之。仙。曲。已。終。試。看。青。箬。香。飄。人。在。煙。波。畫。裏。記。取。蒼。苔。痕。古。
詩。傳。雲。水。光。中。

幽盤多姿。風流自寓。當於起接頃挫時。玩其用筆之妙。曉崧先生為江鄉名士。以詩賦噪聲藝林。經其指授者。往往破壁飛去。惜前福遺佚。未窺全豹。而吉羽片光。自足珍賞矣。蓮少

摺疊扇賦

舒以進自朝解卷
舒如意為韻

雲錦屏。張雪羅衣。襯奩開合。兮鏡清。簞卷舒兮。玉潤時。則風舉軒
軒涼生。陣陣摺成竹扇。珠火織以周遮。疊去花箋。與冰紈而並進。
昔者永樂紀年。高麗貢使。撒扇揚仁。琛航嚮義。袖中兮東海。攜來
殿上兮南風。薰至琢島夷之烏木。花樣新翻。仿坡老之白松。香名
有自由。是銅環競飾。寶釵紛雕。絲將銀刻。紙倩金描。一握表風。珊

珊骨瘦半規。趙日脉脉心。搖卷而懷之。謾駁蚊於蘭夕。取其便也。
記撲蝶於花朝。如風帆兮乍偃。如雨蓋兮微偏。如蕉文之細劃。如
葉格之斜連。如果老紙。驢摺巾箱而頓小。如趙家飛燕。疊裙幅以
增妍。如簾篆兮重重影。縵如瓦當兮曲曲痕。鮮則有書罷羊裘。摹
殘烏篆。握蒜腦兮紛呈。折苔鬚兮細展。紙側理兮縱橫。詩迴文而
宛轉。最好平鋪白練。夾玉板之雙行。何須斜界。朱絲寫金經之一
卷。別有扇繪桐花香。收么鳳扇。描柳葉影。戲文魚比凸凹。而覘古
隨曲折。以窗虛亦復丹青。藻耀翠墨。蕭疎疑湘中書畫之船鱗紋。
細疊助江左。燕談之柄。塵拂斜舒。豈無五明燦爛。百和吹噓。每增

華於玳瑁。徒致飾於碑礫。而是扇也。摺同雲帔。疊勝霞裾。時或收。而或放。風不疾而不徐。亦競聚頭竹葉之合符。近是曾呼使面。桃花之映帶。莫如今則圖寫朝天名標內地。蕙帶鑲珠。荷囊佩璣。金陵則冰雪爭誇。錦里則歲時並記。秋風兮團扇休捐。春月兮單衫小試。何事賦成蒲筴。和三山鷺尾之歌。有人詩寄筠筒。當千里鷺毛之意。

意新語雋。第四段尤為精妙絕倫。山白師

杏花春雨江南賦。以多少擬臺

香中。世界。畫裏。烟波。樓頭。夢醒。夜齒。聲過。雨含膏而霖霖。杏吐艷

以婀娜撫二月之韶華。媽紅不斷。問六朝之門巷。濕翠偏多。夫其
蓓蕾叢生。蕙蕤香繞。欹帽影於林端。垂簾紋於樹杪。飛飛兮燕尾
風斜。滑滑兮馬蹄春曉。開遍青楊巷口。詞客增憐。滴殘紅杏。牆頭
遊人漸少。猶憶山溫水軟。日麗風柔。花能醉蝶。樹不啼鳩。方且停
翠。藕泛銀舟十里。五里詩籌酒籌。塵紅如海。水碧於油。喚桃葉渡
旁之渡。登杏花樓外之樓。羌大江兮南下。偏微雨兮東來。絳萼如
沐。丹葩正開。零錦繡之千點。臍燕支之一堆。試看北顧。帆檣模糊。
烟靄莫話。南朝金粉。縹緲樓臺。臺上之瓊簫兮望斷。嬋娟樓中之
玉笛兮吹出。纏綿音淒。玉樹步冷。金蓮鶯聲。此地人影。當年風片。

雨絲。點點。賣花之路。酒旗歌板。濛濛飛絮之天。何處濃陰。千里兮
遙山。遙水。有人。昨夜一燈。今如霧。如烟。歌曰。生小愛江南。朝朝關
歌舞。艇子莫愁湖。波光照眉。無雙袖。可憐紅衣沾杏花。雨薄暮。唱
蕭蕭曲聲。何太苦。餘音猶裊。芳訊轉。通吹來水上。響達烟中。歌曰。
金樽檀板。唱玲瓏。六代繁華。逝水空。寄語吳儂。休懊惱。鷓鴣啼遍
館娃宮。和槽枝。而啞。軋。隔雲樹。以冥濛。指蒼茫。今北岸。付惆悵。於
東風。

淒豔感人。如聞暮雨蕭蕭之曲。原并

虹橋秋柳賦

以虹橋飛跨
水中為韻

三才
五六
菜。蔓。灣。前。繫。短。篷。蓮。花。橋。北。唱。西。風。畫。中。域。郭。多。搖。落。猶。指。園。名。
說。倚。虹。舞。滿。天。之。金。粉。垂。一。帶。之。簾。櫳。拍。遍。闌。干。祇。是。者。般。寂。寞。
歌。殘。楊。柳。可。如。前。度。玲。瓏。那。不。魂。銷。長。條。短。條。輕。籠。雁。齒。淺。露。虹。
腰。互。一。彎。之。畧。約。送。幾。處。之。歸。橈。已。覺。吟。邊。怕。聽。玉。笛。怎。禁。夢。裏。
徐。度。瓊。簫。涼。生。昨。夜。三。分。水。秋。到。揚。州。第。幾。橋。橋。邊。今。翠。黛。全。非。
橋。下。分。綠。波。不。肥。羸。馬。空。繫。寒。鴉。亂。飛。纏。綿。薄。霧。憔悴。斜。暉。玉。闌。
三。疊。金。城。十。圍。桓。大。夫。沈。吟。北。伐。庾。開。府。悵。望。南。歸。那。堪。葉。送。花。
蕭。又。載。紅。橋。之。酒。為。憶。萍。因。絮。果。曾。牽。白。袷。之。衣。昔。之。碧。玉。妙。齡。
黃。金。聲。價。張。緒。多。情。小。蠻。初。嫁。朝。朝。明。鏡。低。窺。處。處。雕。鞍。穩。跨。衣。

香人影。畫舫頻過。風片雨絲。濃陰欲化。亦復夢。冑。頰。頻。含。翠。榭。
三千宮。樣。描。成。廿。四。橋。痕。倚。罷。羌。乃。螺。黛。寒。欺。鷺。黃。夕。委。露。泣。無。
聲。烟。扶。不。起。別。酒。一。尊。隋。隄。十。里。問。翠。樓。之。樹。樹。總。不。宜。秋。刺。紅。
板。之。條。條。依。然。照。水。淒。迷。畫。鷁。舟。邊。分。付。哀。蟬。曲。裏。恨。也。奈。何。樹。
猶。如。此。况。乃。垂。柳。垂。楊。搖。波。弄。涼。籠。呼。蟋。蟀。渡。喚。鴛。鴦。青。荷。之。鏡。
黃。竹。之。箱。零。環。子。細。碎。佩。丁。當。舞。漸。袖。短。情。較。絲。長。是。詞。客。之。歸。
未。歌。棲。鳥。夜。豈。美。人。之。化。去。影。幻。虹。梁。惟。見。亭。臺。缺。處。烟。雨。叢。中。
遠。水。微。碧。斜。陽。不。紅。一。橋。南。北。兩。岸。西。東。彩。虹。曲。曲。歸。燕。怱。怱。相。
與。摩。挲。壞。柱。徒。倚。吟。筇。撫。涼。雲。兮。幾。樹。摘。冷。露。兮。一。叢。折。柳。人。稀。

可覺霜寒白雁題。槁客在應非年少青鬃。

工於寫景情致蒼涼。石曾看

揮江令。生花之筆寫庾郎枯樹之思。促節哀音令人不忍卒讀。

張月
礎

碁聲賦。以閑敲碁于
落燈花為韻

飛瀑崢嶸。樵歌往還。留連竹院。剝啄柴關。磴磴石畔。的的巖間。耳
洗箏笛。心清珮環。何秋聲兮淡遠。似碁局兮消閑。蕭蕭兮落葉之
徑。隱隱兮爛柯之山。則有桐君列座。橘叟安巢。奩開玉振。盤走珠
拋。白鶴之觀如繪。青龍之經罷鈔。松聲路曲。花韻堂坳。樓空人語。

門聽僧敲雲來而時警鳥夢雨過而泉鳴虎跑至如宣城對奕謝
野圍碁紗帽隱囊之具疎簾清簟之時嘉辰莫負下子偏遊瓶笙
烟曩鈴索風吹聲聲玉漏點點銅池折當階之旆齒驚隔院之畫
眉他若道林著書積薪畫紙憶青城兮勝遊向黃岡兮戾止竹樓
則簷溜瑤瑤花徑則水流泚泚醒枕石之園丁打琴床之松子舊
雨飄來零星思起相對論心但聞彈指別有嚮晦山家銷寒水閣
耳聽分明手談忽作三聲五聲十着八着和砧杵以宵鳴扣扉環
而月落是為婦姑之碁不減神仙之樂清清冷冷膈膈膊膊莫不
始鏗碎而不定終錯雜以相來有若粟零屋色花爆窗燈星珠細

落雪。綽。紛。騰。又。若。游。魚。唼。水。凍。雀。啣。冰。畫。欄。低。拍。響。篠。頻。登。冷。暖。
玉。屢。清。虛。谷。麈。任。萬。籟。今。俱。息。猶。兩。軍。今。爭。能。迨。至。勝。負。決。笑。言。
譁。輸。君。韞。縞。坐。我。籠。紗。縱。獨。兒。以。亂。局。情。鷲。母。而。呼。茶。南。風。不。競。
西。日。已。斜。多。多。象。戲。寂。寂。蜂。衙。惟。見。半。杆。之。破。荻。空。餘。滿。地。之。落。
花。

就司空表聖。棊聲花影一聯。推廣言之。刻意生新。秋毫獨到。如
泉。

棊聲賦

以閒敲棊子
落燈花為韻

簾。垂。蒜。小。闌。亞。檉。寧。花。飛。徑。冷。苔。古。門。闕。橫。半。灣。之。流。水。指。一。枰。

之晴山對斜暉而脉脉倚高樹而班班忽響聲兮零亂徧興趣兮
幽閒噫嘻此棊聲也碧窗翠篠清簟倚茅蟬音葉底蝶影花梢丁
丁杵臼悄悄堂坳幾多佈算似不輕拋繫雅人之風韻締高士之
石交門如何之機智乃若是之推敲或其羸虧未決黑白相持雕
險摸索方罍迷離輕拈在手小拍攢眉餘音何似傾耳聽之既鏗
訇而細碎復憲窅而遲疑不待爛柯之斧知為賭墅之棊則如度
閣茶新蕭蕭酒旨來蘭友兮情投話桐君兮色喜九斛瀛洲之珠
十幅琅玕之紙悄無言兮邀手談若有人兮停步履撫檻凝思隔
窗彈指響雖細而分明韻以清而徙倚莞爾而揣其張辛鑑然而

聞其落子。又如列坐璇閨。低垂珠箔。寶鴨噴烟。香螺罷酌。搖釧玉。而鳴。輕亂壺銅。而響。薄三更。二更一着。兩着。饒有閒情。淡然冲寞。憎鐵馬之丁冬。盼銀漢之錯落。更有曇花晚淨。霓羽秋凝。尋空岩之仙侶。訪古刹之詩僧。清磬罷擊。危欄倦憑。萬籟俱息。孤懷自登。隔石幢之深院。和鈴鐸於高層。與壁蟲以相答。鷲野鶴之飛騰。共徘徊於明月。睇閃灼於疎燈。客無聊兮。星漢斜。碁將殘兮。興未賒。聽餘聲而寒幙。未觀奕於仙家。但見玉楸。几。棊。檯。燭。窗。紗。付。歛。塵。於微笑。猶勝算之頻誇。步庭階而舒嘯兮。因池高枝之華露。踏滿地之松花。

清新俊逸。鄒小

是篇趙漁亭先生選刻律賦又新二集。按二集係漁亭先生沒後二年刻本。是否係小松公原稿。抑係傳抄之誤。姑與東湖草堂手訂一篇兩存之。注滿

賦詩臺賦

以臨江觀兵賦詩馬上為韻

魏文帝登封。寶玉受禪。泥金黃龍。畫見白雉。朝吟池鑿。天淵詠芙蓉。於采藻殿。成太極。發芝草於祥林。遂欲鯨吞吳會。馬踏江濤。吟鞭颯爽。戰壘蕭森。示觀兵權武之雄。伐鼓而東。巡臺建。追橫梨賦詩之概。憑欄則北固山。臨維黃初六年之某月也。揚舫東土。緝蓋

南邦涉淮流之浩渺。經渦水之淙瀧。龍舟十丈。鳳舸千隻。風清羽葆。霜冷牙幢。樂府黃鸞之曲。鏡歌朱鷺之腔。高臺在望。健筆誰扛。十萬軍銅鼓。金笳喧闐。邗水數百里。紅旗紫蓋。照耀鑿江。於是旄頭擁罷。盾鼻磨殘。高歌銅斗。笑倚雕鞍。大筆擅堂堂之陣。輕裘登將將之壇。金戈鐵馬。玉佩銀鸞。魚箋寫凍。獅鎧吟寒。分明海月。江風收溟北。三千之勢。指點珠簾。畫棟擁淮南。第一之觀。不見夫花。靛草。律蘭。榭崢嶸。千金造就。七寶裝成。割紅泥而築壘。磨赤石以排毫。削青琳而鋪砌。裁紫玉以雕楹。登斯臺也。南瞻鐵甕。北眺蕪城。西窺荆楚。東瞰蓬瀛。臺下兮江流。日夜臺中兮歌舞。昇平碧楹。

朱軒飛來文采紫羅斑。管擁出潮聲。
懾孫郎帳下之兵。獨是銅雀之臺。分
鞏固南巡之臺。分宛上迴環九華之臺。
於羣雄誇鳩工於百度。而此又梓匠斷
風。斷渡三分天下。徒揮逐日之戈。十
樓臺金碧。水膠失水之餘。腥照來土。
而青蓋回鑿。淮徐鎮靜。白衣搖艣。吳四
同赤壁之舟師。過瓜步。決芍陂。江東
鳳凰星散臺前之麋鹿。秋悲。又安能

袍之什。高吟黃絹之詞。敲月鐙而撫琴。得白聽。衛鉦而擊鈔。催詩
奈何不下。垂堂偏謀。獲野數十尋。翡翠窗開百二十。珍珠字寫動
搖。五嶽。踢翻鸚鵡之洲。咳唾九天。吹落鴛鴦之瓦。臺非承露。七言
淑句於柏梁。臺豈歌風一曲。臚歡於粉社。憑弔江山。抗衡騷雅。障
百川而東之固。一世之雄也。散雅音於玉座。不數年而臺有啼鳥。
留詩筆於璇題。曠千古而臺空繫馬。迄今披輿論而發皇。頌歌行
而悲壯。獨鹿青山。相羊碧浪。剩廢址兮顏垣。聞漁歌兮勝唱。大江
東去。奏銅絃鐵板。以蒼涼邗水。西來飄魏色。晉軌而蕩漾。問何處
瑤階珠榜。半消磨於黃土。隴中憶當年。玉帶銀袍。曾吟嘯於白沙。

江。上。

鋒發韻流。筆歌墨舞。律賦又新

東波仇池石賦。時以一點空明夢

昔蘇文忠以舟楫之才。著江淮之績。獲隼石於揚州。比兩峯於太
室。維時歲屈壬申。名題甲乙。穎上之西湖。詠罷詞藻。績紛袖中之
東海。携來雲根。萃律經從。粵嶺程德儒。璧贈以隼。魏作仇池。杜子
美詩傳第一。爾其玉竇嵌空。璇源瀉歛。或翠雨之微滋。或銀雲之
細染。鳳穴烟橫。龜泉霧歛。曾是青城仙子。幻成珠勝。銀階得毋白。
石神君現出。金泥玉檢。豈當日補餘天上。託古跡於蝸皇。向何年。

傳。到。人。間。賦。小。山。於。何。點。猶。憶。仙。山。歷。歷。夢。境。忽。忽。神。遊。碧。宇。身。
到。珠。宮。三。品。之。石。圓。如。璧。五。銖。之。衣。薄。經。風。十。九。泉。邊。瀛。洲。草。錄。
三。千。年。後。閨。苑。花。紅。結。大。因。緣。萬。里。之。山。川。在。望。是。何。官。府。五。雲。
之。樓。閣。凌。空。此。蓋。仇。維。山。之。福。地。小。有。洞。之。仙。域。揚。難。當。之。所。倚。
據。王。欽。臣。之。所。經。行。武。都。山。秀。滄。谷。泉。清。峰。巒。窈。窕。樓。櫓。崢。嶸。世。
外。結。鷓。鴒。之。侶。雲。中。聞。鷄。犬。之。聲。別。來。百。頃。池。邊。舊。遊。冷。落。記。取。
三。生。石。上。此。境。分。明。不。見。乎。荇。藻。凌。虛。葛。蒲。補。空。置。以。銅。盆。珍。如。
寶。甕。文。登。之。螺。石。紛。鋪。淮。泗。之。蠙。珠。并。貢。借。雪。浪。以。逍。遙。與。風。林。
而。伯。仲。種。芝。草。於。瓊。田。迷。桃。花。於。玉。洞。豈。遠。接。三。茅。地。肺。丹。壑。怡。

情如卧遊。兩華峰頭白雲入夢。宜乎王晉卿有借觀之句。錢穆父有次韻之詩。巧偷豪奪。興往情移。公乃仿研山而易宅。先海嶽以題碑。比道士之籠鶴。更為珍重。換將軍之畫馬。尤覺瑰奇。而究之畫圖。難得交易。無期趙璧。難全劫秦城。於此日仇石。可往歸蜀道。分何時泊乎。一官海嶠。萬里蠻鄉。蕉花苦霧。榕樹斜陽。而此石也。想亦嵐薰瘴洗。水遠山長。比西陵之宦迹。充南粵之歸裝。瀛海天風。輕舟搖蕩。洞天泉石。懷袖蒼涼。紅樹白雲。莫訪仙源。於阮肇赤松黃石。請留後約。於張良。客有獨鹿平山。相羊邗水。風月關心。烟雲彈指。訪法書於北宋。字傳怪石山中。留佳話於東坡。詩記上方。

寺裏慨手澤之無多。贖口碑之可紀。憶昔百金欲買。九華之惆悵。何如。共聞片石流傳。兩朶之玲瓏。近是。

神超形越。風格天成。趙漁

返魂梅賦

月下環佩空歸
魂馬韻

雪老空山。春風乍還。重圓竹夢。一笑花顏。香返魂於芝舍。梅弄影於松關。劫換紅羊。吹昨宵之銅燧。聲啾翠鳥。銜前度之金環。夫其鐵幹寒侵。瑤英冷耐。情脈脈以無言。媚亭亭而作態。冬青樹古。南渡曾經。萼綠華來。西湖雅愛。洗冰魂於何處。玉宇瓊樓。描月魄於空中。風裳水佩。當昔根摧窗北。葉禿樓東。荒苔蝕蟻。古菌穿蟲。莫

不。帛。綠。珠。於。金。谷。萎。紫。玉。於。烟。中。笛。怨。孤。生。之。竹。琴。悲。半。死。之。桐。
竟。如。黃。鶴。飛。來。是。真。解。脫。安。得。采。鸞。轉。世。作。大。神。通。對。此。梅。而。目。
斷。賦。老。樹。之。心。空。胡。一。夕。之。生。機。更。多。年。以。吐。菲。天。荒。地。老。綠。瘦。
紅。肥。神。則。栩栩。欲。活。魂。則。飄。飄。不。飛。林。處。士。孤。吟。料。峭。李。夫。人。重。
見。依。稀。白。石。三。生。菩。薩。低。眉。無。恙。青。山。一。別。故。人。回。首。全。非。玉。箫。
聯。再。世。之。緣。蘭。閨。舊。約。鐵。笛。降。半。空。之。樂。華。表。未。歸。則。見。梅。意。昭。
蘇。花。光。發。越。碧。玉。迴。身。金。丹。換。骨。烟。拖。影。而。徘徊。霧。濃。香。而。飄。忽。
孤。雲。落。落。憐。去。日。之。綃。衣。一。水。盈。盈。渡。凌。波。之。羅。襪。怪。底。別。來。消。
瘦。卅。載。清。霜。依。然。修。到。團。圓。二。分。明。月。於。是。更。訪。林。於。還。依。蘭。若。

小池平。殘奴之。仄。新雨續。銷寒之。社。香火緣。深冰霜句。雅春首。初
聞冬心。欲寫為憶。東君一去。渺渺何之。恰當西子。重逢珊珊。未也
賸有零環。碎佩舞縞。袂於簾前。那堪換羽。移宮唱紅羅。於亭下。光
陰桑海。風景桃源。供冰壺而濯魄。照水鏡而啟痕。看幾番竹影。花
枝仙乎。輒喚問一段。蘭因絮果。佛也難言。想從天上。歸來乞得。蟾
蜍之壽。莫是夢中。相見依然。蚨蝶之魂。

刻翠剪紅。時有佳話。趙漁

螢苑賦以秋風放
螢苑為韻

試望平時。遙連玉鈎。烏燈夜集。燐火宵游。環與鈎兮。委塵土。羅與

綺兮。嗚。暮。秋。客。告。余。曰。此。隋。之。螢。苑。也。不。見。乎。香。光。熠。燿。冷。燭。沈。
浮。草。際。飛。來。往。日。翠。華。之。路。林。間。照。去。富。年。金。粉。之。樓。邗。江。西。繞。
汴。水。東。流。瓊。花。古。觀。玉。樹。荒。邱。依。雕。輦。以。晶。瑩。曾。煥。六。朝。秀。色。聚。
彩。囊。而。隱。約。早。儲。十。斛。閒。愁。憶。昔。大。業。之。末。錦。帆。舞。燕。綺。閣。垂。虹。
楊。柳。之。隄。跨。水。芙。蓉。之。苑。臨。空。廿。四。橋。頭。鳳。凰。箭。管。三。千。殿。脚。鸞。
鵲。簾。櫳。瑤。島。以。黃。金。縷。砌。瓊。寮。以。紫。玉。雕。宮。亦。復。樓。臺。倚。徧。粉。黛。
歡。窮。乃。至。張。皇。夕。藻。搜。索。寒。叢。散。彩。螢。于。苑。北。縱。丹。鳥。于。岩。東。銅。
槃。奪。翠。寶。炬。分。紅。天。真。不。夜。臺。欲。凌。風。燭。耀。兮。若。天。女。攀。星。於。網。
戶。熒。煌。兮。如。姮。娥。納。月。於。紗。籠。續。紛。兮。如。河。伯。呈。珠。於。階。下。璫。璨。

今如波臣碎壁於庭中。裝成錦繡山川千般的。樂。聽見蓬萊宮闕。五色玲瓏。於是珥蓋頻來。開簾競放。蜻蜓點水以斜飛。蛺蝶穿花而低颺。誤火。有之。華燈混珠。璣之彩仗。空翡翠之欄干。失琉璃之屏障。雨濕。還明。烟開。忽亮。乍繚繞于檐端。俄紛紜於沼上。則有年年鵲渚。祝好景。今長留夜夜。羊車。懸芳菲。今永望輕兜。納扇。瑤臺之明月。團團。亂點。羅衣。玉殿之涼風。蕩漾。亦且樂盡愁來。情深意喪。步闌苑。以遲遲。撲流螢而悵悵。徘徊於鏡檻。瑟瑟。窗轉側於蘭幃。蕙帳。況今者。迷樓。委樹。隋苑。飄萍。宮槐。慘綠。野草。繁青。鈿蟬。今寂寞。金雁。今凋零。板渚。無波。今秋。瑟瑟。雷塘。有墓。今烟。冥冥。敗瓦。多。

多年滿地鴛鴦亂舞歌臺何處五更蟋蟀恁聽惟剝茫茫廢址閃
閃寒螢紅橋古道黑夜明星豈伊絳殿宮人地下之寶釵幻化為
問錦衣使者生前之華屋曾經縱教碧恨難銷莫返香魂於桂寢
若果青燐不散未尋舊夢於松亭嗟嗟僕已飄零秋逾悽婉感年
華於杜老螢案愁紫塊筆藻兮韓公螢窗坐穩當此秋墳鬼唱落
葉蕭蕭古井鷓啼垂楊晚晚南朝之宮殿遠迷北里之烟花瘦損
能不聆邗水以魂銷眺蕪城而恨遠乃為之歌曰金風起兮鷓臺
壁月荒兮螢苑訪景華宮之顏垣兮步桃花岡之層巘願秉燭以
來遊兮嗟流光而不返亂顏色於青袍兮空枯榮於紫莞君曾見

腐草之餘輝兮永結芳菲於歲晚。

音節蒼涼神與古會鄒小類

律賦又新初集三篇此篇錄自二集合前某聲賦共五篇高注

楓葉吳江冷賦以霜葉紅於二月花為韻

木葉脫兮秋風涼我所思兮天一方乃在烟波之窟雲水之鄉弄

吳江之水調泊楓橋之野航半夜鐘聲烏啼落月滿天詩意漁火

新霜夫其楓岸青凋楓濱翠疊木瀆潮通松江路接曾停石徑之

車憤繫洞庭之楫分寶帶橋邊之水愁煞鴛鴦逐錦帆溼外之波

化為蝴蝶谷則燦若萬花萬花谷即吾谷楓葉最可觀舟是飄然一葉昔之

千樹萬樹十叢五叢。闌遮門鴨。亭陰垂虹。固已時過。送春節後涼。
生銷夏灣中。唱一曲。分吳娘。蕭蕭暮雨。悵歸舟。於越客。娟娟秋風。
帶橘柚之寒。碧倚芙蓉之晚。紅芙蓉落。今江寒初。橘柚凋。今江影。
虛幾番。搖曳一味蕭疎。但見白雲深處。紅日描餘。冷雁激湘。絃之。
譜。剖魚題錦字之書。那不華亭。淒惻林屋。歛。遂。萍風而已矣。吹。
蘆雪以相於。則有陸魯生之舟橫。張志和之榜繫。細雨斜風。洞天。
福地。楓香。笠澤之艘。楓火。寒山之寺。滿船紅葉。載得秋聲。一盞碧。
蘿。添些涼意。冷到太湖。幾頃三萬六千。吹來吳國。諸峯七十有二。
別有五湖。蝦菜。范蠡風高千里。鱸莖。李膺興發。眺縹緲之峯。巖過。

閨。閣。之。城。闕。指。吾。谷。兮。飄。飄。憶。君。山。兮。恍。惚。最。是。橙。黃。橘。綠。一。年。
之。好。景。逢。秋。那。堪。葉。赤。林。丹。昨。夜。之。江。聲。侵。月。况。乃。懷。人。江。上。送。
客。天。涯。冷。青。衫。於。蓑。笠。悽。紅。袖。於。琵琶。當。此。楓。林。響。答。楓。葉。愁。遮。
聲。乾。走。鹿。夢。醒。啼。鴉。為。之。中。蘇。臺。之。楊。柳。悵。遠。岸。之。蒹。葭。便。放。流。
出。胭脂。染。越。女。溪。邊。之。水。爭。似。烘。開。錦。繡。艷。吳。王。宮。裏。之。花。

此與哭紀內弟哀文同在公手錄稿本中。按年當在辛卯。公年

三十二歲。時館儀徵。

注焉

松承堂詩文稿

秦州程祥棟著

詩

秦淮雜詩十六首和王二波韻

驚簫吹穩玉參差。又向青溪唱柳枝。修到團圓樂。明月夜。夜深同拜

麗華祠

柳絮才工陋撒鹽。曉風珍重臂寒添。當時才女分明記。水閣西頭

半卷簾

素蘭校書舊居丁字簾前

扇影釵痕落日斜。背人彈淚碧窗紗。斷腸欲訪朝雲墓。萬里蠻天

飛鬢華

素蘭後歸金閨潘某攜之宦遊為大婦所苦歿於廣南

公承堂

詩

一曲金杯日易曛。消磨玉屑與珠塵。桃花門巷運花步。猶話東陽。

姓沈人。

沈芷橋文。譙王朝霞女。伶席上。仿鐵崖。故素以金蓮杯行酒。朝霞今已老大矣。

王令新歡桃葉曲。李妹妝束藕花節。後堂絲竹彭宣聽。紗幔如烟。

拜小君。

王菊泉夫子。煥屋武。定橋南。以居李小菴。

暮雲涼雨冶城游。吹笛青山趙倚樓。倚畫麒麟妝閣裏。一時紅粉。

願封侯。

吳江趙良甫。

定子當筵綠蠟傾。魂銷三別秣陵城。雲英十載重相見。莫道羅橫。

舊姓名。

張文蘭前在揚州。負盛名。曾一見之。

金雁鈿蟬久忘寥。籠餘鸚武說無聊。青衫我亦無多淚。燈火樓臺。

怕見招。

除却銀蟾總不知。鴛衾曾譜憶紅詞。傷心一種秦淮水。但向秋來。

照鬢絲。

紅杏詞填玉樣清。先生于廷吹箭惆悵董雙成。董繡琴昨於秦淮詠

美。那堪重過琵琶巷。三徑秋花憶蔣卿。壬午秋良甫炎

孔雀寺前扶玉杖。鳳凰臺上憶瓊簫。江南諸老風流甚。細雨青燈。

話六朝。壬午秋陳小雲同馬未白下。宴集大江南北名士。於秦淮水榭。如趙琴士。文王柳村。文皆一時老宿。

才華未可斗升量。蔣詡談曹唐韻各擅長。總是美人香草恨。一如。

菊秀一蘭芳。

吳

憐

淚

豔

到

買

滿

綺

與

舊酒徒。

晉陵紅樹記題詩。一棹名山訪戴逵。惆悵月明沽酒夜。樣舟亭外立多時。

卜鄰無計共烟蘿。馬背船脣感慨多。有約他年煩料理。買田陽羨老東坡。

別來湖水又湖烟。一寸愁心滿紙箋。珍重天寒修竹暮。也應清似在山泉。

呈天長令傅少崖夫子

甘棠接壤入歌謳。匹馬今為百里游。驛路紆回新泗水。亂山高下

古揚州。傳家霖雨經綸在。繞郭秋風。灑徑收。循吏儒林看合傳。御
屏他日記鴻猷。

昨聞官閣早梅開。花裏尋師負笈來。愧我不乘龍化去看人新宴。
鹿鳴回夢醒天上。三條燭。秋老江東。一秀才。安得身為清獻鶴朝。
朝飛繞讀書臺。

名字難登選佛場。年年底事踏槐忙。東坡豈必知方叔。北海曾蒙
薦。孝章馬帳無緣頻倚傍。龍門題語。魁淒涼。玲瓏小字分明記。
木心肝古錦囊。

論文早契朱公叔。作賦曾邀白樂天。
朱紅舫白小不信科名闕福

命。又從夫子訂姻緣。二分月冷泥金帖。三十年歌寶劍篇。廉吏家
風貧不諱。此來端可慰青氈。

贈毘陵余瑞卿

輸君馬帳列彭宣。老我韓門愧浪仙。萬里無緣投筆去。一燈分夢
對牀眠。相看意氣應誰健。不話科名早自憐。為語莊生無恙否。秋
風還憶晉陵船。

大儀鎮旅壁題句

指點新王舊戰場。幾家茅屋大儀鄉。騎驢湖上應追悔。老鶴河邊
竟不防。國士何嘗知地險。天人生長在戎行。我來空抱蒼桑感。何

處潮聲送夕陽。

贈王二波騎尉

大觀禮與妙高臺。管領名山錦繡堆。水部花將開閣待。參軍詩早渡江來。地原無事資防險。天與多情酷愛才。十隊寶刀春結客。東園明月做金罍。

話舊筵前奉宿尊。紛紛教授感師門。曹主誦甫先生今為大樹將

軍客。又見梅花宰相孫。君為明大學士文孫詩卷高於青玉案。臣心

清到白沙村。我來欲乞修簫譜。令弟叔梅著惆悵西堂剪燭論。

蘆花吹絮滿船頭。記得秋江一片秋。軟水濕山辭建業。曉風殘月

過真州濛濛城郭烟中。路獵獵旌旗畫裏樓。欲語當時懷抱在。沈吟幾度看吳鉤。

瓊樓玉宇又西風。夢裡高寒畚碧空。秋老吳船人別後。良甫淡潮生軍鼓。月明中。曾聞裴迪交摩詰。拚托周瑜譏阿蒙。未碍牙旗通一刺。秀才真箇號江東。

歲暮

實島祭詩或習例。東坡餽歲益愴神。荒荒風雪龍山道。如此江山幾故人。

酒痕分詠得十四鹽

憶向春風醉碧帘。酒痕狼藉唾花黏。淋漓想見歌筵滴。浙染還如
細雨沾。宮錦披殘香漠漠。青衫清透夜厭厭。銷魂更有金閨怨。紅
點鮫綃別淚添。

呈儲漁溪先生

直從上界駐高寒。如此名山放眼看。六井新修唐李泌。一官分佐
漢桓寬。燈檠却惜書生味。詩筆能雄老将壇。頗憶東南傳盛事。會
稽竹箭盡琅玕。

落拓鄉關一少年。空齋寒守舊時壇。分無孟老愁窮句。敢讀韓公
薦士篇。本為西湖來此地。却煩東道費官錢。信陵榻與平原酒。好

結孤山十日緣

官燭談詩夜寂寥。郎君風格故清超。特留秋水三年駕。同看錢塘八月潮。不定歸舟阻風雨。愧無健筆寫嵯峨。新詞誰似儲華谷。老鳳聲清徹九霄。

門高小友許追攀。位置蘇公白傅間。一片冰心龍井似。十年官况馬曹間。蒼松古誼推前輩。紅豆新詞憶舊山。吳下阿蒙重問訊。酒闌倘許話鄉關。

八月二日偕友梅泛舟湖上。按友梅備漁溪子也。見觀心室詩存。

友梅本是淮海士。自住杭州十年矣。讀書以外飽看山。不識人間

有塵市。頗謂前身金粟身。吸盡西湖一湖水。昨宵見我擊舟來。知
我愛山入骨髓。畫船搖出湧金門。瑟瑟涼波澄見底。櫓聲如雁秋
陰中。蓮葉蓮花清若此。望湖樓記重標題。不是東坡舊遊地。孤山
之鶴如鷄囚。亦失逋仙放鶴意。可憐處士盜靈聲。更有達官貪廩
仕。封田不治封禪書。蘇柳林梅空要捩。風流不見山中人。七百年
未如夢耳。嗟君與我此時情。憑眺蒼茫亦徒爾。魂夢牽人二十秋。
鄉關去此一千里。得見西湖又見君。此會吾生復有幾。作詩聊記
雪泥痕。莫作區區刻舟比。不然圖取越王山。畫我兩人水雲裏。

次日復與金讓水諸子良遊湖上

妙絕烟波一畫船。

特所租湖舫。烟波畫船額。

雨絲風片鎮流連。湖邊水作銷

魂色。客裡秋如病酒天。高論尚留公等在。菲才已覺俗情捐。何當

小築梅花屋。日對青山擘錦箋。

按王嘉福二波軒詞選有喜晤子述茂才賦贈兼呈令舅氏諸子

良詞

贈金讓水

填詞雖小技。善寫無聲詩。所以雄杰士。樂此毋不疲。豪蘇與賸柳。

各自分鑣馳。譬彼西子湖。淡濃兼清奇。陰晴明晦間。觀者自得之。

君能體此意。設語無定規。詞出不得已。抑鬱千愁悲。要其感慨處。

豈藉浮華為。聞君奏古調。騷雅吾其師。

友梅屢約游山雨阻未果作此東子述讓水子良

千里西風一葉舟。尋山次第到杭州。四時佳日偏逢雨。百種商聲只助秋。酒醒江關思往事。詩成燈火話高樓。定知更上孤山路。空翠冥濛淡不收。

同友梅遊吳山作

石徑何愁苔蘚封。春愁佳日躡雲蹤。閒招淮海無雙士。同上吳山第一峯。頑石飛來堪坐雨。寒潮吹過忽聞鐘。浮嵐暖翠憑誰謝。黃鶴仙人畫裏逢。

讓水子述同至大洞經閣

二子翩然兩矚鶴。接翅湖邊同飲啄。尋秋導我山中行。曲折幽奇得邱壑。谿谷地穴開龍宮。上有仙人風經閣。老僧對客本無言。大意西來在寂寞。登樓鐘磬飛斜陽。人語高寒散寥廓。南渡遺宮不可尋。無數雲天滂胃魄。大江前橫秋日晴。一氣青蒼抱城郭。隔岸人家住越山。指點炊煙莽籬落。風波如此江山船。幾輩蕭蕭閒穩棹。托諸君家近好湖山。何不飛來此處樂。嗟予夙契烟霞心。身世煩憂遭束縛。歸思勇邁越江潮。名說壯遊寶飄泊。記取吳山第一峯。此時此景兩空濶。作詩笑語儲文卿。昨日之遊尚稽顙。

題讓水聞秋草堂詞後

君言蕭瑟我言愁。冷雁哀猿語不休。壯日詞華非本志。虛堂燈火
又深秋。頽心欲覓千年醉。奇想空思五嶽游。莫奏大江東去曲。怒
濤嗚咽古今流。

瑞石洞

何年一片石。飛下百重山。幻作星辰色。孤懸洞壑間。舉頭鐘乳滴。
捫手碧苔斑。指點丁仙閣。蒼茫鶴未還。

大觀台

山迴雲起處。忽擁大觀臺。蒼莽凌虛氣。飄零作賦才。峯高宜立馬。
花放適銜杯。漸有遊人跡。紛紛折桂來。

半閒堂

亂山高下徑微茫。殘月分明照上方。蟋蟀聲中披路出。無人指點半閒堂。

偕姚賓門李子鶴吳子林鄭少怡寶城看菊

買得蜻蜓泛水涯。寶城西指玉鈎斜。千年宮闕迷荒草。十里膏腴遍菊花。茅屋秋深人。中酒鬢絲風起客思家。歸途擬訪雷塘墓。隱逸垂楊噪暮鴉。

宿鄧溥泉書齋

如此繁華地。君懷水樣清。匡牀餘布被。酒國有長城。東閣藏書處。

西窗剪燭情。虛堂愁不寐。倚柱聽秋聲。

偕宮小山鄧溥泉飲香榭軒

如此光陰客路中。菊花天氣太匆匆。與君生長江南地。誤負秋來
兩手空。

湖上芙蓉

夕陽紅處好樓臺。十里芙蓉水上栽。無限江南搖落感。晚香猶得
拒霜開。

將之皖江留別同學

邗上回車幾日閒。又攜書劍出柴關。去沽鐵甕城邊酒。飽看金陵

雪後山。客路頗愁年景遠。江程初報水聲潺。故人若問東歸信。開到梅花鶴自還。

東銅陵同學

風色匆匆渡水濱。畧憑梅蕊寄新春。相逢莫話科名記。大半秋風失意人。

荒城草沒舊書臺。斷碣頽垣冒綠苔。我是中郎門下士。每過此地一徘徊。

呈胡敬溪夫子

白髮關心祖述鞭。師門高誼倩誰傳。十年夢寐橫經地。千里風帆

載酒船。弟子頻來仍皂帽。先生老去尚青氈。五陵同學妹堪羨。日
坐春風几杖前。謂章偉
儒同學

偶然

偶然吹笛過揚州。一刺無名肯濫投。人笑灌夫徒罵座。自慣宋玉
慣悲秋。涼天縹緲懷征雁。烟水蒼茫狎野鷗。為投山僧多置酒。未
朝江上木蘭舟。

夜泊瓜洲

一燈寒燭照孤眠。畫角聲中夜似年。為語篙師休懊惱。此生屢坐
阻風船。

無題

翠袖空山暮。青衫落第歸。相逢不相識。何事淚沾衣。

龍潭拜史松垞先生遷即寄小松吳中

未曾相見已憐才。卧病匡牀望我來。得計違經三月久。撫棺慘動
一家哀。徒悲壚畔山河渺。怎及生前杖履陪。信宿空堂燈燄碧。猶
疑魂魄返林隈。

六十年華兩鬢霜。南船北馬弔斜陽。活人慣用延齡藥。防己偏無
續命湯。生在高門輕貴胄。死留旅櫬寄窮鄉。天涯有子歸來否。飄
泊關山雨雪忙。

回首當年握別情。窮愁不肯訴分明。

按原稿初係身世蒼茫念別情當年愁緒我分明今從改

作之六棺未葬悲陳振。五嶽難遊累向平。白雪盈頭終古恨。青山

埋骨舊時盟。升堂痛哭未何暮。應識人間范巨卿。

遊子天涯強自珍。思家莫更淚沾巾。吹簫乞食英雄事。努力加餐
羈旅身。愧我蕭條無贈賄。憐君清瘦飽風塵。西華葛帔寒如此。可
有當途念舊人。

棲霞

馬頭雲起最高峰。臺嶂層巒遍古松。怪底前宵清不寐。五更寒報
隔山鐘。

石城橋

五更短夢欲魂銷。城上烏啼報早潮。昨夜孤舟何處宿。晚風殘月

石城橋

江行雜詠

清晨發白下。薄暮凌三山。三山渺何許。鼎峙層雲間。遠岫攢絕壁。
澄波抱清灣。一鳥下投處。返照明煙鬟。擲燭古松下。石磴雜躋攀。
小謝逝千載。謫仙去不還。古來賢達士。流恨泉潺潺。君看此山色。
憔悴無容顏。

蟾光照牛渚。萬里天無塵。澄江淨如練。此語殊清新。一波一明月。

風起波鱗鱗。回頭望采石。恍惚樓中人。錦袍與玉帶。遊戲人間春。
一醉百憂散。萬事風中輪。青山使埋我。達者無酸辛。騎鯨渺何許。
夜夜荒江濱。

太真出世晚。自許第一流。燃犀亦多事。燭照恣窮搜。幽明既異路。
人畜胡相讐。譬如一世上。謫詐藏陰謀。白日挺光怪。杯酒橫戈矛。
此心若明鏡。疲照且復休。况乃江海大。闊跡龍宮幽。天吳與河伯。
各自求其儔。顧非太陽力。安能窮九州。不如聽所適。浩蕩忘沙鷗。
夜深百靈出。踏浪還來遊。

兩峰峙江中。天門屹相向。長江萬里風。到此東波浪。急峽迴盤渦。

分列城廓狀。稅舟入其間。一落勢千丈。緬維割據年。管鑰白門壯。
黃旗歸洛陽。鐵鎖斷江上。樓船破空來。所至絕阻障。在德不在險。
此語古豈妄。可憐雙岷岷。歷過幾霸王。我來十月交。水落異春漲。
時清盜賊稀。聊以作屏障。畫角吹嚴霜。一身自搖蕩。

東劉穀生

出沒危機浪裏顛。皖公山色自年年。故人倚門重來意。下第情懷
上水船。

謁外祖皖城山館

二十餘年別。今來視起居。長途三往返。掩袂一歡歎。鎖碎談家事。

艱難慰客逢。回頭少時樣。訝我貌清癯。

回顧青衫色。心憐范叔寒。全家未慰藉。一第愧艱難。贈答渾如夢。杯盤不忍餐。依依諸舅氏。握手話團圓。

骨肉今餘幾。能無詐積愁。衣非慈母線。人老寓公樓。遠道未何暮。空山望遍秋。去年當此際。相訪遍南州。

見公如見母。聊且慰遲遊。老淚今宵盡。燈花昨夜多。但未親杖履。何敢怨風波。自顧無長策。吟身苦病魔。

東坡生日寄康瑞伯

桐帽。棕鞋。與世殊。空山來往步崎嶇。尋常行路誰相識。竊比蘇家。

笠履圖

滿山猿鶴怨松蘿。此夜君家例嘯歌。憶否故人天際去。一杯江水祝東坡。

二十九初度呈外祖并寄仁山舅氏粵東

飄泊人間廿九年。耆耆初度更淒然。外家笑說生初事。旅館偏憐歲暮天。江上懷人澆綠酒。山中留客話青氈。當時逢矢桑弧意。詎望消磨七寶鞭。

年光一半付舟車。萬種悲歡見面初。燈下有時談往事。天涯何處夢吾廬。徒教游子嗟行路。那復慈親悵倚闌。聞道江南秋放榜。白

頭。苦。望。遠。來。書。

髫年侍母事。堪哀凝介室。中。數舉杯。展轉忽成千古恨。飄零今剩
一人來。不堪回首思。梧。栳。別有傷心訴。夜臺深愧六州難。鑄錯他
年出處望公裁。

相思難遣渭場情。襤褸從來未識荆。人道何郎爭似。舅公為謝。傳
合憐甥。一官遙海梅花瘴。萬里今宵木葉聲。寒盡春來鄉思起。早
傳書札到江城。

迎江寺

縱目迎江寺。驚心下水船。山川閒倚檻。雨雪阻歸田。欲洗風塵色。

來參智慧禪。雲察梅蕊碧。春事過殘年。

古刹夢重訪。憑欄聽水聲。如何高處立。不似向來情。過客成今古。

山僧老送迎。故人詩滿壁。宿草墓頭生。壁間有李少白題句

歲暮懷人

髯翁壽者相。嬉笑純天真。五十而孺慕。萊彩娛其親。冲襟淡流水。

韻語祛浮塵。不見叔度久。歲月如奔輪。湯梅庵

對山卓天骨。夙擅雕龍才。手持修月斧。七寶嵌樓臺。肉眼不相識。

目為錦繡堆。雲裾與霞佩。玉立空塵埃。康瑞伯

孤梅飽霜雪。不受春風憐。以此仿君格。傲骨窮弥堅。作詩近萬首。

囊無青銅錢。北風昨夜起。寒到空山甌。細少

君材妙天下。擬此七尺身。拔萃得高第。何補當年貧。不幸因鄉曲。

眾口稱詩人。三冬足文史。醞釀新詩新。香齋

讀外祖復安詩稿

示我由山作。携來子細看。一燈塵味少。滿屋水聲潺。松菊開三徑。
風雲罷一官。生平多宦海。老去漸平安。

十年三過嶺。來往閱風霜。應慣虞翻淚。曾無陸賈裝。人皆知傲骨。
身不赴名場。頭白空山裏。終朝著作忙。

一指巖

空明雪竇淨無塵。微笑拈花一指春。徹夜同參歡喜佛。當年曾現
軍官身。湯休還俗嗟遲暮。實島工事託隱淪。往事頗聞鄉老說。如
何遺廟尚城闈。

唐永山謁山兩葛氏夜話

全家苦望我登瀛。通榜傳來喜欲驚。不道劉蕡仍下第。翻疑張祿
已更名。弟兄同姓非奇事。甥舅關心亦至情。往事回思堪洒淚。累
君辛苦坐天明。

登大龍山

琵琶和曲銷金帳。風雪催租避債台。何似大龍山上望。滿江帆影

破空來。

皖江即事

翠羽明璫洛水濱。由來蘇小是鄉親。門前山色添新黛。鏡裏眉痕入早春。倚竹。祗應愁日暮。落梅何事溷風塵。予情久化沾泥絮。還為琵琶一滄神。

和外祖舊作井陘道中原韻

天迴斗柄歲將終。悶坐愁看燭淚紅。為有白頭人在座。天涯不敢訴飄蓬。

題江上酒樓

天涯與盡鶴鷗裘。猶憶當年舊酒樓。淒浙一聲鴻北向。消磨千載
水東流。杯未莫問人間事。春到方知客裏愁。坐對江帆風葉葉。可
能吹我下揚州。

舟中夜坐

莽莽江天雪片嚴。何人冒冷府中趨。五更鼓角三長吏。萬頃烟波
一釣徒。天外雲峯來迅速。醉餘城郭望模糊。尋思無處還山樂。日
對梨花白玉壺。

登縱陽白鶴峯

馬看千山雪。來登百尺峯。草間新得路。樹杪忽聞鐘。樓影高寒瀉。

潮聲水石春。臨風思漢武。牢落莽遺踪。

萬折與千迴。長江繞郭來。蒼茫飛鳥路。指點射蛟臺。示勇誇餘技。求仙枉大才。至今嗚咽水。吊古激清哀。

誦院何年闢。文昌拜六星。儲才關國計。求福到山靈。士識都如此。人言更不聽。寄聲賢令尹。鐘鼓在公庭。

小邑千家縣。荒山一帶園。曲欄雲轉側。歸路雪霏微。江介漁人夥。天涯酒伴稀。山僧不相識。煮茗話依依。

曉過大通

一枝柔櫓劃江開。人對春風綠玉杯。笑指東南雲起處。亂峯青送

九華來。

荻港觀燈

千門列炬散春星。曼衍魚龍舞不停。絃管未終吾欲去。空江還對一燈青。

魯港江上喜晤章愚谷即送之北上

銅官山下別經年。意外相逢合有緣。曉霧乘歸漁父艇。春風報到孝廉船。匆匆笑語旋吹斷。莽莽關河又自憐。遠道加餐須努力。故人翹望大羅天。

蕪湖感事

身作木居士。心師秦大夫。當關蹲虎豹。握算較錙銖。生計千家仰。泉源萬壑趨。慨然思請命。天地一窮儒。

推舟原有例。飛檻豈能過。囊橐何年飽。樓臺徹夜歌。吳娃酣粉黛。楚客滯烟波。米價江東貴。傳聞十倍多。

贈毘陵吳步蟾邂逅蕪陰

感興千里雪中程。不負斯遊快識荆。片刻風帆聊對語。廿年親串乍知名。逢窮日暮逢君晚。月落潮平送我行。聞道晉陵山色好。有田何事滯歸耕。

歸舟阻滯游滁不果却寄高麓庵刺史

當年走馬清流關。紅衫烏笠車斑斑。看盡千峯萬峯雪。歸來魂夢
游其間。昨夜東風轉幽谷。梅花繞壑森迴環。刺史高君舊鄉里。邇
來管領瑯琊山。我欲從之拾瑤草。作書遠報孤舟還。十幅蒲帆不
得下。石尤風起波瀾瀾。身在江南望江北。舊游咫尺難重攀。生平
作事半如此。天工有意嗚愚頑。轉憶公餘定清曠。琴牀花暖春風
閑。喜雨亭前一登眺。歸呵畫筆捫烟鬟。此時倘肯念游子。圖成速
寄金陵灣。

金陵感舊

樓臺指點樹層層。愁倚蓬窗百感增。修竹天寒人不見。一帆風雪

下金陵。

紋凍玻璃酒不濕。玉簫聲裏劇銷魂。臨江檢點青衫淚。三度秋風
白下門。

夜泊燕子磯懷史小松龍潭

金陵山色鬱嵯峨。鈴語聲聲戒渡河。何處磯頭飛燕子。古來篙眼
積蜂窠。三更畫角空江暮。萬弩靈濤上界過。行路如公歸去好。輸
君高唱定風波。

真州謁文信國祠

試讀當年正氣歌。至今魂魄壯山河。狀元榜上如公少。丞相祠前

過客多。諸道兵戈甘跋涉。半生羅綺久消磨。鑿江舊是經行處。春
雨殘碑。買碧蘿。

五更行真州道上

五更顛倒看衣裳。殘醉初醒又束裝。地上月光驚鵲夢。烟中鈴語
辨驃綱。絲楊城廓前途酒。紅豆江關昨夜霜。遠水濛濛山漠漠。故

人何處讀書堂。時常繼香館城南
唐蔚伯館朴樹灣

高南卿過訪寓齋話舊

西風同避庾公塵。彈指聲中轉綠蘋。未便樽前談速變。頗聞別後
各征輪。鷗盟好訂他年約。龍性相看近日馴。問訊子雲揚湘於無

恙否。春時載酒更何人。

題家書後

歸裝將啣又行裝。咫尺家山路渺茫。總是飢寒驅我去。如斯光景
為誰忙。豪情漸向青鬢老。客况難禁白晝長。遙憶藤東書屋裏。白
頭猶望早還鄉。

喜晤田少泉康瑞伯揚州

故人無恙舊歡顏。細雨春燈話故山。客邸相逢三友益。我行不見
一人還。山川靈秀才偏少。風浪奔騰客自閒。久別清寒詩酒會。近
來好句欲窺斑。

迎曙軒呈主人趙漢南含章昆季

萬松青擁讀書臺。霧牖雲窗向日開。得氣自傷同小草。蓬來猶得見殘梅。身圍國史三千卷。心冷繁華一寸灰。有約故人須早到。春筍留待款深杯。肆竹

指點來時境渺茫。揚州西去鬱蒼蒼。四圍山翠低平野。一路松風到此堂。老我年華棲絳帳。有人家學世青箱。謂王鄴侯書架陳蕃榻。領畧高風歲月長。

昨年匡叔此棲蓬。繞柱來尋壁上詩。到此相逢皆舊識。恰於何處訂新知。花開芳榭延賓處。鳥喚斜陽下學時。雨晦風濤同努力。期

君不獨在文詞。

十年詞賦老江關。春水生時鳥倦還。此地豈惟三宿戀。長宵肯放一燈閒。蟲魚註釋權高閣。猿鶴飄零怨故山。爭似趙家賢伯仲。往來詩酒白雲間。

真州訪常繼香不值

漠漠春寒裏。皚皚白沙江。上繫蘭舟。禰衡到處空投刺。司馬年來亦倦游。舊港梅花難踐約。之時趙君舍章有觀梅津宮楊柳漸減愁聞君解說生公法。頑石於今可點頭。

書慧日泉

古井波瀾試早春。乳花煎碧水鱗鱗。憶從坡老題名後。忙煞山中汲綆人。

翠竹庵晤家筴山

風雨聲中夜漏沈。君才漸覺老山林。杜公飲博非無賴。要是英雄末路心。

聽雨分詠得曙字

客從南山來。時雖到竹就我決猶豫。人海塵茫茫。春愁亂如絮。數十寒暑中。流光忽忽遽。哀樂同中年。悲歡兩無據。霜露沾人衣。幽魂夢相語。我亦愁中人。前席愧借箸。不如飲醇醪。雄談各箕踞。主人

况好賢。留客竹深處。痛飲酣深宵。酒力寒可禦。笑指燭花紅。詩成
恍神助。幽鳥諧宮商。松濤互吹噓。風雨對床聲。一白紙窗曙。夜來
山中泉。潺潺積沮洳。可憐在山清。流入濁泥淤。苟能玩茲理。閉門
勿踟躇。浮沈世上名。性情了無與。且和聽雨歌。一散百千慮。

清凌山院分詠得山字

芒鞋踏遍隔江山。如此烟蘿未一攀。久已名逃題詠外。甘同人伏
草茅間。鳥蹄春晝千聲碎。僧老雲岩一味閒。莽莽風沙遮望眼。登
樓何處認鄉關。

清凌山和車竹君

狂歌痛飲酣良辰。古人去矣懷今人。突兀空山見吾子。冰霜氣激
迴陽春。握手歡呼得佳句。捫之紙上森峻岫。刻劃奇松散烟霧。縱
橫老筆芟荆榛。字字探驪入龍窟。五光十色排金鱗。嗚呼此才不
輕出。毋使憂患勞其神。君住山南我山北。雨明風晦遙相親。世上
科名等閒耳。讓人衮衮京華塵。十丈燕臺減聲價。君從凡馬徒凌
巡。我亦天涯倦遊者。窮途歷遍粗知津。相約幽居養心骨。千秋光
景雲山新。

登竹君聽雨韻得八律贈之

坐久一燈碧。東風吹畫軒。寒憐雙鶴語。春任亂鴉喧。子愛懷今雨。

蘭成賦小園。閒愁無可說。相對欲忘言。

山鳥喚春夢。客心清曙軒。可憐行路久。粗解避塵喧。托契竹林友。
趙舍章追歡桃李園。夜遊須秉燭。白也豈狂言。

白日堂堂去。灰心到冕軒。窮途堪淚下。使酒故聲喧。落落千秋業。
閒閒十畝園。君知伸屈理。時命漫輕言。

萬山新雨後。蒼翠滿松軒。天意渾如醉。春愁不敢喧。高懷空宇宙。
失計去田園。古有升沈感。君平莫浪言。

君如雲裏鶴。霞舉氣軒軒。志在何能屈。愁多轉不喧。年華臨壯歲。
踪跡暫邱園。安得陳經濟。揮毫數萬言。

自非悲失路。誰肯戀華軒。鴻鵠摩空久。鷄蟲得食喧。羨游終異地。
春夢半家園。他日飛鳴去。毋忘隴上言。

花暖藏春鳩。雲扃待月軒。山深甘隱逸。夢隱不驚喧。何日歸榆社。
秋風種菜園。生平九州友。竟夕款蘭言。

三十年華矣。依然卧此軒。人多相慰籍。吾豈好悲喧。意氣吞龍國。
文章鄙兔園。就中懷抱在。休與外人言。

寄內

人在春風兩鬢絲。折殘紅豆寄相思。頻看碧月應回首。每見青山
想畫眉。燭淚難乾為客夜。機聲乍斷憶君時。天涯雨雪閨中夢。忍

向章臺唱柳枝。

當時離緒苦依依。雪滿關河唱采薇。別後梅花香紙帳。春來柳絮上征衣。年年寶劍依人慣。夜夜金錢卜我歸。綠遍江南芳草路。沙鷗何事不同飛。

梅格分詠得五微

鐵骨冰心舉世稀。每於霜雪吐芳菲。目空今古羣芳譜。身著神仙一品衣。聲價由來金鼎重。丰姿不是玉環肥。空山翠袖高寒極。除却瑤臺伴侶非。

東唐大蔚伯

三才言二
迴首西風矮屋前。文成立馬萬人傳。君猶抱憾劉蕡策。我更難爭
祖逖鞭。修到神仙多浩劫。自来哀樂例中年。臨歧莫下唐衢淚。幾
个憐才白樂天。

別後鷓鴣兩地飛。江東雲樹望全非。獨為遠客天涯走。爭及先生
歲暮歸。到處關山橫短笛。祇今雨雪透征衣。三春白日堂堂去。瘦
倚空山減帶圍。

春深花鳥悵烟蘿。風雨聲中互嘯歌。著我千秋殊恍惚。依人一例
感蹉跎。文章欲乞金鍼度。歲月難禁鐵硯磨。聞道扁舟未故里。江
東米價近如何。

一河南北地中分。潮去潮來遼不聞。江岸雲遮揚子渡。春山詩唱鮑家墳。同遊此地偏離處。才羨鄉關舊樂群。樽酒往還乖夙好。何時重與細論文。

題傅少屋師小照

君不見屏風貌取白樂天。圖名妓笠臨波仙。成都名刻像張泳。放翁團扇揮雲煙。自古文章與經濟。其人賴有丹青傳。公之繪圖毋乃是。重以仁政希先賢。傳家治譜石梁寧。龍圖學士豐碑鐫。名宦祠中辨香在。公遠祖某公官宋時龍圖學士。初攝天長令。治績卓然。崇祀名宦。事載安徽府志。至今父老供攝。手植甘棠近千載。公乃繼起追淵源。我家接壤百餘里。聞

聲竊頗。編紙塵。憶昨新科罷文戰。飄蓬獨泛瓜皮船。存鴟無能策
高第。聞鷄不得爭先鞭。江南江北一知己。尋師未拜梅花前。深山
大澤氣宇肅。无風霽月翼塵捐。自登龍門識丰采。荊州一見平生
緣。未免相離復相憶。重趣几席親丹鉛。幕府何須倣王儉。書堂閒
即招彭宣。風雨論文一樽酒。公時獨立雲孤鶩。畫工何年寫此照。
玉山朗朗高吟肩。吳帶曹衣有如此。傳神直到秋毫巔。桃李門前
具真相。木樨香裏參詩禪。想見掄才到場屋。秋風桂子同新鮮。現
宰官身為說法。吾衰非復公車年。閩海人誇得科早。春明十上頻
游燕。北馬南船苦奔逐。精疲力瘁金臺邊。老矣一官傍淮泗。山城

斗大脚歌。絃戴月披星。面憔悴。催科撫字。心纏綿。其奈河身漸西。
注。洪湖累害膏腴田。一夕憂思鬢毛白。鬚髮照影驚。庶泉。我聞公
言為公祝。願公霖雨敷山川。麥秀雙岐報豐稔。行將列入嘉禾篇。
乞摹此本千萬幅。留與部屋張高懸。公其默許雍言然。

和張述夫出都口占四首

一笑春歸榜上花。櫻桃時節出京華。才高易得山濤荐。塵汙難將
庾亮遮。燕市舊愁三月酒。盧溝殘夢五更車。嘔心刺有文如錦。付
與黃河逐浪沙。

一千餘里月隨身。瑁璪歸來苦諫貧。事到最難言處止。交從不得

意時親。那堪羅隱詩中客。翻慰劉蕡榜下人。料理以南松菊好。甲
科去賦上林春。

聞道山莊畫不如。新居名紅藕山莊藕花天氣雨疎疎。新編涪北詩人集。

懶上河東宰相書。過夏肯留車碾碌。悲秋都付酒消除。挑燈還檢
陰符讀。未信蘇卿作計靈。

西窗剪燭話分明。春感秋悲一例生。得路人偏誇福命。耕田我自
答昇平。狂歌樂府黃麾曲。檢點他鄉白鷺盟。報取招賢臺上意。期
君何止一官程。

贈邱海琴

詩中有畫畫中詩。天興多情筆一枝。廿歲才名傾白傅。以君少時曾

知先生小六朝家法本邱遲。那堪雲路乖心緒。無限烟波照鬢絲。擬

挈侯芭來問字。君高弟子雲亭上草玄時。述夫孝廉子

一門風雅讓君多。崑體才華奪綺羅。碧玉青鸞情宛轉。黃金白馬

氣消磨。古來例有中年感。老去空揮落日戈。說與吾家程正叔。山

年荒城烟月五婆婆。

折斷王孫七寶鞭。為君藏過遠游篇。門多索畫求書客。秋在慳風

番雨天。此筆曾題淮甸樹。扁舟猶夢潁湖蓮。相逢莫更從頭說。我

正飄零慘綠中。

胭脂山下鎮徘徊。吹笛聲中月一堆。終夜西窗無客語。當年東閣
為誰開。依然說劍橫經處。記否彈琴治事才。一種桃花如雨落。劉
郎去後莫頻來。

送傅松如歸泉州

秋色上歸橈。西風柳萬條。言辭淮海路。飛渡浙江潮。慷慨歌長缺。
淋漓勸濁醪。無為感離索。努力望雲霄。

秉燭旋風筆。題襟醉月觴。朝朝趨幕府。夜夜夢高堂。上策還鄉好。
新秋載路涼。攜家無客況。眷屬是劉綱。

一片揚州月。年年照別離。那堪為客夜。又賦送君詩。秋氣先梧葉。

鄉情托荔枝。迴看山下路。紅雨淚胭脂。

鬱鬱久居此。春風年復年。豈無經濟用。獨有畫名傳。聞却千金劍。歸歟七寶鞭。沿途山萬疊。揮洒任雲烟。

不責嵇生懶。深知范叔寒。論交今已久。行路古未難。夜月三千里。秋風十八灘。南旋逢雁旅。為望寄平安。

自別錢塘路。無由泛浙東。今君如越客。為我吊蘇公。舊句悽吟篋。新愁付短篷。來朝分手處。驢唱水聲中。

偶作

興來偶作海棠顛。腸斷琵琶第幾絃。酒肆何須疑阮藉。後堂原可

名彭宣。風雲意氣消。誰覺烟月文章瘦。可憐曾是愛人香草淚。滄波無處弔嬋娟。

張述夫招集二峯草堂為持螯之會即送葉酒生歸邗上

最高樓閣易西風。指點橙黃橘綠中。座客不須誇冀北。酒徒從古羨江東。但教霜後圍臍飽。肯放秋來左手空。贏得狂歌兼痛飲。天涯何苦說飄蓬。

負他雨笠共烟蓑。每到江湖憶薜蘿。此地曾經三往復。名山禁得幾蹉跎。蒼茫客感中年積。嶮畧秋聲昨夜多。為問風流張子野。可能留住老東坡。

酒生時下
榻述夫家

招邀漁弟伴樵兄。都向閒鷗證舊盟。出郭園林隨處樂。在山泉水。
本來清懷人。又近初三月。歸客先愁第一程。後夜相思定何處。菊
花香裡夢蕪城。

雁聲豈合客中聞。黃葉催人酒半醺。四壁烟雲堪入畫。滿城風雨
灑平分。閒將麈尾揮名士。肯把猪肝累使君。料理吟鞭歸去好。故
鄉留待倚斜曛。

臘月小集守真堂。遲崇海門不至。

殘年誰可話鄉愁。暝色蒼然上敝裘。乞我好風吹泗澤。送人明月
到揚州。不知今夕為何夕。猶戀詩籌與酒籌。問訊竹林狂阮籍。阿

成何事不同遊。謂合叔
崇琴川

白也豪情迥絕倫。金花銀燭綺筵陳。招來南國依劉客。瘦絕東陽

姓沈人。湖州沈
玄舫對雪漫嗟新綠髮。耐寒須似此松身。蓬萊咫尺丹

梯近。已報層崖入早春。

題全椒章雨人印譜

丈夫不合浪奔走。十年辜負雕龍手。却將篆刻博才名。過眼雲烟
復何有。李斯篆法今已無。吾家太史空不朽。先生可是好古人。鬱
律蛟龍禳蚪蚪。漢玉秦銅知者稀。悔生煮石山裏後。我有一石芙
蓉岩。自欲千金享傲歸。精堅不肯受磨礪。名姓何須記誰某。章侯

章侯勿復陳。金石雲編漫回首。胡弗扯雜摧燒之。痛飲西風一杯酒。君不見李蔡為人居下中。腰繫黃金印如斗。

擬行行重行行

行行重行行。乃至玉門關。分手各萬里。鞍馬倏忽間。徘徊泣岐路。毋乃兒女顏。豈不念鄉井。銜命征天山。天山慘無極。衰草燕支色。不怨離別長。但惜歲月逼。感此傷人心。浮雲蔽天北。去去勿復陳。慷慨報君國。

擬青青河畔草

青青河畔草。湛湛江上水。榮枯歲無常。托根信如此。朝為合歡花。

暮結相思子。相思愁不來。日夕秋風起。

擬今日良宴會

今日良宴會。玉盤羅珍羞。輕裾束趙舞。寶瑟揚吳謳。知布世所嘆。一曲當高樓。露下蕙草歇。蟋蟀鳴素秋。歡娛未終席。顏景勿西流。生無百年壽。常懷千載憂。鳴笳啟征路。何不秉燭游。

擬西北有高樓

西北有高樓。浮雲鬱相望。珊瑚結綺棟。四壁懸明璫。方秋整瑶瑟。宛轉彈清商。秦蛾去千載。曲罷徒徬徨。願言侍君子。蘭蕙有餘芳。愧彼雙飛燕。歲歲棲雕梁。

擬迢迢牽女星

迢迢牽女星。夜夜悲促織。神光際虛無。豈在假雙翼。清淺會有時。江湖安可測。采采芙蓉花。寥廓若為涉。

擬明月何皎皎

明月何皎皎。高樓清且閒。徘徊一登眺。直北愁關山。迢迢白登道。歷歷青海灣。朝朝織機杼。夜夜望刀環。願持作明鏡。照妾垂暮顏。妾顏不常好。君去何時還。寄言勗光采。努力雲霄間。

訪梅

灞橋驢背鎮徘徊。風雪頻將冷信催。乘興何妨浮艇去。相思直欲

身
抱琴來。要知高況原爭慕。誰採香名在。未開鶴夢。連宵呼不醒。定
應先我到林隈。

問梅

空山歷歷幾黃昏。何事籬邊也托根。南海夢醒應自笑。西湖人去
向誰論。似於冰雪偏投契。未必春風不感恩。直到無言相對久。一
丸涼月正當門。

折梅

幾番選勝向疎籬。帶得雲歸鳥不知。攀折豈同江北柳。尋常都揀
向南枝。書來遠驛關心早。人倚空山出手遲。為報銅瓶須料理。未

宜開到十分時。

畫梅

天然風韻骨珊珊。繪出全神事最難。漫寫杈枒矜老橫。須從蘊藉
仿高寒。情無言處窺籬落。似有香來上筆端。一笑胭脂成底用。不
多水墨耐人看。

寒山

昨夜夢騎鶴。往來明月間。梅花千萬樹。開遍隔江山。鄧尉歲寒約。
藐姑冰雪顏。何當攜鐵笛。吹動水潺潺。

寒雲

鳥度前山沒。龍藏巨壑通。滿天橫朔氣。一雪滿奇功。不盡高寒外。
全歸慘淡中。蒼茫如潑墨。暗捲北來風。

寒鴉

群起亂江皋。啞啞逆羽毛。如何兒女累。轉向旅人號。雪陣排千點。
烟檣匝萬遭。飢鷹方側目。未可傍空壕。

寒菜

世味都嘗遍。依然咬菜根。荒年多此色。霜雪豈無恩。江上少陵屋。
天涯開府園。英雄都老去。端合閉柴門。

謝文節詠鍾琴

茶阪歸來大運移。中原回首失旌旗。怕彈海水天風曲。如聽崖山
夜雨時。有數知音均死節。無端老淚迸哀絲。銷聲永着麻衣去。西
梓東桐萬古悲。

趙忠毅鐵如意

一擊豨虺事不成。臣心如鐵此錚錚。六州鑄就當年錯。千里攜將
遠成行。諫草焚來壺定缺。茄花指處劍爭鳴。伴他古硯摩挲久。記
取東方夜未明。

餞臘詞

春草軒中

禹山先生少以詠春草得名遂顏其居曰春草軒

欲雪天。詩人老去更纏綿。由

未餞臘循戍例。如此冰心七十年。

匆匆臘尾說將雄。幾輩情深祖道時。老矣我家程正叔。白頭未賦

送行詩。時為山戍生詩也

漫言臘尾續春頭。贏得春來更惹愁。西去湖邊明月盡。揚州不是

舊揚州。張開仕來徵時諺云云

黃羊祀竈歲除時。聊餞餘寒酒一卮。推盡寒花揉盡葉。料無人立

去思碑。

遙青一路好山迎。此去東風緩緩行。驛使相逢如問我。休言飄泊

石梁城。

擬把黃金鑄浪仙。風餐雪虐祭詩天。江東詞客垂垂老。明歲相逢
卅六年。

呈家禹山孝廉

按禹山名虞卿。天下長籍。刻有水菴閣。詞鈔上下卷。高注。

斯文本骨肉。况乃同姓聯。論交遠群紀。請為陳淵源。昔在歲丁卯。

公舉賢書賢。吾家解元老。

叔祖。公。事。

與公數同年。棟也甫識字。窺見

瑶華篇。庚辰孟冬月。獲補弟子員。維時我伯祖。叔祖。公。事。適自淮陰

還。酒酣數行輩。於公尤拳拳。我伯公。香岩。公。事。敬父執。几杖恒周旋。阿兄

小香。先生。暨阿弟。仙。公。事。曾造春風筵。云公。字。馮。公。事。都講名重堂上鱣。表江節鉞

地。東閣交相。字。馮。公。事。我我鐵宮保。梅。公。事。軍唱和郵筒便。每聞一稿出。字。馮。公。事。付

麻沙鑄。以此企丰采。髣髴芝眉仙。字滿一衣抱琴去。一曲師成連。顧維

逐萍梗。汗漫鑑天。龍門望不見。白雲矚層巔。悠悠積歲月。浩字滿三坤

乾。昨游石梁邑。羞傍幕府蓮。值公退乘舫。靈光尊歸然。父老為我

語。著書城東偏。拖泥走相訪。未拜梅花前。開門倒雙屐。愧非王仲

宣。殷殷叩尊長。忽忽驚變遷。相看轉惆悵。話舊衷腸煎。往與公善

者。其人半九泉。寒宗漸零落。秋草平新阡。兄乎復遠別。前月行游

燕。他時為誰述。證此半生緣。感公誼三世。乞公詩重編。幽窗伴燈

火。俗慮俱已捐。開函發光怪。繞屋蟠雲烟。長風騁騏驎。冷月淒杜

鵲。昂長越客劍。宛轉湘妃絃。其原本杜老。至性根纏綿。夙愛昌谷

險。間入西崑。妍餘事作小令。側艷題金荃。古來數枝筆。一手綜其
全。想見少年日。奇氣橫九邊。感恩赴知己。直走途三千。闕門折楊
柳。搖動字滿風顛。青袍控白馬。文采珊瑚鞭。東來逐字滿長白山。蜿蜒
同頭眺遼海。鴨綠江迴旋。出塞復入塞。照耀黃金鞵。狂歌滿燕市。
不受字滿漣。南旋鬢如雪。蕭瑟囊無錢。至今二十載。講席餘青纒。枚
臯去已久。憑弔空山川。黃河日南徙。一綫堤塵穿。雲梯渺何處。海
口淤桑田。堆陳賈讓策。轉漕去張湯船。牢盆百萬賦。淮北今虛懸。
大夫雜文學。辯論胡喧闐。作詩感時事。吞吐含風蟬。日歸問田里。
瀉澤哀悄悄。興到仿坡老。偶一游市廛。先公有別業。蚓園屋數椽。

一門擅風雅。才調殊翩翩。胡弗飲美酒。可以酣高眠。銷寒例有集。
願公開其先。空山舞老鶴。百鳥齊踟躕。吾友崇海門憤白戰。自謂
長城堅。郊寒島則瘦。竊附寒門傳。詩成忽大笑。雪片飛如牋。

唐宮冰筋歌

閨仙夜宴梅花國。狼藉華筵金盞側。象箸拋殘竟不收。虬簷借作
玻璃色。此是人間第一樓。昭陽風緊殿西頭。寒光返照琉璃鏡。雷
點遙懸翡翠鈎。鈎簾纈眼參差望。一抹犀釘屹相向。約玉船邊奪
化工。水晶盤裏窮殊狀。憶昨驪山夜雪中。華清歌舞幾人同。鷓鴣
薰暖圍香几。鸚鵡驚寒喚綺籠。此時冰鑑承恩厚。此際冰棱垂柱

久表出光明。宋相心。玩來顛倒楊妃手。一斛珍珠喚奈何。羊車望
斷少人過。淚隨赤玉壺。冰結持比黃金屋。漏多那知鼙鼓驚天早。
一樣瓊枝不常好。秋夕纔游月府歸。春風忽倚冰山倒。一曲零鈴
蜀道難。蕭蕭落葉滿長安。六軍曉踏黃河凍。萬戶朝懸白屋寒。多
少宮娥頻太息。征塵未減河南北。破竹誰收畫策功。調梅早負和
羹力。南內隸未慘不歡。沈香亭北舊欄干。字滿然侍女調冰戲。爭得
君王帶笑看。可憐垓土哀湍瀉。凝碧池頭暗愁惹。回首重經翡翠
窗。傷心怕見兒兵。馬嵬坡下泣黃昏。一樹梨花憶墓門。試按霓
裳天寶曲。雙雙玉筍落啼痕。

和東坡讀孟郊詩二首即用其韻

論詩得坡老。萬古一羽毛。雲霄寄高妙。風水文相遭。有時不稱意。
嬉笑皆牢騷。問津本天上。字漁郎孟公豈不偉。雕鏤心則勞。譬
食江瑤柱。豈暇持霜螯。物理忌相掩。氣奮詩中豪。字滿儒尚粗淺。胡
弗沾其膏。自非天馬鳴。敢笑寒蟲號。吾將棄糟粕。一飲公瑾醪。文
人例相輕。自古有此語。我生千載遲。立論敢首鼠。每歌游子篇。淒
惻動肺腑。含英咀其華。粲若字可煮。纏綿樂府音。餘亦足千古。世
無韓昌黎。讀者誰起舞。愛才如東坡。一覽小坏土。遙遙杼柚心。何
以辨締紵。白也譏杜陵。從來作詩苦。二公倘同時。偏師實勁旅。

歲暮書懷和杜工部十二月一日三首韻茲擬其體

蕭齋歲宴如太古。登樓望鄉殊自憐。送人河上忽聞笛。幾處天涯
又上船。往來哀雁傷心地。慘淡飢鷹得意天。蒼涼滿目吾欲去。坐
看明月東海邊。

鋪來一片梅花白。遮斷千山衰草黃。昨遊銀海見坡老。同向玉樓
呼李郎。颯風墮地吹夢覺。白雲在天流恨長。挑燈作詩記所歷。火
速急就編凡將。

雪光滿地月穿扉。坐起虛堂酒力微。歲暮空彈豪士劍。夜寒頻問
故人衣。舊交別後狂名滿。此地初來伴侶稀。未免被他猿鶴笑。故

山籬薛寸心連。

題康瑞伯小海山房圖

對山之樓樓已蕪。對郡山樓今半廢矣。對山之名名不虛。君家山色

君能摹乃作小海山房圖。圖中有石有竹格。有蘭數叢梅數株。有

筆墨硯銅蟾蜍。此外羅列棋琴書。尊壘鐘鼎瓶鉢。一一清秘窺

倪迂。昔者我屋城西隅。追隨里巷嬉樵漁。臣叔不癡詩則腹。秋樵

况偕湯梅庵沈酌常高田。田少泉。俱坐君米家書畫厨。春秋佳興無

時無。東坡生日例百壺。是日山房例有雅集。年年供養燒花豬。座中有客今

蘇。梅庵思凌堂上燃吟鬚。君集事願曰思凌堂本前主人風骨

梅花耀。

主人清瘦是梅花。梅庵丈賸君句。

雅謔時一相胡蘆。海南香燼宣和爐。茶

煙曲篆詩腸枯。鷺毛打門雪片粗。隣鐘往往催歸途。

善照所居在祠山。

聞當時各乘下澤車。海陵紅粟千倉儲。有酒則醕無則沽。鷄豚排

日為歡娛。豈意零落如晨晷。昨宵吹笛黃公壚。

梅庵丈於壬涼風辰夏下世。

蕭蕭菰與蒲。雁聲在水烟模糊。天涯幾輩思東吳。

是少年秋。樵叔近客蔭。

村高庵留滯狼山。歲暮未歸。僕館真州酒邊話舊無復。曩時歡趣矣。羨君如舊棲粉榆。更闢隙地臨

前除。西南一角尤蕭疏。

山房西角。置數椽。按間房。曲室之致。

綠玻璃室紅闌扶。想

見聽雨爬沙初。

時茲以園壚。聽雪園屬題。

計君經營完此廬。年過四十三居諸。

踪跡未肯離鄉閭。朝出暮入板輿紫荊花。下來啜于。

令弟告諸郎。

文采青珊瑚。俱能讀書人。小者跳躍昂昂駒。見輒索果牽我裾。女孫

學語時呶唔。眼見五世皆同居。而我飄泊孤雲孤。明將旅食淮濱

魚。特又將石梁。感君招飲聊須臾。試燈節君招同夏退庵吳香野。欲別

不別行如蜀。題君此國心鬱紆。何時彈鋏歸來乎。結隣春雨堂西

湖。小西湖春兩草堂為宮紫玄太史別業國初諸老觴詠居寓君

與我烟波徒。伊嗟吁。君屬我歌歌且呼。我歌君和當何如。第四十四句原

贈崇海門白

一掬洪湖水。澆愁日幾回。光陰為客久。風雨望君來。鬱勃雷歌氣

飄零用世才。停雲山館夕。可但我低徊。全板章兩人時

我來訪耆舊。流恨古三阿。落日荒城路。秋風大澤波。此才驚晚出。
天意縱悲歌。哀艷何人識。嬋娟托女蘿。

自愛愁康懶。誰憐阮籍狂。相逢今日宴。不信少年場。舊夢醒何處。
沈憂接大荒。心肝都嘔盡。底用小奚囊。

不作關山想。承歡虛空餘。青華門第舊。味傲水窗虛。樂事人事羨。

才名我不如。一篇知己賦。傾倒沈尚書。

沈小湖副憲督以江右盧以集才賦君

天馬神原俊。廢龍性未馴。由來多激越。祇益助酸辛。滿二眉山後愁
春泗水濱。陳登樓百尺。雅有敬恭人。

滿二城西月。浮雲廓太清。燈偏深巷影。書聽隔牆聲。滿二誰知我。論交

弟與兄相期千載事。不僅博科名。

春草軒中醉。

去臘同飲於家禹山先生處遂詩銷寒詩社

相逢各問年。歲寒字滿意風雪。

祭詩天。回首陶潛徑。關心祖述鞭。槐黃佳節近。隱隱下江船。

有約金焦去。天風送我舟。

時約同曹蜀漁馬金焦之游

數聲瓜步笛。五度秣陵

秋。此會他年記。長空皓月流。竟須凌絕頂。高處詠瓊樓。

玉宇望無極。金尊空自豪。聊持鐵絳板。不唱鬱輪袍。香草美人曲。

寒風漁父舸。將詩擲江水。或可助蕭騷。

剝落題檣句。相如小儂游。已成歸客計。還為故人留。桂樹淮山曲。

蓮花幕府秋。君如知此意。日暮慙閒愁。

題許梧村移情海上圖

先生辨琴如辨詩。宮商不合人間詞。我來讀詩且讀書。一幅秋濤
破空界。詩聲琴聲將毋同。陡覺一氣凌天風。目送飛鴻落何處。滄
溟突兀蓬萊宮。蓬萊之波幾千尺。蓮花中坐飛仙客。曲奏時同鸞
鳳音。曲終惟見魚龍色。誰與和者編師。子春一去無人知。千百年
來廣陵散。編日暮將何之。蒼茫此調成孤往。指點浮查編可想醉
後空餘萬古愁。耳中忽動子山響。吁嗟乎。我家乃在東海頭。政是
此景摹滄洲。憔悴生平一焦尾。無端來詠洪湖秋。丁卯橋南識君
處。還君此圖為君語。斗大荒域不可居。何時却共攜琴去。

讀史八首之二

形勝荆襄據上游。長江繞郭對黃州。火攻轉逼周瑜壘。塵起旋遮
庾亮樓。尚惜千金酬死士。可憐一劍怒諸侯。萋萋鸚鵡洲邊草。碧
染春江日夜流。

小孤山下撒樊籬。楚火沿江羽檄馳。皖伯荒臺相望久。條侯堅壁
已來遲。澤中盜起狐鳴夜。濠上人驚鶴淚時。回首忠宣祠畔過。可
堪流水照鬚眉。

題畫

人面山高絕。窳沈驟網出。沒水邊林。五丁開出金牛道。直被秦人

賺到今。

題陸次山鐵園集後

湖山一角夢年年。乞食吹簫亦可憐。拋却江南好春色。斷腸心事

付啼鵲。

次山畧以才數人而羈宦於蜀非其志也畧誌數語以道欽違之意

題黃母左太淑人事略

烏生八九子。其一丹鳳皇。哀鳴何嗷嗷。反哺不得將。翳維左氏女。作配江夏黃。殷勤相夫子。清要躋臺郎。歸來繡衣使。梁廡時相莊。有子頗挺出。年少登玉堂。每覽獨行傳。願兒為范滂。朝夕侍親側。讀書聲琅琅。至今短檠在。韓門照輝光。哲嗣奉慈訓。為我言之詳。

往事足悲感。老父病卧床。母也割臂肉。和藥調羹湯。霍然母心喜。
 艱苦已備嘗。十年困軍旅。護草驚秋霜。白雲渺何處。秦樹烟茫茫。
 兒將返故里。母猶續他鄉。惟餘手中線。涕淚沾衣裳。卓哉古賢母。
 大義明綱常。俗儒毋乃陋。髮膚戒毀傷。女子尚節氣。雖柔亦能強。
 性發不自己。情過初無妨。焉知百世後。彤史名姓揚。况聞腦膊基。
 鐙影機聲旁。佳兒得佳婦。一若姑事章。由來孝泉水源遠。流斯長。
 我今歌此曲。蓬麻共其芳。猿啼近巴峽。淒斷寸寸腸。

和幕中余新吾先生九秋即景原韻

銅梁玉壘控遐方。電掃機槍竟歛藏。萬里音書通竹報。北棧路通
甫寄家報

千村笑語熟秬香。清流場民有獻連理禾者三四穗居多金撓曲奏城頭月。八月十日

捷官軍賊數萬焚毀藍寶劍先收曉角霜。擬就子雲綿竹頌。崎

嶺蜀道慶康莊。

三秋積雨豁朝暎。灌口渠開水倒吞。今秋多雨官到窮鄉貧豈病

新繁本完善之區軍人言此地簡非繁月明樓櫓平郊壘。新建康

與以素志空敵賊矣風偃旌旂敞縣門。莫羨芙蓉城咫尺。魏公

遺愛柏猶存。魏公署東園有唐李

醉來百感太槎枒。絕似漁陽原本鼓點過。永夜角聲催落葉。暮年

心事付衰邁。忘機不作蜚鳴鳥。問卜何關聚散鴉。中多鴉歷任

只有鄉情拋不得。扁舟何日賦蒼葭。

紛排鹿角護金隄。梅花橋護之以曲引滙江水向西五十里平何地

險萬重山對此城低。僅三十餘里山懷人雪夜思魚洞葉桐君刺史

山中去果送客秋風過虎溪。詩僧雪堂天末良朋欣聚合不教離

索寸心。新吾先生喬梓登楊執才張小山諸同鄉下榻

敵樓落成九城豐三年重

去年此日記從軍。羽檄飛馳萬緒紛。羊馬河干雷重鎮。魚鳧城上

指妖氛。去秋自羊馬河防城金銀氣盡如灰散。七邑團練防河費

鼓聲喧徹夜聞。至竟何人能禦賊。極天烽火照寒雲。

清白江流恨未平。至今殘劫話昆明。去秋藍賊過境。清白江一帶村舍焚掠尤甚。我來

忝作萊蕪長。賊去猶驚草木兵。見說李暘麾戰壘。李貞甫者。廉寧鄉。圍千餘人。禦

賊清白江。甚多。悔教潘濬守危城。金花銀燭羊公宴。莫問當時細柳營。

此間碩彥苦無多。颯颯英風感逝波。故土草香名士墓。戰場花落

秀才坡。早聞左史談兵略。左生宜軒。從張副將萬族。親見王郎斫

地歌。王生槐庭。今春追賊至。彭縣關口遇伏陣亡。太息雙忠祠下過。招魂秋雨淚滂沱。

以二生本主。祠祀漢雙忠祠。并為宜軒立後。

緇衣賢館又重開。團社東坡妙選才。新設城鄉團保局。十三處。各以能事者領之。並挑鄉兵一

千。為選錄。五色旌旗新壁壘。萬家燈火舊樓臺。詩成風雨催租後。

車走晴雷載未來。多防守既入國鄉民連夜捷書頻送喜。自以後川楚

官軍屢獲大勝坐看碧宇淨塵埃。

和陳少方六十生朝原韻

別來芳訊憶經年。聞說南行遇旼然。謂借如畫江山宜我輩。最高

樓閣近神仙。夜深鐘磬雲中出。風送帆檣樹杪連。贏得新詩嵐翠

濕。推敲底事更求全。

相逢無恙舊吟身。情話移時見性真。每過浮屠留信宿。必先主於地

院藏祥合從香火悟前因。月明對影成三友。風雅關心有幾人。茗椀

酌壚新謝却。祇應天付與精神。

掃地焚香讀道書。雲林潔癖未蠲除。琴尊自愛陶元亮。經策空懷董仲舒。瘦影不妨人似鶴。曠觀誰道我非魚。相思欲寄南飛曲。迢

遞表江道上車。先生壽日。煉客泰浦。

紙窗竹屋夜偏長。書味醞醞蔗境償。垂老斯文猶篤好。少年結習

本難忘。葛仙何移家具。先生有移家白傳。先生索和章。且詠寓公

樓畔月。羅浮山色錦屏張。

題湯秋史戲西遊吟草

清時名闕冠華簪。謂君家雨生士。伯科第難酬寸草心。司馬有

人攻洛黨。士龍為客愛吳吟。看殘世事浮雲幻。感入生平舊雨深。

簪裏陰符堪一試。將有從不妨。裏做盡黃金。

題大理石屏

同治庚午嘉平。余自江津引退。距從戎。靖時已十餘年矣。偶遊渝郡。購得大理石屏。充江南之歸裝。憶滇西之多事。烽烟未息。春水方生。聊賦短章。屬楊心如學博書於座右。以誌今昔之感云爾。

飽看滇南萬點山。凍雲晴雪水潺潺。歸來如畫難尋處。一笑扁舟載石還。

松承堂詩文稿

泰州程祥棟著

詞

沁園春

辛卯冬舍碧草堂詠古
分得陶學士掃雪烹茶

南雪催寒。北風做冷。又逼殘年。怪飄泊鷺毛。原拼珠碎。掃除鷺尾。肯污瓊妍。茅火紅乾。竹鑪翠濕。慘取梅花細乳煎。霏微處。倩紙窗
浙簌。留住斜煙。料他太尉華筵。唱徹琵琶大小絃。笑歡也難勝。銷金帳裏。夢應不到。軟玉甌邊。一味冰清。幾番露噀。沁入詩腸欲
化仙。怕未日晴檐細滴。流入肥泉。

玲瓏玉

雪後東
竹君

冷噤啼鴉。紙窗外。肩肩騷騷。斜明粉壁。凍雲低。襯微凹。欲上高樓。
望處。怕長河水塞。迷却歸橈。今宵須商量。吟館寂寥。料得孤衾。
坐擁。便頻溫寶鴨。不暖金貂。玉宇瓊樓。想高寒。夢境迢迢。何年梅
花修到。莫仍化天涯柳絮。一樣風飄。且同醉。趁城頭晴霽未消。

高陽臺寒夜書懷
寄少泉

紅雪吹香。綠冰流夢。深宵數遍蟬更。曉角烏烏。雁他潮落。江城梅
花原樹。孤山種。却移來。傍水淒清。算年年。鶴怨猿啼。總勝鷗盟。
碧雲樓閣。徘徊處。又珊珊。雜佩望斷飛瓊。拍遍闌干。蟾輝不照。簾
旌背花。徐欲搖鞭去。為流連。前度歌筵。又誰知。一曲闕山。笛裏寒

生。

齊天樂

秋樵叔之壽春道出真州送至西郭門外馬山賦此而別

霜高鶴淚風聲裏。青山已迎前路。樹樹傷心。梅花點額。約記當年
游處。旗亭舊句。怕重和琵琶。更添酸楚。一樣飄蓬。白沙亭古翦燈
語。今宵細斟碧釀。二分明月地。還算重叙。病馬嘶寒。荒鷄唱曉。
贏得天涯羈旅。留君不住。問雪滿關河。我能歸否。偏是催人五更
憑報與。

一萼紅

泊舟燕子磯風雨竟夕書寄所懷

一聲秋。是空江玉笛。吹散白門舟。知否蕭郎。今宵鬢白。風飄雨泊

江頭共誰載南朝剝夢夢醒處楓葉荻花愁却恨寒潮偏隨東去
不共西流依約銷魂時候憶模糊燈火昨夜高樓羅帕題詞錦
衾記夢霜氣先警簾鈎早領取將攤滋味悔當時紅淚印綢繆刺
有死夾心事付與沙鷗

一萼紅夕陽

指江頭又蒼煙赴暝明滅半輪秋坡老文章李家畫稿賴他點綴
風流曾留照吳靦魏瓦山河影金碧已全收木葉蕭蕭馬頭先落
鴉背先愁指點芙蓉花外剝闌干一抹紅到西樓待燕歸遲兩一
字
蟾尚早沈吟幾度簾鈎遮莫唱杜秋娘曲好年華容易白人頭珍

重天寒修竹翠袖勾留。

湘江靜

真州西郊外有美人石本汪氏榮園故物阮芸臺宮保題湘寧奉三字其上近謝美仙繪榮園片石圖屬

題調此
應之

蟋蟀聲中仙掌路。巾湘靈日斜何處。亭亭孌孌。黃昏却立。夢坐雲

前度。那不怨汪倫。隨潭水桃花春去。招來畫裏。非耶是耶。羅衣憔悴

如許。舞榭荒平野。暮碧滄滄。瓊環淒楚。三生莫問。情天補後

伴兒。共墳樹。前夜玉魚魂。應尋着可人私語。姮娥審識。甚時瘦了

遠山眉嫵。

陸麀慶侍御儀徵志云。真州西門外並無仙人掌地名。當是新

城尚書附和其說耳。小松自校

南樓令東綺雲樓主人

瞥眼最銷魂。琵琶白板門。釀秋陰、簾額黃昏。鬢影衣香都不辨。是
桃葉。是桃根。特地欸銀尊。青衫舊酒痕。儘良宵重與溫存。喚起
鴛鴦頻說夢。夢流到、苧蘿村。

南樓令秦淮感舊

五度石城秋。丁簾倚翠樓。是岳楊曾繫扁舟。舞扇歌衫消歇盡。夢
何處。拜牽牛。打疊唱西洲。蓮花一味愁。儘模糊讓與閒鷗。賴有
青溪溪上月。肯隨我下揚州。

聲聲慢上寒夜不寐百感悵觸枕
得此滿下三刻矣

狷爐褪燭。我薦偎寒。冰心遞到紅葉。一綫簾風。燈影向人明滅。天
涯幾多俊侶。鎮遶回華鐺消息。凝望久。又月闌亭角。雪殘烟積。

自嘆十年塵土。漸浣遍青衫。淚珠還滴。夢裏樓臺。換却那番金碧。
鐘聲賴他喚醒。免今夜去尋鴻跡。思往事。在玉梅花底。紫藜吹笛。

淒涼犯

款冬集分
詠得寒字

紺林壞葉。袈裟樣。斜陽忽露樓閣。凍雲滿地。枯僧兩兩。瘦肩如鶴。
鈴風又作。憶前度金焦浪惡。倚江天。蒼茫欲雪。帆影露城郭。因
念丹楓岸。遠火漁燈。客舟搖泊。夜烏喚處。和鐘聲月斜霜落。不辨

石經竟煨芋。功名寂寞。最無聊。冷聽粥鼓。夢易覺。

南樓令

曾王二
波騎尉

投筆似無因。青衫汗軟塵。聽江城畫角頻頻。剩有蒯緱雙劍在。飛
信去。柳營春。風雅羨綸巾。乍交如飲醇。問何年圖上麒麟。且約
殘年同射虎。君不見。李將軍。

永遇樂

留別全椒
人

羅隱三生。彌衡一刺。贏得銷瘦。官閣題襟。衙齋翦燭。夢冷香殘後。
胭脂山下。琉璃井畔。舊事月明回首。奈西風征衫。挽住。不是那株
楊柳。感君相慰。無限沈吟。付與一枝紅豆。幕府南朝。詞家北宋。

老却雕龍手。懷人雁底。送人馬上。總到斷腸時候。試料理。今朝談柄。明朝別酒。

雨霖鈴

詞內
北山
之寂
謝美
仙書
來索
去謝
近作
兼

敲門聲急。感西風。遠遞新紅葉。開棧轉憶。何處青山小謝。寒雲千疊。酒地楓天。已負了。前度佳節。怕一夕。秋與人歸。待幾時。尋着君說。吟魂早化癡蚊蝶。凍罈尚嗅。胭脂雪。夢游醒更。淒楚。爭忍聽綠窗。蕭颯。舊雨飄零。今雨吹來。又復吹別。念我吐出愁絲。欲重藏。死篋。

念奴嬌

憶吾鄉
望海樓
梅花
却寄
湯梅庵
大庾
瑞伯
常繼
香田
少泉
諸君

瓊思瑤想。夢家山前度。蒼苔行跡。法界莊嚴。香雪海雲湧。諸天幢
碧。易醒魚鐘。偏寒翠被。花氣沾筵席。南枝開未。供將坡老生日。

料也。筍屐尋詩。松瓢買醉。憶我維亭笛。萬一玉杯消息。準留待江
東歸客。樓宇高寒。闕河牢落。總被紅牆隔。夜涼騎鶴。可能飛渡明
月。

念奴嬌

東坡生日雅集子不得
端復用前韻寄諸同人

八百年來。問今宵可是瓊樓明月。竹外一枝斜更好。詩句海陵傳
說。玉版燒豬。金籠放鶴。酌酒庚寅日。鶴南飛曲。琵琶曾否。彈徹。
笑指身後半郎。典型尚在。髯也神仙客。海香火因緣人幾輩。

柘座上仇池。雙石續香。赤壁秋風。黃州雪夜。圖想平生。辰一柘。遙
祝白沙亭子吹笛。

八聲甘州

秦淮雨夜聽琵琶從柳耆卿體

聽蕭蕭落葉響霜鴻。抑揚絃斷中。自金蓮步杳瓊林曲散。玉樹愁
空。多少南朝粉黛。流水太匆匆。應笑他男女。彈破玲瓏。似訴蹇
脩遲暮。有湘絃同調。解佩相逢。算鷺鷥佳約。都悔負情儂。儘今宵
淒迷燈下。怕淚痕化作碧芙蓉。何況是。斷人腸處。雨雨風風。

木蘭花慢

原二波見

怪晴天繚緲。怎贏得。是飄蓬。又冷換鶴裘。寒呵在硯。凍挽雕弓。相

逢綠梅花底已無多。因魂照簾櫳。一曲杜陵。滿三生羅隱江東。

匆匆未日唱玲瓏。往事話朦朧。憶白下山樓。丹陽水郭。細讀紗籠。

吳儂例祠短簿。認烏衣門巷。夕陽中。且和黃鸞樂府。牙旗獵獵呼

風。

高陽臺

中秋夜
留別

紫玉蕭涼。綠珠笛冷。背燈不語盈盈。羅衫幾葉。淚痕各自分明。廊

陰刻襪簾鉤響。細聽時總是離聲。再休題今夜秦淮。後夜無城。

凭闌錯向姮娥訴。使團團鏡魄不鑿鷺盟。青天碧海。誰家尚悔多

情。箇儂愛唱江南曲。渡江來越目淒清。倚西風第一瓊樓。冷迫簾

旌。

憶舊遊題劉牧詞本

好花都闋盡。為甚全尊不算歡場。一襟幽恨在。又銷磨不盡。綺語
淒涼。鏡中可憐雙鬢。青草夢池塘。却眼底垂青。尊前慘綠。容我疏
狂。思量回首處。是燕子樓台。都付滄桑。莫問當年事。便前年遊
跡。烟水茫茫。別來幾番相見。重為唱黃顰。乞西園雅集。青衫畫我
朱履旁。

梅子黃時雨

題夏子俊香
孫館詞牘

烟水虹橋。和前夜。落花流夢何處。剩睡起聞歌。杜娘金釧。門外江

鷓鴣冷笑。笑人只解傷春緒。淒無語。冉冉絲上陰。飛上詩句。延
佇。君來遲暮。問鶯絲細繞。能有多許。矧作嫁年年。鴛斜虛度。贏得
詞名同柳七。曉風殘月真州路。鷓啼樹。布帆幾時歸去。

賀新郎

詞子述以絲莊履室填
詞圖屬題製以贈

醉裏昏昏月。算今宵銷魂一賦。江郎才竭。半為新知離袂恨。半為
江山雅別。况蕭瑟秋風時節。無限元龍湖海氣。聽驪歌。腸斷琵琶
妾。抱斯意。愈淒咽。看君圖畫愁千疊。似吾儕。少年慘綠。煩憂縮
結。憑仗多情金粟佛。遮護零枝斷葉。莫認作空花說法。中有填詞
惆悵客。洒滿湘字字。湘妃血。碧天怨。補伊缺。

高陽臺

四篁南閣紀夢用余高陽臺韻
茲余歸舟即奉後查前韻成之

小閣臨風。湘堤卧月。無端夢又重經。一寸迴腸。和煙曲篆窗櫺。相
思莫訝花枝瘦。使如花總付飄零。最傷心。憔悴紅衣。淚濕蓮汀。
當時絮語分明。記甚春愁不斷。齊化浮萍。何況秋來。蕭蕭落葉同
聽。渡江待訪桃根例。問何緣載取吳艖。只除他。山色飛來。隱約眉
青。

買陂塘

題熊裕堂院
花閣詞續飲

憶江南銷魂時候。垂楊暗惹離緒。樽前風月愁中覺。酒醒牽衣。纒
纒情底許。算只有屯田。解作淒清語。紅窗正曙。剝半臂添寒。一眉

三十九日
一八四一
歛恨。宛轉易酸楚。蒼茫外。烟水飄殘。笛譜樓臺隱隱。堪數。忍說
今宵何處。秋幾度。還認取。銀河清淺。長如故。星期久誤。問鵲噪帆
聲。蟾圓鏡約。何日唱佳侶。

印後記

三十六年春。余繕印城西草堂詩史既竣。家君復以手編先叔高祖文伯公。輻庵公。曾祖小鄉公。叔曾祖小松公詩文遺稿。畀余付印。時余以中原局勢紛亂益甚。先後奔走徐鄭間。簡書羈旅。曹無寧暮。冬十一月後。常住徐州。公餘讀家君所為叙言。知先人手澤保存匪易。乃恭為繕印。彙成上下卷。以先叔高祖等當時文名藉稱江南北。魏吳州四程。因名曰吳州四程詩文集。吳州者吾邑之古稱也。印既成。適家君書至。促余歸省。家君年逾七旬。性嗜詩。平生編著都十餘種。自前年先慈逝世後。益寄情

詩歌。余迭以整理付印為言。尚未獲請。是表之或。固不僅永無家
乘。抑足為地方文獻徵考之寶。中華民國三十七年三月十二
日。江蘇泰縣程大千於徐州旅次謹識。